

ლიტერატურული გაზეთი

№12(148) 19 ივნისი - 2 ივლისი 2015

გამოდის ორ კვირაში ერთხელ, პარასკეობით

ფასი 80 თეთრი

ტარიელ ჭანტურია

ფრრრ

ხიდან ხეზე გადაფრინდა ჩიტი —
პარიზიდან ლონდონისკენ — ყიდი
ლონდონიდან ბოსტონისკენ კაფკა
ბოსტონიდან — ცა ატლანტიკ-სიტის
არ დასტოვა მოუვლელი ქუჩა
ზოოპარკი თეატრი თუ ხიდი
ინახულა და გაიცნო ყველა
ვინც რამეს წერს — პატარაც და დიდიც
და შეიქმნა ყველა გადამფრენზე
ასნაირი ზღაპარი და მითი
ახლა — ყველა საიდანაც მოდის
ან — მოსული — ისევ სადღაც მიდის
და არ ახსოვს უკვე აღარავის
ის — გრანელის საცოდავი ჩიტი
მე თუ მკითხავთ, ცოტას ყველა აფრენს
და ამიტომ — ცოტას ყველა იფრენს!
გადაფრენილ-გადმოფრენილების
შეგიძლიათ თქვენც გაეცნოთ ციფრებს
ფრრრ
ფრრრ
...
...ეგვიპტისკენ მივფრინავთ ხვალ მე და
საუკუნის ცრუ პოეტი — მეტა!

IV-V

სოსო მეშველიანი

ინტაბრაციული პრელუდია

*„სიტყვისთვის ზოგჯერ აუცილებელია მუსიკა;
მუსიკა კი არაფერს საჭიროებს“.*
ედვარდ გრიგი

ქინქლივით უნდა საკუთარი სისხლით გაბერო,
ყოველი სიტყვა, გასკდომამდე. გასკდება, მორჩა!
პრელუდია! გზატკეცილთან ლურჯი კაფე რომ
ქართ დატალღულ სიმინდების მინდვრიდან მოჩანს.

ჩამავალ მზეზე წყალსაცავის ლურჯად ლიცლიცი,
ფორთოხლის ბალი — თავისთავად, სათბურიც მარწყვის.
პრელუდია! ვინც არ იცის, ანდა, ვინც იცის,
ასეა! ყოველ შემთხვევაში, არავის არ წყინს.

გინევს აქ გავლა საღამოხანს ან დილის ხუთზე,
ლაპლაპებს აბრა შარაგზასთან „მატეო ბორხა“,
დგახარ, გაჰყურებ თვალუნვდენელ მინდვრებს და უცებ
ხვდები, თუ რატომ გავინყდება, კუნძულზე რომ ხარ.

და არც ის გინდა, თვალსაწიერს გასცდნენ ფიქრები,
შორს, მარადმწვანე და მეჩხერი ტყეების იქით,
სადმე კლდეს შემსკდარ ზღვის ტალღებში არ აითქვიფონ.
დგას ლურჯი კაფე გზატკეცილთან, სადაც ყოველთვის
ასე პირდაპირ შეგიძლია წარხლის მინდვრიდან
აკუსტიკურ და დაბალ ჭერქვეშ რომ შეაბიჯო.

შეხვიდე, დაჯდე, გაიაზრო ბოლომდე ის, რომ
ამ სამყაროში ისეთივე უმნიშვნელო ხარ,
როგორც კალია მოქანავე ხორბლის თავთავზე
(ხან საკუთარი ნიჭი გბოჭავს, ხან უნიჭობა),
და რა აზრი აქვს, ამ ყველაფერს საიდან უმზერ,
ვიტრინიდან თუ გაჭვარტლული ქოხის ღრიჭოდან.

VIII

ლელა კოდალაშვილი

ჩვენი სამდღიანი თავგადასავალი დამთავრდა. დანარჩენი — ვნახოთ...

კულტურისა და ძეგლთა დაცვის სამინისტროს პროექტის — „ცოცხალი ნიგნები“ — ფარგლებში გამართული შემოქმედებითი ტურნე გარდაბნისა და კახეთის რაიონში.

4 ივნისი

თბილისი — გასვლა

დილაა. ბავშვებს კიდევ ერთხელ ვახსენებ უდედო, ქმარს კი — უცოლო ცხოვრების წესის შესახებ, მერე ბოლო ყლუპ ყავას ვსვამ და ფეხით ვეშვები სანაპიროს ქუჩისკენ. ჩემი კატა, ქითი, არსენას ქუჩამდე ყოვლად არაკატურ საქციელს სჩადის — ლეკვივით მომდევს. ასე შორს არასოდეს გამოვიკიდებია. ნადი ახლა სახლში — ვეუბნები და თავზე ხელს ვუსვამ. კატა, მართლა ძალი კი არ არის, რომ დამიჯეროს. იქვე სკუპდება, კუდს ირკალავს და ჯიუტი მზერით თვალეში შემომცქერის. თუმცა, საფარაუდოდ, გამოვიკიდებას აღარ აპირებს და მეც ნელ-ნელა ვმორდები.

კულტურის სამინისტროსთან ხუთი ცოცხალი ნიგნი ვიკრიბებით — ვანო ჩხიკვაძე, ზაზა ბიბილაშვილი, ბესო ხვედელიძე, ლადო კილასონია და მე. პროექტის, ან, უფრო სწორად, აქციის ხელმძღვანელი, ქეთი დუმბაძე ფოტორეპორტიორობასაც ითავებს. მისი მობილური ტელეფონის მეხსიერება დღემდე რამდენჯერმე ივსება და ქეთი ფოტოებს გზავდა პერმანენტულად ტვირთავს ფეისბუქზე, ტელეფონში კი შლის, რომ ახალ ნაკადს გაუთავისუფლოს ადგილი. აქვეა მარიამ ნიკლაურიც, რომელიც ამ ღონისძიების კურატორია და ყველა ტურს თან ახლავს. მისი ტელეფონიც პერმანენტულად მუშაობს, ოღონდ არა ფოტოებზე, არამედ შემოსულ ზარებზე. ჩვენ ამ დღეებში კახეთის რამდენიმე რაიონი გველოდება, უამრავი საორგანიზაციო მსხვილმან-წვრილმანია დასაზუსტებელი და ისეთი შთაბეჭდილება იქმნება, თითქოს სრულიად კახეთი აღმდგარა, ყველა საქმე გადაუდია და მარიამთან დარეკვას ცდილობს.

სამინისტროს მიერ გამოცემულ ნიგნებს, რომლებიც საჩუქრად მიგვაქვს, მანქანაში ვალაგებთ. მანანა დუმბაძეც აქაა და გვეხმარება. ისეთი ჭკუამხიარული კომპანია ვჩანვართ, გული სწყდება, რომ ჩვენთან ერთად არ მოდის. ვემშვიდობებით და გაიოზის მანქანაში ვსხდებით. გაიოზსაც აუცილებლად უნდა იცნობდეს ყველა — მას გადაჰყავს ცოცხალი ნიგნები აგერ უკვე მეხუთედ და კიდევ ათი სხვა ჯგუფის ნაყვანაც მას მოუწევს.

გარდაბანი —

ოლიმპიური ცეცხლი, ქალები და ჩვენ

გარდაბანში 12 საათზე გველიან. მიკროფონები გარეთ, კიბეების თავზე დაუმონტაჟებიათ. ფაციფუცი და ხმაურია. ნამით ელდა გვეცა — ჩვენთვის ხომ არ დადგეს ეს მიკროფონები. ასეთ პოზიციაში მხოლოდ მიტინგს თუ ჩაატარებ, ან საზეიმო სიტყვით მიმართავ ერს...

ცხადია, ეს ფიქრი უსაფუძვლოა. სულ მალე თურმე ოლიმპიური ცეცხლი უნდა შემოიტანონ. მანამდე კი შიგნით, მყუდრო დარბაზში გველიან. ცოტა ხალხია. როგორც ჩანს, ან კულტურის სამსახურმა ვერ უზრუნველყო ინფორმაციის გავრცელება, ან, უბრალოდ, ვინც დაინტერესდა, სულ ეს არის. მერე რა. ორი კაცი იყოს და ისეთი, რომელსაც გულით აინტერესებს, აბა, რას ნავიკითხავენ ქალაქიდან ჩამოსულებიო. ქეთი დუმბაძეს ოვაციებით ხვდებიან. აქაც და შემდეგ შეხვედრებზეც ასე იქნება. ალბათ, ძალიან უცნაური გრძობაა ნოდარ დუმბაძის შვილობა. სადაც უნდა ნახვიდე, მამის თანხლებას ვერ ივინყებ. ყველგან შენთან ერთადაა და თითქოს შეგახსენებს, რომ ერთი ნამითაც კი არ უნდა მოდუნდე. ემოციის დიდი დოზის ტარება უწევს ქეთის. ზედაპირული ადამიანი იტყვის — რა არის რთული მაშინ, როცა ყველასათვის საყვარელი მამის შვილი ხარ და მწვანეს გინთებენო... მაგრამ ეს მარტო ზედაპირულად ჩანს ასე. რეალურად კი ეს ბედნიერებასთან ერთად მისიაა, კრძალვაა, ჩრდილია და კიდევ ბევრი რამ, რაც არ ვიცი და რასაც ვერ ჩავწვდი...



მარიამმა პირველი ვანო ჩხიკვაძე წარადგინა. ბატონი ვანო რამდენიმე ლექსს კითხულობს და ჯდება. საერთოდ, დიდი ხანია, შევნიშნე ერთი უცნაურობა — პოეზია ცუდად იყიდება, მაგრამ კარგად ისმინება. პროზა კი კარგად იყიდება და ცუდად ისმინება. ჰოდა, ვფიქრობ, რა ჯანდაბა ვქნა. რა ნავიკითხო, რომ შეკრებილი ოცდაათი თუ ორმოცი ქალისთვის საინტერესო იყოს... ქალისთვის... აქ ხომ მართო ქალები არიან. ჰოდა, ქალებს სხვა რა დააინტერესებთ, თუ არა ქალური ამბები... ამის გაფიქრებაა და რადიკალურ გადაწყვეტილებას ვიღებ — პიესა, პიესა უნდა ნავიკითხო. ეს ყველაზე მეტად მოეწონებათ. მარიამი ახლა ჩემს გვარს აცხადებს და მცირე შესავლის მერე ვინყებ „დონორის“ კითხვას. ეს რამდენიმე წლის წინ დაწერილი პიესაა. პერსონაჟები 40 წლის ქალები არიან. ერთ-ერთ მათგანს შვილის ყოლა გადაუწყვეტია და არ იცის, ვინ შეიძლება გახდეს მისი ბავშვის მამა, რადგან ამ ქალს არც ქმარი ჰყავს და არც საყვარელი. დაქალები აგულიანებენ, რომ ეს წლები მისი ბოლო შანსია და ნაცნობებს შორის კანდიდატურებს ურჩევენ. დარბაზი აშკარად დაინტერესდა. მერე, შემდეგ შეხვედრებზე პიესა აღარ ნამიკითხავს. მოთხრობებს ვკითხულობდი და ამგვარი დაინტერესება აღარ მიგრძენია, როგორც ამ მცირე დარბაზში. ქალები იმამიც კი გამოტყდნენ, რომ არ კიცხავენ გოგოს, რომელიც უქმროდ გააჩენს შვილს. არ უნდობენ ამ ბავშვს უკანონოს და, მითუმეტეს, ამ საშინელ სიტყვას — ნაბიჭვარს.

ჩემს მერე ზაზა ბიბილაშვილი კითხულობს ლექსებს. ამ პატარა დარბაზში მისი პოეზიის თაყვანისცემელიც კი აღმოჩნდება. ახალგაზრდა პოეტ ბიჭს დანარჩენი ქალებიც აშკარად სიმპატიით უყურებენ. ბესო ხვედელიძე არამხოლოდ მოთხრობას კითხულობს, მას საუბარიც ბევრი უწევს. ახლახანს დაბრუნდა კატმანდუდან, სადაც ორი დამანგრეველი მიწისძვრა მოხდა და მას დაზარალებული ადამიანების დახმარება უწევდა. სწორედ ამ ამბებს ჰყვება და თან ნეპალურ ეგზოტიკას აღწერს. ვუსმენ და ვფიქრობ — მე მგონი, ბესო მთარულ გიდად ქვეულა ამასობაში. ადრე უფრო სიტყვაძუნწი იყო ხოლმე. თან, რაც უნდა ჰკითხო, ბოლოს მაინც ნეპალურს გამოურევს რამეს. როგორ იცვლებიან ადამიანები. ამ შემთხვევაში ეს, ცხადია, სასიკეთო შეცვლაა...

ბოლოს ლადო კილასონიას ჯერიც დადგა. ის ცდილობს, უშუალო იყოს და დარბაზთან ცოცხალი დიალოგი გააბას. პრინციპში, შეიძლება ითქვას, რომ გამოსდის. რადგან აუდიტორია უშუალო და გულგანია. ყველა კეთილად იღიმება და ყველას მოსწონს ლადო.

შეხვედრის დასასრულს მხარეთმცოდნეობის მუზეუმის წარმომადგენლები გვთხოვენ, რომ მუზეუმს ვენვიოთ. დრო უცებ გადავთვალეთ. 5-ზე საგარეჯოში უნდა მოვასწოროთ შეხვედრაზე მისვლა. ესე იგი, ვასწრებთ. მუზეუმი ისეთია, ავ თვალს არ დაენახვება. ანუ, ყოველგვარი ხუმრობის გარეშე, მდიდარი მასალაა წარმოდგენილი ქვის ხანიდან დღემდე. აქეთ ახალი ნიმუშებიც. აქ რამდენიმე ოთახია და თითოეული თითო ხანგრძლივ პერიოდს ასახავს. გამოსულს ყავაზე და ერთ-ერთი თანამშრომლის მიერ საგანგებოდ ჩვენთვის გამოცხადებულ მარწყვის უგემრიელეს ნამცხვარზე გვიწვევენ. უარს თქმა შეუძლებელია და ჩვენც ნახევარი საათით ვყოფნდებით.

ბის გარეშე, მდიდარი მასალაა წარმოდგენილი ქვის ხანიდან დღემდე. აქეთ ახალი ნიმუშებიც. აქ რამდენიმე ოთახია და თითოეული თითო ხანგრძლივ პერიოდს ასახავს. გამოსულს ყავაზე და ერთ-ერთი თანამშრომლის მიერ საგანგებოდ ჩვენთვის გამოცხადებულ მარწყვის უგემრიელეს ნამცხვარზე გვიწვევენ. უარს თქმა შეუძლებელია და ჩვენც ნახევარი საათით ვყოფნდებით.

საგარეჯო — მოულოდნელი შეხვედრა

მანქანასთან გვეგებებიან. ერთ-ერთი სახე ძალზე მეცნობა. ლელა! — შესძახებს ისიც გაოცებული. მე იმ წუთას სახელს ვერ ვიხსენებ, მაგრამ ხმა, გამომეტყველება, რალაცნაირად ინტელიგენტური ლიმილი, ტუჩები, თვალები, დიქცია და კბილებიც კი ძალიან ნაცნობია. ნინო ქაიხოსროშვილი, აქაური კულტურის სამსახურის უფროსი, ჩემი უნივერსიტეტელი ამხანაგი მრჩება ხელს. ვითვლი და... ოცდაშვიდი წელი მაინც არის გასული, რაც ერთმანეთი არ გვინახავს. ბანალური შენიშვნაა, მაგრამ ვერ გაეცქვი, რომ ასე ხდება ხოლმე — გვფანტავს ცხოვრება და ისევე გვახვედრებს. ყოველ შემთხვევაში, ეს შეხვედრა ჩვენთვის სიურპრიზია.

აქ ბევრად მეტი ადამიანია შეკრებილი. რაც მთავარია, გენდერული თანასწორობა ამჯერად, ასე თუ ისე, დაცულია. თითოეული ჩვენგანი ცდილობს, ნინა შეხვედრისგან განსხვავებული ტექსტები წაიკითხოს. ბატონი ვანო ამჯერად თავის „ჰიტს“ კითხულობს. ესაა ლექსი, რომელზეც კომპოზიტორმა ზურაბ მყავიამ თავისი ცნობილი სიმღერა, „დეკემბერი, დეკემბერი“ დაწერა. ცხადია, ეს ყველასთვის სიურპრიზია. მე ამჯერად ქალების თემატიკით ვერ გავალ ფონს და ვირჩევ მოთხრობას, რომლის პერსონაჟიც მოზარდია. ყველა ყურადღებით ისმენს ამბავს იმ ბავშვის ბედზე, რომელიც მშობლებმა და-ძმებს მოსწყვიტეს და ბების სახლში გადასახლეს მხოლოდ იმიტომ, რომ ასე უფრო მოხერხებული იყო.

პროზაიკოსებს, ანუ როგორც მე მიყვარს ხოლმე თქმა, მეპროზებებს, ზაზას გარდა, მარიამიც წამოგვეშველა. მერე კი დამსწრეებისთვის პრიზები გაათამაშა — ჩვენი მაისური და სხვადასხვა მუსიკოსის დისკები. ცხადია, თბილისიდან წამოღებული კულტურის სამინისტროს მხარდაჭერით გამოცემული ნიგნების და ჟურნალ „OK“-ს რამდენიმე შეკვრაც გაჩუქდა გარდაბანშიც, საგარეჯოშიც და ყველა იმ რაიონში, სადაც მერე მოგვინია წასვლა.

უმშვენიერეს და უდაზუნდოლეს სუფრაზე გვიწვევენ. ქეთის იდეა, გზად, თბილისისკენ, მწვადები და კახური შოთები გვეჭამა, კონსერვდება და მასპინძელს მივყვებით. მოგვიანებით კი ისევ გაიოზის მანქანაში ვსხდებით. მე და მარიამი ჩავლოლი დღის ანალიზს ვაკეთებთ. ჩემთვის ეს პირველი დღე იყო, მარიამისთვის კი მეხუთე ჯგუფია. მას და ქეთის ერთგვარი

სტატისტიკური ინფორმაცია აქეთ მთელ ამ ვოიაჟებზე. მათი დაკვირვების არეალში ხან მწერლები არიან, ხან საქართველოს ესა თუ ის კუთხე, ხან კი კონკრეტული ადამიანები.

ათი საათისთვის უკვე თბილისში ვართ, რომ მეორე დღისა უკვე ორი დღით დავტოვოთ თბილისი.

5 ივნისი

გურჯაანი — სტერეოტიპების მსხვერვის, სამშობლოსადმი ალტერნატიული გრძობებისა და გაბრაზებული კაცის ამბავი

აქ ბიბლიოთეკის დარბაზში გვაქვს შეხვედრა. დღეს უკვე ნაკლებად დაძაბულები ვართ, რადგან, ასე თუ ისე, მოვითვლეთ. ყველაფერი ჩვეული ფორმატით ვითარდება. შესავალი საუბარი ქეთის და მარიამის პრეროგატივაა. ამის მერე კი ჩვენ ვართ მიშვებული ჩვენს ნებაზე. თავად უნდა განვსაზღვროთ, რისი წაკითხვა სჯობს, რა უფრო დააინტერესებს ამ კონკრეტულ აუდიტორიას. დარბაზში ბევრი ადამიანია. აქაური პოეტებიც გვესწრებიან. ყველაფერი რიგზეა. ერთი ეგაა, ბესოს მოთხრობა, „სოუზაშვილების შეკრება“ ცოტა გრძელია. ჩვენ რა, მაგრამ ბესო კითხულობს და შუბლიდან ოფლის მდინარეები მოსდის. ცხვირსახოცს ცხვირსახოცზე ვანვდით. უკვე მეშინია, მისი ერთი პერსონაჟივით წყლად არ გადაიქცეს, მაგრამ ვენტრილატორს რთავენ, თან ტექსტიც ფინალს უახლოვდება და... გოგონი, გადავრჩით... სამაგიეროდ, ლადო ვერ გადაურჩა ერთ დამსწრე მამაკაცს. მას ჯერ ჩემი სიტყვები არ მოეწონა, როცა მე სტერეოტიპების მსხვერვაზე ვისაუბრე. ახლა კი ლადოს საუბარი იმაზე, თუ ერთდროულად როგორ უყვარს და ეზიზღება სამშობლო. ცხადია, კილასონია ამას თავისებური რადიკალურობით აცხადებს და განმარტავს — თუ რატომ აყალიბებს ასე თავის ემოციურ დამოკიდებულებას სამშობლოს მიმართ, მაგრამ იმ კაცს აღარაფრის მოსმენა უნდა, გვემშვიდობება და დარბაზიდან გადის. არაფერია. ესეც დამოკიდებულებაა და მე პირადად გულწრფელი პროტესტი მირჩევნია ფარისევლურ ლიმილს. ჩვენი გამოსვლის მერე თავის ლექსებს ადგილობრივი პოეტი კითხულობს. სამომავლოდ აქაური პროზაიკოსის პრეზენტაციაზეც გვეპატიჟებიან, ბოლოს კი ყავაზე გვიწვევენ, მაგრამ მასპინძელს მადლობას ვუხდით და უარს ვეუბნებით, რადგან სხვა შეხვედრაზე მიგვეჩქარება — სანამ სიღნაღში წავალთ, ვაჩნაძიანში უნდა შევიაროთ და თემურ ჩხეტიანი ვნახოთ.

ჩხეტიანთან ჩახუტება ვაჩნაძიანურად

არ გაგვიფრთხილება და მოულოდნელი თავს დატყდომდა სიურპრიზი იქნება მისთვის. თემოს ყველაზე ახლო მეგობარი ჩვენ შორის ბესო ხვედელიძეა. ზოგი კი მას ვირტუალურიდან იცნობს და ახლა პირველად ნახავს რეალში. ჩვენ განსაკუთრებულ მომენტი გვაქვს — ამ რამდენიმე ხნის წინ ფეისბუქზე რაღაცის გამო წავკინკლავდით და მას მერე უბრედ ვართ. ახლა ვენვები და შევრიგდებით. როგორც იქნა, სახლს მივაგენით. გარედან ვეძახით. არ ესმის. ბესო მეორე სართულზე ადის და მეც მივყვები. კვლავ ეძახის. ბოლოს კარს შეაღებს. თემო კომპიუტერს უზის. ალბათ ფეისბუქშია და რაღაცას პოსტავს... ვერ აღვწერ იმ სიხარულს, რასაც ის განიცდის. ჯერ ბესოს იკრავს გულში. მერე ჩვენ ვეხუტებით ერთმანეთს. დანარჩენებიც რიგს იცავენ, რომ სათითოდ ჩაეხუტონ ამ საყვარელ ადამიანს.

აბა, ის რა შეირგებაა, თუ ჯერ ცოტათი კიდევ არ წაკინკლავდი... ჰოდა, თემოც მომიბრუნდა — შენა კაცო, რატომ ხარ ასეთი ფიცხი, ჰა?

— მე ვარ ფიცხი, თუ შენ?! — ვპასუხობ. მოკლედ, საბოლოოდ ვადგენო, რომ ორივე ფიცხები ვართ. გულაჩუყებულები სათითოდ ვიღებთ ფოტოებს მასთან ერთად და უკვე საათებზე ვიყურებით, რომ

სიღნაღში არ დავიგვიანოთ. თემოს ვემ-ვიდობებით და პირველ სართულზე ვემ-ვებით. ბოლოს მე ჩამოვდევარ. თემო უკან მოგვყვება. ისე ვარ დაბნეული და აღელვებული, კაცი მეორე სართულიდან კიბით ქვემოთ ეშვება და ვეუბნები — თემო, ჩადი, არ ამოხვიდე-მეთქი. ზაზა ბიბილაშვილი რისი ზაზა ბიბილაშვილია, რომ ეს არ დააფიქსიროს და არ ჩაიხიბოს. გარეთ გამოსულები და ვაჩნაძიანური მზისგან დასიცხულები თემოს მეზობლის თუთას შეეცხვი. ზოგიერთები, აქაოდა, ეკოლოგიურად სუფთა გარემოში ვართო, პირდაპირ ტოტიდან ვიყრიდით ნაყოფს პირში. ბატონმა ვანომ კი ხელისგულიდან ერბოკვერცხი არა, მაგრამ გარეცხილი ნაყოფი გამოგვინოდა.

მოკლედ, ბევრი რომ არ გავაგრძელო, 2 წუთიც და სიღნაღის თეატრისკენ მივქრით. გზაში სულ თემოზე ვლაპარაკობ.

სიღნაღი — ვინ იგებს ომს ქალების საზოგადოებაში

გზაში გვშივდება. ბატონი ვანო შოთბის ყიდულობს. ჰოდა, პურმა და ლადოს მოტანილმა მიწნულ-მოწნულმა სულგუნმა ცოტათი დაგვანაყრა. მარიამმა ნაყინიც იყიდა, მაგრამ რად გინდა, აღმოჩნდა, რომ მანქანაში მსხდომთა უმეტესობას ნაყინი არ გვიყვარს. ხალხი ვართ ჩვენ? ნაყინი რომ არ გვიყვარება კაცს...

კულტურის სამსახურის უფროსი მანქანასთან შეგვეკება. ცოტა ადრეა და თეატრის ფოიე დავათავალიერეთ. ნოდარ დუმბაძის ნაწარმოებების მიხედვით დადგმული სპექტაკლების აფიშები მოგვხვდა თვალში. დარბაზში შევედით. სცენა განათებულია და პარტიკი ჩაბნელებულია. აი, სად უნდა წავიკითხო პიასა, პირდაპირ დეკორაციებზე გავაკლია — ფიქრობ და არ მახსოვს, მარიამს თუ ქეთის ვუზიარებ ამ აზრს. რას ამბობ, შეხედე, დარბაზში რამდენი ბავშვია — მეუბნება მარიამი თუ ქეთი. მართლაც, სიბნელეს თვალს ვაჩვენებ და ვხედავ, რომ 9-10-დან 60-70 წლამდე მერყობს დამსწრეთა ასაკი. ცხადია, უმეტესობა ქალები და გოგონები არიან. ვაიმე — ფიქრობ. რა წავიკითხო, რომ ბავშვებმაც აღიქვან და დიდებმაც. აი, სად გამჭედა ჩემმა თემებმა — იქით ეროტიკა, აქით სუიციდი, მოლაღობა ცოლები, კლიშეების მსხვერპლი და ათასი რამ, რაც ახლა ნერვების მომშლელად მერყენება. ნეტავ, ერთი ჩუმი და უპრეტენზიო ლექსი მაინც მქონდეს მტრედზე, მოლაღობაზე, ან, სულაც, სამშობლოს მთა-ბარზე... ჰმ... პოეტებს რა ენაღვლებათ. მით უფრო მათ, ვინც კონვენციურ ლექსებს წერენ, რაც ყველაზე კარგად ისმინება დარბაზიდან. მხსნელად მარიამი გვევლინება. მას ხომ საბავშვო კრებულებიც აქვს გამოცემული. კონფერანსზე მარიამიდან ის საბავშვო ავტორად გარდაიხსება. დამხეცებული აქვს უკვე. საბოლოო ჯამში კი ყველა ვნახულობთ შესაბამის თემატიკას. მე ბავშვებთან უბრალოდ საუბარს ვარჩევ. მათ ჩემი მომავალი პიესის შესახებ ვუყვები, სადაც სკოლის ამბები აღწერილი და ვთხოვ, თვითონაც გამომხილონ რაღაც-რაღაც ამბები თავიანთი სასკოლო ცხოვრებიდან, მასწავლებელთან ურთიერთობიდან და ასე შემდეგ. ბავშვები ირცხვენენ. ვხვდები, რომ დარბაზში მათი პედაგოგებიც არიან და ყველანი ვიცინით. თუმცა კი, მაინც არაფერს მიხვლენ. სამაგიეროდ, ლადო კილასონიასთან იქცევინა უშუალოდ. ზოგ მისი მწერლობა მოსწონს და ზოგს კი ის, რომ რაგბისტია და ახალგაზრდული ნაკრების მწვრთნელი. ზაზა ხომ საერთოდ, ჯერ სატრფიალო ლექსებს კითხულობს, მერე მარიამი იმასაც ამხელს, რომ თურმე ვასიკო ოდიშვილის ტექსტების სცენაზე ზაზა წერს და მოკლედ, ამით საბოლოოდ იგებს დამსწრეთა გულს... ბესოს ნეპალურ ლეგენდებზე აღარაფერს ვამბობ. მას ისე უყურებენ, თითქოს ომიდან დაბრუნებული მზეჭაბუკია. რა, არ არის ომიდან დაბრუნებული თუ რა....

6 ივნისი დედოფლისწყარო — ბოლო ლიტერატურული შეტევა

გამაოგნებლად ბევრი ხალხი გვხვდება. უშველებელი დარბაზი გადავსებულია. ზუსტად არ ვიცი, რისი დამსახურებაა ეს. მოსახლეობის დანიტრეკების? თუ კულტურის სამსახურის და ქალბატონი თამარის, ან ადგილობრივი ლიტერატორების — გიორგი ნატროშვილისა და ლევან ალავერდაშვილის, ან იქნებ აქაური გაზეთის რედაქტორის, ინგა შიოლაშვილის, რომელიც დაუსწრებლად ყველას გვიცნობს, რადგან მისი გერმანიაში მცხოვრები პოეტი დის, ირმა შიოლაშვილის ძველი კოლეგები ვართ... ასეა თუ ისე, ბოლო ლიტერატურულ შეტევას ვახორციელებთ და კიდევ ერთხელ საუბრობს ქეთი დუმბაძე, მარიამ ნიკელაური. შემდეგ ბატონი ვანო ჩხიკვაძე კიდევ ერთხელ კითხულობს ლექსებს, კიდევ ერთხელ ამბობს თავის ცნობილ „დეკემბერი დეკემბერის“ სტრიქონებს. დარბაზს ვაკვირდები. ქალებს მოულოდნელობისგან სახე უნათდება და მერე ჩურჩულით აყოლებენ სიტყვებს... მე ისევე უბედურ დღეში ვარ, რადგან არ ვიცი, რა ტექსტი გამოდგება აქ. არჩევანს ერთ სათავადასავლო მოთხრობაზე ვაჩერებ, თუმცა კი, იქაც მრავლადაა პიკანტური დეტალები, რომელსაც, არ ვიცი, როგორ შეხვდება აუდიტორია. წესით ამზე არ უნდა ვფიქრობდე, მაგრამ ჩვენი აქციის მიზანი ის არის, რომ არ შევანეროთ მკითხველს ის, რაც ჩვენ მოგვწონს და რითაც თავს ვინოვნებთ. არამედ შევთავაზოთ მათთვის საინტერესო ტექსტები, ჩვენდამი ნდობას რომ გაუჩვენს, სამომავლოდ სხვა მწერლების გაცნობას რომ მოახდომებს, ლიტერატურული ჟურნალ-გაზეთების

უფლება გვაქვს, ავიწყვიტოთ. ამისათვის სიღნაღი სწორედ რომ შესაფერისია. არ ვიცი, აქაური განუმეორებელი არქიტექტონიკა გვაძლევს ასე ფიქრის საფუძველს, გეოგრაფიული აგებულება თუ, უბრალოდ, ჩვენი განრიგი. სასტუმროში მივდივართ, რადგან ძალიან გვშია. პატარა, ოჯახური სასტუმროა, შინაურული და მყუდრო. ჩანთებს ნომრებში ვყრით და ამასობაში დიასახლისი სადილზე, ან, უფრო სწორად, ვახშამზე გვეძახის. ყველაფერი გემრიელია. ერთმა ხელადა რქანითელმა ხომ საერთოდ, როგორც იტყვიან, დაგვხატა. ნელ-ნელა შეღამდა. გასიერება და დათვალეირება ვერ მოვასწარი, მაგრამ არც ახლა გვიანი. მით უმეტეს, რომ ეს ერთი ხელადა ღვინო ნამდვილად არ აღმოჩნდა საკმარისი ჩვენი ბოლომდე აწყვეტისათვის. ისე, ამ „აწყვეტა აწყვეტას“ რომ გავიძახი, ნეტავ, ვინ რას იგულისხმებდა ამ სიტყვის მიღმა. აი, მითხარით, როგორ შეიძლება, აიწყვიტოს რამდენიმე შუა ასაკის ქალმა და კაცმა და ერთმა ოცდაათი წლის ყმანვილმა? კარგი, ეს ყმანვილი სიღნაღელების ახალ ბიზნესს დააგემოვნებს — კვადროციკლზე დაჯდება და ერთ წრეს დაარტყამს. მაგრამ დანარჩენები ისევე გართობს ტრადიციულ ფორმას მიგმართავთ — ალკოჰოლი და ღლაბუც-ხორხოცი ღამეულ ქალაქში. მოკლედ, შუა ხნის ხალხი-მეთქი და იმდენი ვიკისკითხე, ამკარად გაცოცხლებული ამ თავაშვეთლობით ჩვენი ახალგაზრდა და კდემამოხილი მიტყვანი.

შუალამისას კი ამ ყველაფერმა ჩვენი სასტუმროს აივანზე გადაინაცვლა. ბესო ხვედელიძემ კიდევ ერთი ბოთლი არაყი გაშანსა. ერთი ეგაა, ამასობაში მოგვშივდა და მე და ლადო სასადილო ოთახში შევდივართ, სადაც ნელა ვივარდებით. მკაფიოდ გვახსოვს, რომ კაი ბლომად საქმელი დაგვრჩა. სამწუხაროდ, ყველაფერი ალაგებული და ადგილიმჩენილი დაგვხვდა და ჩვენც ოცდაათხსაათიანი მალაზიის საძებნელად გავდივართ. მალე ვაგნებთ. კარგა ბლომად საძაგელ ჩიფსები ვყიდულობთ, თუმცა, იმ მომენტში პირადად მე კონსერვანტები, ემულგატორები, გამაფერადებლები და გემოს გამამდიერებლები აღარ მახსენდება. ის კი არა, გზაზე აკიდებულ ძაღლსაც ვუყრი ცოტას, მაგრამ ის, როგორც ჩანს, ჩვენგან განსხვავებით, არ მიირთმევს ქიმიურ დანამატს საკვებს. ვუერთდებით ჩვენს კომპანიას და ასე, ოთხის ნახევრამდე დასაძინებლად არ ვიშლებით.

გამონერას რომ შეაძლებინებს...

სულგანაბლები მისმენენ. პიკანტურის გარდა, ცოტა არ იყოს, დამძაბავი და მძიმე სცენების აღწერის მერე, რომელიც ერთი 18 წლის გოგონას ღამეულ თავგადასავალს შეეხება, დარბაზს ვეკითხები, შეკითხვები ხომ არა გაქვთ-მეთქი. რა შეკითხვები, გამინწრილდა გული, იგრე ვინერვეული — ალაღად მომიგო ერთმა ხანმიშესულმა ქალბატონმა.

ყურადღებით უსმენენ ზაზა ბიბილაშვილს და მარიამ ნიკელაურს. მერე კი ბესოს მოთხრობას, ნეპალურ „ნამასტეს“ განმარტებას თუ სხვა ეგზოტიკურ ამბებს. ლადო, როგორც აუდიტორიის თინეიჯერიული ნაწილის კერპი, მოთხრობას, ამბებს, შეკითხვებსა თუ პასუხებს — ყველაფერს ერთ მოკლე ფორმატში აქცევს და ბოლოს ქეთის სთხოვენ, რომ ისაუბროს მამის შესახებ. ქეთი ნოდარ დუმბაძის ჩანაწერების კრებულებიდან კითხულობს რამდენიმე ჩანახატს. ბოლო ტექსტი გალაკტიონის შესახებაა. დარბაზიც და მეც ჩუმ-ჩუმად ცრემლებს ვინმენდთ. ასეა, დიდ მწერალს სულ რაღაც ერთ აზრსავე შეუძლია, მძაფრი ემოციები გამოიწვიოს...

შეხვედრის მერე გვეუბნებიან, ახლა კი ნავიხეშოთო. მე კი ვიცი, ქართველისგან ნათქვამი სიტყვა „ნახეშება“ რასაც ნიშნავს და არც ვტყუვდები. მულტფილმი „ლურჯი მელია“ მახსენდება — უწყვეტ ნაკადად რომ მიაქვთ შემწვარ-მოსრაკულნი... ასეა ჩვენი „ნახეშების“ საქმეც. ჩემნი ხმელ-ხმელი კახელი კაცი ზის — ბატონი ჯუმბერი. თუ სწორად მახსოვს, სამოცდათვრამეტის ვხდებიო, თქვა. ბოლომდე ცლიდა ღვინის ჭიქებს და ოდნავ, სულ ოდნავ თუ მოეკიდა ღვინო.

არა, რა. კახელმა იცინა, რამდენს გაუძლებენ. ამ კაცმაც იცის. ერთი ეგაა, ხანდახან წინ გადმოიხრება ხოლმე და უნდა, რომ ერთ აზრზე დამითანხმოს — მავანი და მავანი თანამედროვე უხამსი მწერლები რომ არიან და საკუთარ დედებზე უხამსობებს წერენ, აი, ისეთი მწერლები ღმერთმა გვაძიროსო. მე, აბა, რისი მე ვიქნები, თუ ამ კაცს შორიდან და მოვსითი გზებით არ ავუხსენი, რომ მწერალი სხვაა, პერსონაჟი სხვაა და შუა უზის დიდი ზღვარი. მომყავს მიხეილ ჯავახიშვილის „ჯავახო ხიზნები“ და სხვა ცნობილი მაგალითები, სადაც პერსონაჟი უმსგავსობას სწადის და ეს მწერალს არ უნდა დაბრალებს. ჯუმბერის გვერდით ლადო ზის და თვალებით მანიშნებს, რომ გაჩუმება სჯობს, მაგრამ მან, აბა, რა იცის, რომ მე გამოუსწორებელი უტოპისტი ვარ და ფარხმალს არასოდეს ვყრი. მოკლედ, მიუხედავად ბატონი ჯუმბერის ჩემ მიმართ სიმპათიისა, ის ამ აზრს არ იზიარებს და ნებართვას ითხოვს, თავის შეხედულებაზე დარჩეს. მე სუფრის ფორმატი არ მაძლევს საშუალებას, ეს კაცი გადმოვიბირო და ზაზა ბურჭულაძის მწერლობის მიმართ სიმპათიით განგავინო. იქითა ფლანგზე თამადა, გიორგი ნატროშვილი კახეთის ისტორიის ფურცლებს ფრამენტებად ჰყვება. აქედან ლევან ალავერდაშვილი აძლევს ხმას, იქიდან კი ადგილობრივი მელექსე, გვარად ნიკელაური.

ამ ნიკელაურმა ჯერ ქეთი დუმბაძეს მიუძღვნა სატრფიალო ლექსი, მერე კი მე. მოკლედ, აშკარად იყო საფუძველი, ამ ორ დარბაზულ ქალს, ეჭვიანობის ნიადაგზე, ერთმანეთისთვის ჭიქაში სანამლაკი ჩაგვეყარა, მაგრამ არც სანამლაკი გვექონდა და თან, რაც მთავარია, ნატროშვილმა დაგვითანხმდა, რომ მირზაანში კი არ წავსულიყავით, როგორც ეს მანამდე გვექონდა ჩაფიქრებული, არამედ ხორნაბუჯის ციხე დაგველაშქრა, რომლის მსგავს ძეგლს კახეთში იშვიათად ვნახავდით. ხორნაბუჯი დაახლოებით მესამე საუკუნის ძეგლია. ეს არის ერთ-ერთი პროვინციის, კამბეჩოვანის ცენტრი, ციხე-ქალაქი, რომლის ქონგურებზე დანთებული ცეცხლი აგებინებდა დედაქალაქს მტრის შემოსევის შესახებ.

გაიოზის მანქანამ გარკვეულ ადგილამდე მიგვიყვანა. მერე კი ფეხით გავაგრძელებთ გზა. მე წინ გავიჭერი და „ლბობს მდელივრედ“ ნამოგორება მოვიწოდებ. ჩვენი თანმხლები ბიჭები — ლევან ალავერდაშვილი და გიორგი ნატროშვილი შემოთვლებული მიქნევენ ხელებს, ადექო. ვიფიქრე, ალბათ ჩემი გაციების ემინიათ-მეთქი და ყური არ შევიბერტყე — თურმე საესეა ეს მხარე გიურზები და სანამ ად-



ამიანები არ გაივილიან და არ აახმაურებენ მიდამოს, კენტად გზის გაკაფვა კბენითა და სულის გაფრთხობით შეიძლება, დამთავრდეს. ხორნაბუჯის ციხეზე ველური ბლიკი ადის. აღმოვაჩინე, რომ ჩემი ახალი ბოტასები სრიალებს და ასვლაზე უარს ვამბობ, მით უმეტეს, რომ წლების წინ ვარ ნამყოფი. დაბლა ვრჩები ლევანთან ერთად. მოლაშქრეები კარგა ხნის მერეა ჩამოდიან დაქანცულები. ყველაზე საოცარი ის არის, რომ მარიამ ნიკელაურმა ციხე მაღალქუსლიანი „საბოთით“ დალაშქრა. ამგვარ რეკორდს, ალბათ, ცალკე სტატუსი უნდა მიეცეს. ამასობაში, სანამ რეკორდსმენი და მისი ლაშქარი ზემოდან დაემყვებოდა, მე და ხვედელიძემ ჩვენს ჭკუაში საქმე წინ წავიგდეთ და ფეხით გავუყვივით გზას. კარგა ხნის მერეა ნამოგვენივინ დანარჩენები. დედოფლისწყარომდე მივედით, იქ ჩვენს მასპინძლებს დავემშვიდობეთ და უკვე შებინდებულზე გამოვაგრძელებთ გზა თბილისისკენ...

გზაში მანქანას ვტუმბავთ სანავიით და, ჩვეულებრივ გადმოვიფიქრებთ. კართან უშველებელი კოჭლი ძალიან მზვდება და მორჩილად შემომყურებს. მე ბატონ ვანოს ვთხოვ, ცოტა ხნის წინათ ნაყიდი შოთის ნარჩენი მომცეს. ძალიან პატივს ვცემო პურის ყუას. ცოტა ხანში კიდევ ორი პატარა ძაღლი მიახლოვდება — ცხადია, მათაც პური უნდათ. ამჯერად ბატონი ვანო ცდილობს, ისინიც დაასუროს, მაგრამ პირველი ძაღლი ყველას დაიფრენს და პურის ნაჭრებს ისაკუთრებს. დიდი ძალისხმევით ფასად ვუნანილებთ საქმელს სამართლიანად. მე გული მწყდება, რომ კოჭლი ძაღლი ასეთი მსუნაგი და ღორმუცელა აღმოჩნდა. ლადო, როგორც პროზაიკოსი და ფსიქოლოგიური წვდომების მოყვარული, „აღმოჩენას“ აკეთებს, რომ მე ყველას ყველაფერს ვუხსნი და კარგი იქნება, ახლა ამ ძაღლსაც ავუხსნა, ასე მოქცევა არ შეიძლება. მიდი, უთხარი, გაიგებსო — გადაამეკიდა. მერე დამსწრეთა გაახსნა, როგორ ვუხსნიდი დედოფლისწყაროში ჯუმბერს ზაზა ბურჭულაძის პროზის სიკეთეს. მანამდე თურმე სამი წლის ბავშვებთან ვერლიბრზე მისაუბრია. ხომ არის გიორგი ბუნდოვანი, შოთა მეტამორფოზული, შენ კი ლელა შეუპოვარი ხარო, ამბობს... ხარ არ გაიგებ საკუთარ თავზე, მოკლედ...

ისევე ვსხდებით მანქანაში და ბოლო მონაკვეთებს გავდივართ თბილისამდე. ვფიქრობ იმ ადამიანებზე, რომელთაც შევხვდით ამ სამი დღის მანძილზე. ისინი ფრთხილად, რუდუნებით გათვითცნობიერებას საჭიროებენ. ზედმეტად ნატიფადაა შესასრულებელი ის მწერლური თუ ინტელექტუალური მისია, რომელიც ნამოვინყეთ და რომლის გაგრძელებას სამომავლოდ გვეგმავთ. უდიდესი სიფრთხილეა საჭირო, რომ კი არ განვხიბლოთ, არამედ მოვანოხოთ ლიტერატურა. გავხართ ის მათი ცხოვრების ნორმა და ნანალი.

გზის დასასრულს ლადო კილასონია კიდევ ერთხელ იმეორებს ერთი ცნობილი რუსული „პაპსავიკური“ ჰიტინი სიტყვებს: „I í ãñ, ãí ääã-í é áóäü éíí-é äãöñ“.

არადა, მთელი სამი დღე ამ სიმღერას ლიდინებდა. რა შედეგებზე არ შევეცადე მის გადართვას, ბოლოს მაინც ამ მელოდიას მღეროდა ჯინაზე. ჰოდა, ახლა უკვე მიზანმიმართულად ამბობს ამ ტექსტს... ვერც შეედავები... ჩვენი სამდღიანი ისტორია მართლაც დამთავრდა... დანარჩენი — ვნახოთ...

მეტი — ტყუილი
 მეტი — ბლუფი
 მეტი უაზრობა
 მეტი — უმეცრება
 მეტა — ერთი
 მეტა — ორი
 დაცემული მეტეორი
 პოეტი და მეტყვილია?
 აბნეული მეტყველება იწვევს თურმე მეტ ხველებას
 ნუ გაუშვებ მეტ რაკეტას
 მოერიდე მეტ რაკეტას —
 არ დაეცეს მეტაპოეტს.

 გაგვანინეს სიყვარულით,
 დაგვანათლეს გრძნობა ხუთი!
 ...რა იცოდნენ, რომ არსებობს
 სიყვარულის შავი ყუთი...

...დიდი ვარ თუ პატარა ვარ —
 სულ ერთია, რაც ვარ, ვინც ვარ! —
 უფლება მაქვს, თან სურვილიც —
 თავი ჩემი ჯვარზე ვიცვა...

 ბოლო სიზმარი და ბოლო ძილი
 გამზადებული — ცრემლისთვის — შვილი
 დანამებული — სულ ბოლო ცილი
 უკანასკნელად შეკრული ღილი
 ღამედ ქცეული კამკამი დილის
 გრძნობ, სიცოცხლეში აღარ გაქვს წილი
 ახლობლის ცრემლით გზადლოცვილი
 თავზე გადგანან ცოლი და შვილი
 გინთია თავთან სანთელი — ცვილი
 ...შემოდის კენტი
 შემოდის წყვილი
 ...განანილება ბინის და ვილის...
 ვის რჩება შენი „რენო“ და „ზილი“
 პანთეონამდე — თერთმეტი მილი
 საფლავი — მინა შეცვლილი სილით...
 ...უნმინდვისგან გზადლოცვილი —
 ხარ საბოლოოდ სიკვდილის შვილი

აქაც და ყველგან
 წინათ და მუდამ —
 ყველას ფინალი — ესაა ძილი...

ეპოთანი... ეპ ტანი...

გზა დასრულდა... — კაცმა რომ თქვას,
 შენ არცა ხარ ავად!
 ხვალაც დახვე ღარიბ ანდერძს —
 ჩამონერილს შავად...
 დაგპატიჟეს! მაგრამ იმათ ხბოს მწვადებს და მაჭარს
 გირჩევნია — ის ექთანი
 გისინჯავდეს მაჯას...
 ეს სიცოცხლე — მშვენიერი...
 ეს ცხოვრება — ფლიდი...
 რა რას ჯობდა! — სიყვარული?
 თუ — მსუბუქი ფლირტი...
 აწყვეტილი თამაშები,
 აწყვეტილი სმები...
 უპარტიოს — გლალატობდნენ
 პარტიული ძმები...

გირჩევნია საცოლეს და
 საქორწილო ბეჭდებს —
 მაჯას სულ ის გისინჯავდეს —
 სასთუმალთან გეჯდეს...

აბაღაზადა სიყვარულის თამაზა

სიყვარული ჭლექია!
 სიყვარული ცოფია!
 უკურნელი სენია —
 სიყვარულოფობია!
 ის დრო არის — სიცოცხლეს
 სიკვდილი რომ ჯობია!
 ხოხობს დამიზნებული
 გატენილი თოფია!
 სიყვარული ცოფია!
 სიყვარული — ჭლექია!
 სანახევროდ — ბრძენია!
 სანახევროდ — შლეგია!
 ქალის გამტაცებელი
 მეშარია ლეკია!
 ხან ტკბილი გალობაა,
 ხან — მწარე ელეგია!
 სიყვარული — სნუკერი! —
 ჩაუყრელი შარები!
 აქეთ — თავხედები და
 იქეთ — მეტიჩარები!
 დღეს რომ კლერკის სკამია,
 ხვალ — სამეფო ტახტია!
 უფლის ხელმონერილი —

უკვდავების აქტია!
 სიყვარული მხედარი
 და იმისი ცხენია!
 ხან — ცნობილი ბრიყვია,
 ხან — უცნობი გენია!
 სიხარულით ეცვლება,
 რაც ოდესმე ტკენია!
 თურმე სხვისი ყოფილა —
 რომ გეგონა, შენია...
 შამპანურის წვეთია,
 ციანმჟავას შხამია!
 ხშირად — საუკუნეა,
 ზოგჯერ — მხოლოდ წამია

ნაჩქარევს და ნამთვრალევს —
 ზერელეს და ამორფულს —
 გაბრაზებულს რატომღაც —
 ბევრს ნუ მოსთხოვთ ამ ოპუსს...

ინაჰ სისხლის თამაზა...

— მარადიულის რეჟიმში
 შრომობენ სისხლის ძარღვები!
 მე რა ვქნა! საითაც წავა,
 სისხლს მეც იქეთკენ წავყვები!
 არასდროს დაურღვევიათ
 თავის წესი და ადათი!
 არ გიკვირთ? შვილიდან შვილში
 როგორ იოლად გადადის!
 ღონე არასდროს ელევა,
 ფერსაც არასდროს არ იცვლის!
 რა ხნის, რამდენი წლისაა —
 მგონი თვითონაც არ იცის...

...გვინახავს ტყვიადახლილი
 და ამიტომაც — დაღვრილი,
 მაგრამ არასდროს არავის
 უნახავს სისხლი დაღლილი...

მე ვადღეგრძელებ სისხლის თეთრ
 და სისხლის წითელ ბურთულებს!
 (და თქვენ გიტოვებთ ამ თემას —
 ულამაზესს და ურთულესს...)

P.S.
 აღტაცებულს და ბედნიერს —
 ვისმენ მსმენელის ათას ხმას! —
უფალს გადაუწყვეტია
ჩვენთვისაც სისხლის გადასხმა!

ალტარ ეპი

შეიძლება? შვილიშვილი —
 ტარიელი, ტარიკო —
 გახდეს ჩემი მესამე მე —
 მეორე ალტერ ეგო!

ხშირად ვფიქრობ ფროიდივით,
 ზოგჯერ ვფიქრობ იუნგივით!
 ჩემს მეორე მეს კი არა —
 მინდა დაუფუჯერო გივის...
 წელან მეც, ავთანდილივით,
 თავი **გავითავისნიე...**
 არაფერი გამოვიდა —
 არ იქნა, ვერ დავიძინე!

...ბოლოს შენც დაბერდები,
 შენც გამოიფიტები! —
 გილალატებს გული და
 გილალატებს ფილტვები,
 და შენც ჩაულრმავდები
 მაცთურ თეორემას,
 და მაგ შენს „მეს“, ცხადია,
 და შენს მეორე მეს...
 და იტყვიან პოეტზე —
 არ მომკვდარა ეგო! —
 ის მოკვდაო! — მეორე,
 მისი ალტერ ეგო...

გოლო საახალწლო...

სიხარულს ველი ახალი წლიდან
 შვილიშვილიდან, შვილიდან, რძლიდან,
 ყველაფერს ვუძლებ, ყველაფერს ვიტან —
 გაჩენილი ვარ რკინიდან, ქვიდან,
 სუფსიდან,
 მტკვრიდან
 და არაგვიდან!
 სხვისი არა გვშურს, არც არა გვინდა!
 გამოსულები ჩვენი გენიდან,
 ჩვენი გვარიდან და ჩვენი წრიდან,
 უფრო მეტს ვივლით,
 უფრო შორს წავალთ
 ამ სანატრელი ახალი წლიდან!

სისხლი, დაღვრილი ათასი მტრიდან,
 სამშობლომ დიდხანს აშრო და წრიტა...
 სუყველაფერი იქნება კარგად
 სწორედ დღეიდან — თხუთმეტი წლიდან!

გუშინწინ, გუშინ ცოტ-ცოტას ცრიდა,
 გუშინ, გუშინწინ დროდადრო წვიმდა!
 ცუდი იქნება? გათოვდეს სულაც,
 მოვიდეს თოვლი ახალი წლიდან!

რას ვიბანავებ სუფსაში ანი —
 ამოსული ვარ ბავშვობის წყლიდან!
 ...ყველაფრიდან ჩანს — მეც მალე გავალ
 ჩემი გუნდიდან და ჩემი წრიდან...

25 მარტი. ოთხშაბათი. 2015

— რატომ უნდა ავყვე ამ საშინელ, ავ დღეს!
 არ ჯობს? ვინვე აგერ! რატომ უნდა ავდგე!
 ყოველი დღე თითქმის ამ თამაშში მიწვევს!
 რატომ უნდა ავდგე! მირჩევნია, ვინვე!
 ვერც გული მაქვს კარგად და ფეხებსაც ვიტკენ!
 ვნევიარ აგერ ჩემთვის! ფეხზე რატომ ვიდგე!
 ყოველი დღე ასე არჩევანში მიწვევს! —
 რომელი ჯობს — ავდგე?
 თუ — მთელი დღე ვინვე...

...ეს ჭადარი აგერ! — რა ჯობს — იწვევს? იდგეს?
 ახლა იგი დგას? წევს? — მიდი, თვითონ კითხე...

ოდა

ათასად კაცი დაფასდა,
 ასიათასად — ქალი! —
 საცოლე. ცოლი. ცოლისდა,
 სიდედრი. მული. რძალი...
 ათასად კაცი დაფასდა,
 ას მილიონად ქალი!
 (სწორედ კაცებმა დახურეს
 ეს დედამინა ჩალით...).
 ათასად კაცი დაფასდა,
 ათ მილიარდად — ქალი!
 ვნება — ათასი რენტგენი
 სწორედ რიხტერის შკალით.
 ხომ კაცისაზე გამძლეა
 ქალის ხორცი და ძვალი!
 ხომ კაცის მოგონილია
 გადაუხდელი ვალი!
 ხომ კაცის დაკარგულია
 ცხინვალიც, გაგრაც, გალიც...
 ხომ ქალის მოგონილია
 ნარმა, ჟორჟეტი, შალი...
 ხომ ახლაც ისევ წკრიალებს
 თამარის მერნის ნალი...
 (ეკა და ანა. ირინა.
 მაია. თამო. სალი... —
 ნაწილი ქალთა, რომელსაც
 ქვია ოჯახის ქალი...)
 ისევ ცოლი და საცოლე,
 ისევ სიდედრი, რძალი...
 ყველა ვალს ისევ ისა ჯობს,
 ქალისგან რომ გაქვს ვალი.
 ანდა რა არის, კაცმა თქვას,
 მოლოდინები ხვალის —
 მოლოდინები ძვირფასი
 და სანატრელი ქალის...
 იმაზე მაინც ვერ მიხვდით? —
 სულ კაცები რომ ვკალით...
 რა იშვიათად ერია
 იმ მოკლულეებში ქალი...
 მხოლოდ შემთხვევით ხვდებოდა
 იმ მოკლულეებში ქალი...
 დღეს ჰერა შენ არ ახსენე?
 შენ არ ახსენე დალი?
 ქალი — ლხინი და მეჯლისი!
 ქალი — მდიდრული ბალი!
 ...
 ათასად კაცი დაფასდა!
 ფასი ვინა თქვას ქალის...

ლექსპროზი, შთაბრუნავული მურმანის შედევი

— არავითარი სხვა სამშობლო ამაზე მეტი —
 ამ საწყალ დედამიწის მეტი არ გაგვანია...
 ჩვენ კი ურთიერთსიძულვილს და სისხლიან ომებს
 სიყვარულად და
 სიკეთედ და
 სიბრძნედ გვაჩრიან...

თქმა თუ გავბედეთ, გვაცხადებენ სამშობლოს
 მტრებად,
 უხამსად სულში გვაფურთხებენ,
 ენას გვაჭრიან...

...
 არავითარი სხვა სამშობლო ამაზე მეტი —
 ძვირფასი დედამიწის მეტი
 არ გაგვანია...

აბა, თუ იცი, რას აკეთებს ადამიანი, როდესაც თვითმკვლელობას გადაწყვეტს? და რას აკეთებს ასეთი ადამიანი თუ ის მწერალია?

რამდენიმე რჩევა მიწა მივცე იმათ, ვისაც ზოგადადამიანური სიკეთების აღარ სჯერა, ვისაც ჰგონია, რომ გამოსავალი აღარ არსებობს, ვინც ბევრჯერ ინენია ტყუილის გემო: არ მოუსმინოთ პრისნერის მსგავს მუსიკოსებს, არ ნაიკითხოთ კინგის დარი მწერლები და მოერიდეთ სასმელს, რომელიც თვითღუღილით არ მზადდება.

გადავწყვიტე, სახლ-კარი გამეყიდა, უძღლები შვილის იგავი ხომ მხოლოდ მშობლისგან წასვლა არაა. შვილებისგან, ცოლისგან და, უმეტესად კი, საკუთარი თავებისგანაც მიდიან. უკან დასაბრუნებელი ერთი ლეპტაც თუ დაიტოვე კიდევ, წასვლა წასვლა ვერაფრით იქნება. თუ იცი, რომ სახლში საკუთარი სკამი მაინც გელოდება, აუცილებლად დაბრუნდები როდესმე და ეს დაბრუნება იქნება ყველაზე დიდი დაბრუნება შენს ცხოვრებაში.

მე საკუთარი თავიდან წასვლა რეკლამამ გადამანყვეტინა. შვეიცარიაში არის ერთი სარეკლამო რგოლი, რომლის შინაარსიც სულ სხვა რამეს ამბობს, სულ სხვას კი გულისხმობს. სარეკლამო რგოლი კი ასეთია: ახალგაზრდა კაცი გადმოდის „ფერარიდან“ და შედის კეთილმოწყობილი სასტუმროს პენტჰაუსში, სადაც მას ნახევრადმშველი გოგონა ელოდება საწოლში. ამას მოსდევს რამდენიმე კადრი, სადაც კაცის დაუფინყარი თავგადასავლებია ასახული სიბერემდე (პერიოდულად კადრები აჩქარდება ხოლმე, დროდადრო უკანაც ეხვევა). აღმოჩნდება, რომ ამ კადრებს იგივე ახალგაზრდა კაცი უყურებს ტელევიზორში და ხელში გადამრთველი უჭირავს. ეკრანზე კი დიდი ასობით ენერება სლოგანი: შენ თავად ირჩევ როდის!

ალბათ, ბევრი ვერ მიხვდით, რაზეა ეს სარეკლამო რგოლი. ვეცდები, მოკლედ აეხსნა: ესაა ევთანაზიური ტურიზმის რეკლამა, რომელიც შვეიცარიაში ძალიან პოპულარულია.

ამ ტურიზმის მთელი მულამი (ჩემი აზრით კი, ნაკლი) ისაა, რომ დამკვეთმა არ იცის, როდის მოკვდება. ის იხდის გარკვეულ თანხას და ამ თანხის საფასურად სთავაზობენ გართობისა და სიამოვნების უზარმაზარ სპექტრს. ერთ კონკრეტულ დროს კი ის მოკვდება. შეიძლება, ტურისტი მოკვდეს სანამლაგით; შეიძლება, ელექტროენერჯის დარტყმით და შეიძლება, კოკაინის გადამეტებული დოზითაც კი, მთავარია, რომ ის აუცილებლად მოკვდება.

უკვე ვთქვი, ეს ამ ევთანაზიური ტურიზმის ყველაზე დიდი ნაკლია-მეთქი. სინამდვილეში, ადამიანი ირჩევს მხოლოდ დროს დიდ ნაწილს და მას არ შეუძლია, თვალის გაუსწოროს სიკვდილს. მე გადავწყვიტე, საკუთარი თავისთვის ევთანაზიური ტურიზმის ჩემიული ვარიანტი შემეთავაზებინა.

მამ ასე, გავყიდე ყველაფერი, რაც მებადა. არ დამიტოვებია არც ერთი გროში ჩემი ოჯახისთვის. არ დამიტოვებია ანდერძი, სად, ვის მიერ უნდა დავმარხულიყავი და უბრალოდ წავედი. არ მიფიქრია შვილების აზრზე — რას იტყვიან, როცა გაიზრდებიან? რას ეტყვის დედა ჩემზე? რომ მამამ ყველაფერი გაუყიდა და უკანასკნელი ლაჩარით გაიპარა? იქნებ პირიქით, ჩემგან უდიდესი გამირი შექმნას და შვილებს მოუყვებს, როგორ ჩაიდიანათმა მშობელმა სიქველის უდიდესი აქტი? რა თქმა უნდა, მე ამ ამბებზე არ მიფიქრია, მე უკანასკნელი ლეპტა არ დავტოვე.

თანხა ბევრი არ გამოსულა, 70 000 დოლარი (წარმოვიდგინე ცოლის სახე, როდესაც ახალი მეპატრონეები მიადგებოდნენ და ბინის დაცლას მოსთხოვდნენ), მაგრამ იმისთვის, რასაც მე ვაპირებდი, სრულიად საკმარისი იყო. მე ჯანდარისკენ მივდობოდი.

მას შემდეგ, რაც ქვეყანაში საკანონმდებლო ბაზა შეიცვალა და ყველა კაზინომ, სათამაშო ბიზნესმა და სამედიკო სახლებმა ჯანდარის ტბის ირგვლივ მოიყარა თავი, საქართველოში ბევრი რამ რადიკალურად შეიცვალა. გაუთავებელი ლაპარაკი იმის თაობაზე, უნდა იყოს თუ

არა პროსტიტუცია ლეგალური, ხოლო დაცული არიან თუ არა ჩვენი შვილები ონლაინ თამაშებისგან, შეწყდა. არჩევანი განსაზღვრული და ნათელი გახდა — გინდა კაზინოში თამაში, სამედიკო სახლში გართობა ან სულაც უკანმოუხედავად წასვლა? ჯანდარამდე გზა გქონია — გზა კი საუკეთესოდ არის დაგეგმილი.

ჯანდარამდე გზა მართლა საუკეთესოა. მაგალითად, თბილისის ახალმშენიდან (რომელიც ლამისაა რუსთავეს შეუერთდეს), ვთქვათ, „მამკოდის სუფთამდე“ მისასვლელად დაახლოებით ცხრა-თორმეტი წუთით მეტი უნდოდა ადამიანს, ვიდრე თბილისის მთავარი ფოსტის შენობიდან ჯანდარის ცენტრში მდგარ კაზინო „Tunnel“-ამდე. დეცენტრალიზაციის დანყებისთანავე გზების გაფართოებაც მოხდა და ავტომაგისტრალებმა ქალაქებს შორის მანძილი თითქოს დაამოკლა კიდევ.

ჯანდარის „ოქროს ტაფობი“ გრანდიოზულად გაიხსნა. გახსნამდე კი სატელევიზიო პროპაგანდამ კარგად იმუშავა. ყველა არხზე დღეში თითო სიუჟეტი მაინც პროექტის ავ-კარგაინობაზე

გურამ მეგრელიშვილი

ალტერნატიული საქართველოს ამბები ჯანდარამდე გზა რომ მქონდა



მსჯელობას ეთმობოდა. რა თქმა უნდა, ეს დაკვეთილი სიუჟეტები იყო (როგორც ხშირ შემთხვევაში ხდება. ვგულისხმობ არაპირდაპირ დაკვეთას, როცა კომპანიას რეკლამა მიაქვს არხზე, ეს უკანასკნელი კი სანაცვლოდ თემას ზევით სწევს), მაგრამ ინტერესი არც უამისოდ აკლდა საქართველოს აღმოსავლეთით წამოწყებულ „ოქროს ქალაქის“ მშენებლობას. თუ წლების წინ ჯანდარის დასახლება ხრიოკი და ლელიანის კატეგორიის ნავსაყუდელი იყო, ახლა ყველაზე ფხიზელი და განათებული ქალაქი გახდა საქართველოში. ჰავა (ქალაქში აკრძალული იყო ყველა სახის ტრანსპორტი ველოსიპედისა და ელექტრომობილების გარდა) ისედაც სუფთა და რბილი იყო და სპეციალური შემრეველების წყალობით, რამდენიმე დამეც კი სტუმარს ძილის გარეშე ცხოვრება თავისუფლად შეეძლო. თავდაპირველი ჩანაფიქრით, ჯანდარა C-ს ფორმის პატარა, სპეციფიკური განვითარების ქალაქი უნდა ყოფილიყო, მაგრამ მოგვიანებით, ინვესტიციებმა იმატა და ქალაქი ჯერ O-ს ფორმის გახდა, შემდეგ კი ეს რკალი გაიზარდა და სამშობლიო დასახლება გაკეთდა, ამიტომაც იყო ქუჩები წრიული და არა — პერპენდიკულარული.

ქალაქის სამხრეთით, ძირითადად, სათამაშო სახლები, კაზინოები იყო განლაგებული, დასავლეთის მხარეს ბორდელები, აღმოსავლეთით რამდენიმე რესტორანი და ჩრდილოეთით ბანკები და ათობად წვრილი ოფისი, რომელთა მთავარ ფუნქციას, ძირითადად, უძრავი ქონების გაყიდვა-გაქირავება შეადგენდა.

ქალაქში არ არსებობდა რელიგიურ-საკულტო ნაგებობები (თუმცა ცალკეულ კაზინოებს სპეციალურად გამოყოფილი კუთხეები ჰქონდათ მუსლიმებისთვის,

ქრისტიანებისთვის, ბუდისტებისთვის), არ იყო არც ერთი პროდუქტის მაღაზია, საგანმანათლებლო დაწესებულება, თეატრი (იყო ორი კინოთეატრი), ბიბლიოთეკა ან ნიგნის მაღაზია, მოედანი, ცირკი, დამკრძალავი ბიურო, მეტრო და ასე შემდეგ. ადგილობრივი მოსახლეობა ქალაქში მცხოვრებთა მხოლოდ 5-6%-ს თუ შეადგენდა და ისიც იმათ ხარჯზე, ვინც თავის დროზე სამედიკო სახლები გახსნა და ასე დაფუძნდა აქ. კერძო მესაკუთრეებიც კი ერიდებოდნენ ხანგრძლივად ჯანდარაზე ცხოვრებას ერთი მარტივი მიზეზის გამო — უძილობა ტანჯავდათ.

„ოქროს ტაფობი“ შესვლა სამი მხრიდან იყო შესაძლებელი: ჩრდილოეთით, აზერბაიჯანის მხრიდან, საავტომობილო გზა და რკინიგზა შემოდიოდა. აღმოსავლეთით, თბილისის მხრიდან, მიმსვლელთა ნაკადი შედიოდა, დასავლეთით კი პატარა სოფლის გზით ქვეყნის მთავარი ციხე — „ვერცხლის ტაფობი“. უერთდებოდა ქალაქს. „ვერცხლის ტაფობი“ იყო 5 ჰექტარზე გადაჭიმული უზარმაზარ შენობა-ნაგებობათა მთელი კომპლექსი, სადაც

ვარი ტრადიციასავით იყო და ამას თავისი ისტორიაც ჰქონდა: წლების წინ, როცა ჯანდარაზე ჯერ კიდევ შიშველი ბუჩქები-სა და ლელიანის მეტი არაფერი იყო, „ვინსტონა“ აქ ცხოვრობდა. ვისაც სანადიროდ ამ მიწებზე უვლია, ყველას ეცოდინებოდა ეს მარადერთი ასაკის კაცი, რომელიც მხოლოდ ერთი მარკის სიგარეტს ეწეოდა და ეწეოდა დაუზოგავად, ერთგვარი გამაგებებითაც კი, თითქოს ყოველი ღერის ჩასუნთქვისას სიცოცხლის ბონუსი ეზრდებოდა.

„ვინსტონა“ სახლში არ დამხვდა, მაგრამ სახლში იყო „დიასახლისი“, როგორც მერე ეძახდა. ეს „დიასახლისი“ ერთი გაურკვეველი ასაკის (და წარმოიგინეთ სიმალისაც კი) ქალი იყო. მე მას პირველი ნახვისას ბიორკი დავარქვი, რადგან ვერ დაადგინე, რამდენი წლის იყო რეალურად. ისლანდიელი მომღერალივით წვრილი, შავი თვალები ჰქონდა და ძალიან არასასიამოვნო ენერგეტიკით იყო დატვირთული.

წლების წინ, როცა მერე გავიცანი, ერთ-ერთ სეზონზე, მასთან მისულს ეს „დიასახლისი“ დამხვდა. ქალი გობელენების ქსოვით იყო დაკავებული, პარალელურად რაღაც ბალახებს ამზადებდა და ერექციის პრობლემების მქონე ადამიანებს ეხმარებოდა. როგორც მერე ამბობდა, სრულიად უფასოდ. მე უფასოდ მედიკამენტების არ მჯერა, არც ამდგარი სირის მჯერა, თუკი ეს ტვინიდან არ მოდის, ამიტომ „ბიორკის“ მიმართ მაინც დამაინც დადებითად ვერ განვწყვეცე.

ქალს დედაქალაქში ძველმანების სამი დახლიც ქონდა. ანტიკვარული ნივთებით და მონეტებით ვაჭრობდა და გაბმული იყო ათას ალბ-მიცემობით მაქინაციებში. თავის დროზე ყიდა ძველ, იშვიათ და უნიკალურ დანერჩულ ხატებსაც, რის გამოც ერთი ხანობა დაჭერილიც კი ყოფილა. მერე „ვინსტონასთან“ დასახლდა და ჯანდარის ტბის გაშენებამდე მიწების ყიდვას მიჰყო ხელი. მაშინ, როდესაც სხვა მესაკუთრეებმა ინვესტორებს კაპიკებში მიჰყიდეს მიწები, „ბიორკმა“ გასხვისებაზე უარი თქვა და სწრაფად განვითარებად დასახლებაში გამოცდილი მენაქესესავით დაელოდა ნადავლს. ახლა იმ ბორდელებიდან, მის მიწაზე რომ იყო გაშენებული, შემოსავლის 3 % მის ანგარიშზე უდებდა თუ მუთაქებში მიდიოდა, მაგრამ, მიუხედავად ამისა, „ვინსტონაც“ და ისიც ძველებურად ქობნაში ცხოვრობდნენ და ერთი საზიარო „Ford“-ი ჰყავდათ, როგორც მაშინ, როცა მე გავიცანი ორივე.

დიდი სურვილი არც არასოდეს მქონია ამ ქალთან საუბრისა, ყველა ნახვაზე ცივად ვესალმებოდი და ზურგს დემონსტრაციულად შევაქცევდი ხოლმე, ახლა კი გველის დანახვაზე რომ კატა ლიზიანდება, ისე ავიჯავრე და „ოქროს ტაფობი“ მეძავების უბნის მხრიდან შევედი.

მე, როგორც მეტნაკლებად პატიოსან ადამიანს, მეძავებში სიარული არასოდეს მიყვარდა, ცოლისთვისაც სულ ორჯერ მქონდა ნალალატევი — პირველად ჩვენი მეორე შვილის დაბადების დღეს და მეორედ — ქორწინების თოთხმეტი წლის თავზე, როდესაც ხევსურეთში, კლიმატური პირობების მკვეთრი გაუარესების გამო რამდენიმე დღით სასტუმრო „მუცო Marriot“-ში გამოკეტილმა სრულიად გაუაზრებელი და რამდენიმე საათიანი ფლირტი გავაბი ერთ ქართველ ქალბატონთან, ვინც სტომატოლოგთა ჯგუფთან ერთად რაღაც საერთაშორისო სემინარებს ეწინებოდა მუცოში. ჩემთვის ლალატის ფაქტი რაღაც აქცია, დემონსტრაცია ან პერფორმანსი უფრო იყო, ვიდრე გართობისა და სიამოვნების მიღების კლასიკური საშუალება, რადგან ჩემნაირი კაცებისთვის მთავარი პარტნიორის ყოლაა და არა პარტნიორთა ცვლა. მე და ჩემნაირები თუ ცოლს ვუღალატებთ, ეს უფრო საკუთარი მეს გაბრძოლების და სიამაყის დამტკიცების მორიგი მცდელობა უფროა, ვიდრე „მრუშობა“, როგორც ოჯახს გარე ურთიერთობის კლასიკური მაგალითი. ახლაც, მიუხედავად იმისა, რომ ჩემი თვითმკვლელობის ფაქტით ისევე გარკვეულ პერფორმანსს ვატარებდი, არავითარი სურვილი გამჩენია, რომელიმე „კეთილი ქალების სახლში“ (როგორც აქაურ ბორდელებს ეძახდნენ) შემეარა. მშვიდად ჩავუარე ნარინჯისფერ ვიტრინებს და კაზინოებისაკენ წავედი.



არ მჯერა თეორიისა, თითქოს თამაშის დაუკლებელი სურვილი სქესობრივი სისუსტის მქონე არასრულფასოვან ადამიანებს აქვთ (იგივეს ამბობენ ბანკირებზეც და სხვადასხვა ტიპის კოლექციონერებზეც), რადგან თამაშშიც რამდენიმე სახის თამაშის გამოყოფა შეიძლება: თამაში გამდიდრებისათვის, თამაში მოგებისთვის და თამაში, როგორც ცხოვრების ფილოსოფია. პირველ ორს იქნებ მართლაც ჰქონდეს საერთო სუბლიმირებულ და რეცესიულ იმპოტენციასთან, არასრულყოფილების კომპლექსებთან და ნერვულ აშლილობებთან, მაგრამ თამაშის მესამე სახე ნამდვილად სხვა განზომილებაა. ვისაც ერთხელ მაინც უთამაშია რამდენიმე ღამე გადაბმულად, დამეთანხმება, რომ დგება მომენტი, როდესაც წაგება უფრო დიდ სიამოვნებას განიჭებს, ვიდრე მოგება. ეს არის წამი, როდესაც ბორბლის ტრიალი მსუბუქ თავბრუსხვევას იწვევს შენში, პირში თაფლის გემოს გრძნობ, ირგვლივ კი მოცვის სუნი დგება, დაახლოებით მსგავსი შეგრძნებები ეუფლება ადამიანს ეპილეფსიური შეტევისას. თამაშის ფილოსოფიას განვითარების და დაცემის რამდენიმე ეტაპიანი საფეხური აქვს, როდესაც შეიძლება, სრულიად გასხივოსნდეს კიდევ და ქვესკნელს იქითაც დაეშვა. ამბობენ, რომ ეს საფეხურები სულ შეიძლება და მეშვიდე საფეხურზე მყოფ მოთამაშეს (იგულისხმება კიბის თავი და არა ბოლო, რადგან 7 საფეხური აქვს დაცემასაც) შეუძლია, მოიგოს იმდენი თანხა, რამდენიც მოესურვება, თუმცა ის იწყებს მოგებას არა ფულის, არამედ კონტროლის გამო — საკუთარი თავისა და გარემოცვის კონტროლისა.

თითოეულ საფეხურზე ასვლას წლები და თავდაუზოგავი შრომა სჭირდება. ეს შრომა შეიძლება, შევადაროთ ბუდისტური ბერის მარხვას, ქრისტიანი ბერის ლოცვას ან მუსლიმი სუფიის საკუთარ თავში ჩაქეტვისკენ თავდაუზოგავ მისწრაფებას. ასეთი ტიპის მოთამაშე განვითარების გარკვეულ ეტაპზე იწყებს არა გონებით, არამედ გრძობებით თამაშს, მისი თითოეული ფსონი დამოკიდებულია გულისცემის სიხშირეზე (ჯერ საკუთარი, შემდეგ კრუპიეს), სუნთქვის დინამიკასა და, რაც მთავარია, მინდობაზე, სრულყოფილად მინდობაზე. ასეთ დროს მოთამაშე გადადის სრულ ტრანსში და თუკი ის ჭეშმარიტი ოსტატია, ბორბალი ტრიალებს სწორედ მისი აზრების ირგვლივ და არა თავისთავად. თავის მოტყუება გამოიწვია, რომ ვთქვა, ოსტატი ვიყავი-მეთქი, მაგრამ კაზინოებში ჩემი დანახვა განსაკუთრებულ ალტაცებას არასოდეს იწვევდა — განსაკუთრებით, ჯანდარის „ოქროს ტაფობში“, საიდანაც ყოველ უიქენდზე ხუთი-შვიდი ათასი ლარით მდიდარი ვბრუნდებოდი ხოლმე დედაქალაქში.

დიდად დასამალი არაა, რომ მწერლობა არსებობის მისაბაძი საშუალება მსოფლიოს სხვა განვითარებულ ქვეყნებშიც არასოდეს ყოფილა. რამდენიმე მილიონერ მწერალს თუ არ ჩავთვლით (ჯეიმს პატერსონი, სტივენ კინგი, ჯონ კოლინზი და ასე შემდეგ), ამ პროფესიის ყველაზე ღირსეული წარმომადგენლები კი თავს სხვა დარგში მუშაობით (როგორც, მაგალითად ბეგბედერი სარეკლამო სცენარების წერით, ბილ ო რაილი — პოლიტიკური ტელემომხილველობით, დათო ქართველიშვილი — ქართული რესტორნების ქსელით ამერიკაში და ასე შემდეგ) ირჩენენ და ირჩენდნენ. ლიტერატურ-

რით ფულის შოვნა განსაკუთრებული ფუნქციაა მას შემდეგ, რაც ტელევიზორი გამოიგონეს. ჩემი, როგორც ავტორის საშუალო შემოსავალი წელიწადში 12 000 ლარს არასოდეს ასცდენია, მაგრამ თამაშით იმდენ ფულს ვშოულობდი, რომ წელიწადში ორჯერ ცოლისა და ორი ქალიშვილის რემონტი უცხო ქვეყნის დასათვალიერებლად წაყვანა თავისუფლად შემიძლო.

ჩემი ცოლი საქართველოში ყველაზე დიდი სუპერმარკეტების ქსელის „ჩარგლის“ ბუღალტერი იყო. სტანდარტული ბუღალტერებისგან განსხვავებით, ძალიან რბილი და მზრუნველი ხასიათით გამოირჩეოდა. ვერ ვიტყვი, რომ ოდესმე ურთიერთობაში პრობლემა გვექონდა ან ჩვენი ოჯახი დანგრევის საფრთხის ქვეშ დამდგარიყო, მაგრამ, როგორც მწერალთა უმეტესობა, მეც მქონდა ჩემი მიკროსამყარო, სადაც ხშირად ვიმალავდი და ეს თვითიზოლაცია ყოველ შვილის დაბადების მერე სულ უფრო და უფრო იშვიათად ხდებოდა. ცნობილმა ქართველმა ფილოსოფოსმა, ლევან გიგინეიშვილმა მითხრა ერთხელ (არ ვიცი, პერიფრაზია თუ მას ეკუთვნის იდეაც), რომ ფილოსოფოსობა, მწერლობა და განდევნობა მაღალ მატერიებზე ფიქრი, წერა და კელიაში დაყუდება კი არა, მარტობასთან მუდმივი შეგუებააო (თუ რაღაც ამდაგვარი). მე მარტობის გარეშე ყოფნასთან მიჭირდა შეგუება და ვფიქრობ, გადაწყვეტილება, რომლითაც ჯანდარამდე მივედი, სწორედ აქედან იღებდა სათავეს.

სასტუმროს, სადაც ყოველ ჩამოსვლაზე ვჩრდებოდი, გვერდით ჩავუარე. მომსახურე პერსონალს ახლოს ვიცნობდი და სიკვდილის წინ ზედმეტი ფამილარობა ნამდვილად არ მსურდა, ქალაქის განაპირას მდგომ პატარა სასტუმროს მივადექი. სასტუმრო „პაულო“ კლასიკური ტიპის სამოცდახუთადგილიანი სასტუმრო იყო, საკუთარი მცირე ბარით, ტრადიციული ქართული, და ზოგადად, კავკასიური მე-ნოეთი და მომსახურების სამედიკალური ანი დონით. ასეთი ტიპის სასტუმროებში, როგორც წესი, ძირითადად ის მოთამაშეები ჩერდებოდნენ ხოლმე, ვინც ჯანდარაში პირველად ჩამოდიოდა ან ბრუნდებოდა რევენსის ასაღებად, რადგან ფასები ზომიერი, გარემო კი ზედმეტად მშვიდი იყო. როდესაც ადმინისტრატორმა ნომერი დამათვალისწინებინა, ცოტა ვინანე კიდევ, რომ უკეთესი სასტუმრო არ ავარჩიე თვითმკვლევლობისთვის, ბოლოსდაბოლოს, ადამიანი ერთხელ იკლავს თავს და რატომ არ უნდა ჰქონდეს უფლება, აირჩიოს იარაღი და კომფორტი, თუ ამის საშუალება არსებობს?

უცბად გავბრაზდი კიდევ, რომ ამ ქვეყანაში არ არსებობდა შვეიცარიის ტიპის ევთანაზიური დასვენების სერვისი. იხდი ფულს და ცხოვრობ მეფესავით ერთი დღე, შეიძლება, ერთი წელიც. კაცმა არ იცის, სასტუმროს ადმინისტრატორი როდის ჩავიყრის სანამლავს დილის ყავაში, ან შენი პარტნიორი ბოულინგ კლუბში როდის დაგახლის ტყვიას შუბლში. ინექციით როდის გადახვალ მიღმიერში ან გულის უკმარისობას როდის დაგმართებს ქალი ან კაცი (გააჩნია არჩევანი) სანალოში. რაც იყო, ეგ იყო. ნუნუსისთვის ბოლო ნუთების დაკარგვა არ ღირდა. ხელბარგი არც ამომილაგებია, კოხტად მივანყვე ფეხსაცმელი სანალოდან და ერთი საათი წავუძინე. ჩინებულ ხასიათზე გამეღვიძა. კაზინო „ორმაგ A“-ში მაგიდა დავჯავებე და

ნასაგებად წავედი. გამიგია, მსახიობები სცენაზე, სპორტსმენები მოედანზე, საყვარლები სარეცელზე და სასულიერო პირები საკურთხეველთან სიკვდილს ნატრობენო. ჩემი ოცნება ბორბალთან სულის ამოხდომა იყო. რა შეიძლება იყოს იმაზე დიდი ნეტარება, როცა მაგიდასთან ზიხარ და წარმოსახულ ოსტატებს ეთამაშები. რეალურ სამყაროში შენ აგებ, მიღმიერში კი იგებ და პირიქით. ვადიხარ მიწიერი სივრცეიდან და იქვე რჩები. რომ ვთქვა, წიგნის წარდგინებაზე სიკვდილი მინატრია-მეთქი, მოვიტყუები. ალბათ არც არასოდეს ვყოფილვარ ნამდვილი მწერალი. აი, მოთამაშე კი...

კაზინოში დიდი ალტაცებით არ დამხვედრიან. არავის უყვარს ჩემნაირი მოთამაშე. ჩემნაირები მოგებულ ფულს უკან არასოდეს ვაბრუნებთ, თუ წაგებაა, ისეთ კაზინოში ვაგებთ ხოლმე, სადაც ჯერ არ მოგვიგია. დღის ადმინისტრატორი კართან დამხვდა და ყალბი ღიმილით მაგიდასკენ წამიძღვა. „ორმაგ A“, „ოქროს ტაფობში“ ზომით მესამე კაზინო იყო. „არაქსში“ არ მიშვებდნენ (მიზეზი ჩხუბი იყო, სინამდვილეში თავიდან მომიშორეს), „თეთრი მელა“ კი არ მიყვარდა.

თამაში თავიდანვე არ წამივიდა. არ ვიცი, დავითარსე თუ „ბიორკმა“ გამთვალა, უაზროდ ვიგებდი. საკმარისი იყო ნითელზე დამედო, ნითელი ამოდიოდა, 43-ზე და, 43 ამოდიოდა, ზეროზე — ზერო. რამდენიმე წუთში ჩემ მაგიდასთან სეირის მაყურებლები გაჩნდნენ და ყურადღებით უყურებდნენ, როგორ იცვლებოდა მაგიდასთან მესამე კრუპიე. მე უგერგილოდ ვთამაშობდი, წამითაც კი არ გადავსულვარ ტრანსში, გადაჩურჩულებები კონცენტრაციის უნარს სრულიად მაკარგავინებდა. ასეთ დროს უმჯობესია, მუსიკა ბოლო ხმაზე იყოს ჩართული და გვერდით მჯდომი კაცი დედას იგინებოდეს. ასეთ ხმაურს ყურადღებას არც მიაქცევ, აი, ჩურჩული კი...

არც მახსოვს, იმ საღამოს რამდენი მოვიგე. თანხას ვაორმაგებდი და ვიგებდი. მაყურებლები ჩემს ირგვლივ მაროსავით ფარფატებდნენ. ყველას სურდა დაენახა იღბლიანი, ვინც მთელი საღამოს განმავლობაში ერთ თეთრსაც არ აგებდა.

არ ვიცი, ნავიკითხავთ აფხაზი მწერლის, მიხეილ ლაკერბაის ერთი მოთხრობა, ქართველი თავადი ბოლო გროშით კაზინოში რომ შედის და ბევრ ფულს იგებს?! იცის, სახლში მისულს ცალკე დიასახლისი დახვდება ცოცხით ხელში, ვალი დამიბრუნეო, ცალკე თანამებინადრე, საჭმლის ყიდვის შენი ვერიაო, ეს კი აფხაზურად, ამაყად — მომსახურე ბიჭს, ვისკი რომ მოაქვს მაგიდასთან, მთელ მონაგებს ლანგარზე დაუყრის — და ეტყვის: „გარსონ, პრენე!“ რატომღაც ეს გარსონ პრენე გამახსენდა მამინაც. ჩემ წინ დახვავებულ „ფიშკებს“ ხელი მოვსვლი და სახეაღწერილ კრუპიეს (ვისაც წაგებების გამო, ალბათ, ძალიან მოხვდებოდა) სწორედ ეს ორი სიტყვა ვუთხარი „გარსონ, პრენე!“ კრუპიე ვერაფერს მიხვდა, რა თქმა უნდა, მაგრამ ფიშკები ხელით მისკენ მივაცურე და მშვიდად ვუთხარი: „აიღე!“ კრუპიემ თვალი გამერებებისკენ გააპარა და ვიცი, რასაც იფიქრებდა, ადმინისტრაციის უსაფრთხოების სამსახური ამ ფულს ყელში ამოადენდა. შემეძლო, დამეხურდავებინა და მის საბანკო ანგარიშზე დამესვა მთელი თანხა ან პირდაპირ ფული მიმეცა ხელში, მაგრამ მე ხომ სიკეთის გაკეთებაზე არ მიფიქრია, არაცნობიერში ნამოტივტივებულ პირველივე ფრაზას ვაყვები და საქმეში გადმოვიტანე.

მთელი მონაგები მაგიდაზე დავტოვე და სათამაშო აპარატების ოთახში შევედი. არაფერი მძულს იმაზე მეტად, ვიდრე ეს სათამაშო აპარატებია. სათამაშო აპარატი სილიკონისმკერდიან ქალზე და სამოქტავიან ელექტროპიანინოზე დაკრულ ბახზე უარესია. სათამაშო აპარატი სუროგატულ ონლაინ კაზინოზე საშინელებაა, ამ ორს შორის იმაზე მეტი განსხვავებაა, ვიდრე ჩემპიონთა ლიგის თამაშის ყურებას შორის ტელევიზორში თუ მოედანზე. სექსსა და ანანიზმს მეტი საერთო აქვს, ვიდრე ცოცხალ და ონლაინ კაზინოს ბორბალს თავისი გახვევებული სახის კრუპიეთი და გაურკვეველი ხმებით დარბაზიდან. და მაინც, საყვარელ კაცზე გაბრაზებული

ქალივით, ყველაზე მახინჯს რომ უწევს, რომ მერე საკუთარი თავისადმი ზიზღის შეგრძნებამ დანაშაულის გაცდა, სიბრაზე და შურისძიების აუტანელი წყურვილი დაავინყოს, სწორედ სათამაშო აპარატებთან ვაჩერდი. საათს რომ დავხედე, შუალამეს კიდევ თხუთმეტი წუთი აკლდა. გადავწყვიტე 00:08 ზე მომეკლა თავი. საშუალება შეჩერებული მქონდა — როგორც კაცების უმრავლესობა, მეც იარაღით სიკვდილს ვარჩევდი, მაგრამ რაკი ცეცხლსასროლი იარაღი არ მქონდა, გადავწყვიტე, ვენების გრძივად გადაჭრის უმტივენელო ტრადიციული მეთოდით დამეძინა თბილ აბაზანაში.

აპარატმა პირველსავე ხუთ წუთში ყველა მონეტა ჩამიყლაპა ისე, რომ გროში არ მომიგია. რაღაც წამი მომეჩვენა კიდევ, რომ ენა გამომიყო და მარწყვები, მსხლები და ვაშლები გულწასული ადამიანივით ამოატრიალა. ახლა გაბრაზების დრო არ იყო. ასეთ დროს მსგავსი სისულელეებით ხასიათის ნახდენა იმას ჰგავს, ქორნილის პირველ ღამეს დაზიანებული გაზის მრიცხველის გამო ინერვიულო. მთელი მონეტები, რაც მქონდა, საძაგელ აპარატს ხახაში ჩავვენე და ნამოვდექი, რომ სასტუმროსკენ წავსულიყავი.

დარბაზში პატარა ბიჭს მოვკარი თვალი. ჯერ ჩემი შვილი მეგონა, მაგრამ გამახსენდა, რომ ბიჭი არ მყავდა. ბავშვი სამთვლიანი ველოსიპედით, დაბამული ჭრელი ჯემპრეთი და სანყალი სახით დაგორავდა დარბაზში. გულმა ცუდი რამ მიგრძნო. როგორც ჩანს, ერთი ლეპტა მაინც დავტოვე სახლში. ბავშვები გამახსენდა. რამე ხომ არ დაემართათ? პირში თაფლის გემო ვიგრძენი და ირგვლივ მოცვის სუნი დადგა. ჭრელჯემპრეთი ბავშვს რამდენიმე სხვა ბიჭიც შეუერთდა და მალე დარბაზი ბავშვებით გაივსო. მთელი ტანი ოფლით დამისველდა. გასასვლელს ძლივს მივაგენი. გზაში ადმინისტრატორი დამენია და რაღაცას მეუბნებოდა ყალბი ღიმილით. ხელი ვკარი და სასტუმროსკენ ნაუბარბაცდი. მისაღებში კაციშვილი არ იყო. გასაღები მოვისინჯე ჯიბეში და ნომერში ავაღწიე.

ჩემ ცოლს ნამტირალევი ხმა ჰქონდა, მაგრამ მერე მიხვდი, რომ სინამდვილეში გავალციდი.

ორჯერ გამიმეორა, დაბრუნდიო. ასე იცოდა ხოლმე პრობლემების მოგვარება, ვითომც აქ არაფერია. ვითომ მომდევნო კვირაში სახლიდან არ გაასახლებენ, ვითომ ოპერის წარმოდგენის დასაჯავშნი ბილეთების რიგს ვათანხმებდით. რა თქმა უნდა, იცოდა უბინაოდ რომ დავტოვე ყველანი. ისიც იცოდა, რომ თბილისიდან ნამოლებული ფულიდან გროშიც კი აღარ დამრჩა, ალბათ, ჩემი გადაწყვეტილების შესახებაც ეცოდინებოდა, მაგრამ მაინც ორჯერ გამიმეორა — დაბრუნდი.

მოცვის სუნი უფრო მძაფრად ვიგრძენი, როცა ყურმილი დავკიდე. ყველანი კარგად იყვნენ. როგორც ჩანს, ყველას არ შეუძლია, საბოლოოდ წავიდეს მამის სახლიდან, ოჯახიდან, საკუთარი თავიდან.

ოთახში ისევ ის ბავშვი დავინახე, სამთვალა ველოსიპედით ხალიჩაზე დაგორავდა და გაყინული სახით მიყურებდა. ცივმა ოფლმა კიდევ ერთხელ დამასხა და აბაზანისკენ წავედი ტანის დასაბანად.





მეტად თავაზიანი პასუხი

„რა ამბავია ამდენი ქოხი და კვახის ყვავილი“
ანონიმური ავტორის კომენტარიდან

გამომრჩა: — კომბოსტოს ყვავილობა,
ოხრახუშის ნაწვიმარი ბალი,
ლობიოს სარზე ჩამომჯდარი ნემსიყლაპია
(თუ ეს ვთქვი უკვე?).
კარგი! ვხუმრობ!
შევეშვით ქოხმასს,
არც იმას ვიტყვი, როგორ მიყვარს კვახის ყვავილი,
არც სველი შამბით დამძიმებულ შარვლის ტოტებზე
არ დავძრავ კრინტს და...
იმაზე დავწერ, რაზეც ყველა,
შიშზე, რომელიც
ბრმა ციკლოპივით დააბიჯებს ღამის ქუჩებში,
ყნოსავს ლაჯებშუა მოქცეულ სახლებს,
არაფრად აგდებს ბრმებისათვის განკუთვნილ ბილიკს
და არც წრიპინა შუქნიშნების უაზრო წრიპინს.
„თავზარს მცემს შიში,
მკვდარს თვალეში როცა ვუყურებ“ —
თქვა ფედერიკომ.
რა თქმა უნდა, ეს ის შიშია,
ოთახის ქოთნის კაქტუსივით რომ გჩხვლეთს ძილშიაც.
რა მადრიგალი, პრელუდია, რა რომანსერო!
უკვე დამთავრდა ყველაფერი, ვწუხვარ, ასე რომ
დავემშვიდობე მოჩვენებებს, გაქრენ, მორჩა და
გავთავისუფლდი ყველაფრისგან,
ვზივარ და ვწრუპავ,
ნელ-თბილ და ოდნავ პირმოკუმულ თხის რძის ორჩატას.

ადაჟიო

სანამ კაკლის გაბერილი კვირტები გასკდებიან,
სანამ ლოკოკინა გადაბობლდება ახავსებულ მესერზე—
მორიგეობით ახამხამე თვალეში,
რომ რამე არ გამოგრჩეს.
სანამ ქათმები გადაქეჩავენ ბოსტანში ნაკელს
და ჯერაც ხარის ნაკვალევში წვიმის წყალი დგას —
იდექი ასე,
როგორც მუნკი მუნკის ტილოზე
უაზრო გამომეტყველებით,
თითქოს ვერ ხვდები;
ვერ ხვდები იმას —
რომ ისედაც არ გინდა მიხვდე.
რა უბრალოა „ცა მწყუროდა, მინა მშობდა“ ...
ისიც, რომ თურმე შენზე უკეთ ესმოდა რიხტერს
ფუტკრის ზუზუნის რომელიმე ადაჟიოდან.

ხარაბუხების ხშულ-მსკდომი და ბლაგვი ბგერები,
„ხოლო ხვთის სიტყვა ორლესულზე მკვეთრი და ბასრი“,
ვინ დამაჯერებს, ჩემზე უკეთ ნუთუ მათ ესმით...
გასწორდა წელში, დაიკვნესა და მინით დასვრილ
კალთებს იფერთხავს დედაჩემი, ახლად დათესილ
ბოსტანში მდგარი.

ყველაზე მშობლიური

„ვამი ძმა მკვდარსა დებსაო“.
ბესიკ ხარანაული

ხომ ვიცი, როგორ დამიტირებთ.
სამ ხმაზე —
ჩემი სევდიანი ქალების ტრიო.
მეოთხე — მხოლოდ შორეული კივილის ექო,
ჩემივე ხსოვნის ღრმა უფსკრულში დაგუბებული
და ისიც მხოლოდ ჩემს სიზმრებში დაქალებულს.
ხომ ვიცი, როგორ დამიტირებთ
და შემეყვარებთ, მკვდარს, ცოცხალივით.
მერე რა, თუ კი ვერ მიხვდებით, სად როგორ შევწყდი.
ერთია...
„ზღმარტლის ლპობის ფერით ჩამომნიფება“,
სად თოვლით დახრილ დრეკად ტოტებზე
შუა ზამთარში ბელურები ნაყოფს წინკნია.
კიდევ, ღამის ცა, მნიფე კენკრა, სათიბი მთაში,

დაღლილი გლეხის თვალეში და თივის საწოლი.
სევდიან დღეთა მადრიგალი თუ რომანსერო,
რომელი ერთი,
არც არაფრით თავმოსანონი...
ხომ ვიცი, როგორ დამიტირებთ, ვიცი, ასე რომ
შორს დარჩა ფრანცის ბარკაროლა,
ზღვის ბნელი ყურე.
პატარა პორტი, ღამის ქარი, ჭრიალი ანძის.
ზღვის სიბნელიდან კვლავ მესეფის თვალი მიყურებს.
ზღვარს წაშლის, თუმცა სად წაუვა დარჩენილ მანძილს.
ხომ ვიცი, როგორ დამიტირებთ
და რა ძნელია,
ეს ყველაფერი, ასე ცოცხლად რომ მიდგას თვალნი.

ტკივილი
დანით დასახიჩრებულ პოეტს,
რომელიც ორმოცი წელი ლოგინს იყო მიჯაჭვული
„სინათლის წამი ჯობს
ბნელეთის ათასწლეულებს“.
აფრასიონ აფრასიძე

ალბათ უნდაგვება სიტყვა „ტკივილი“,
ცივი და ბასრი
და როგორ ჰგავს იმ ციციქნა ლითონს,
კისრის ძვალში რომ ჩარჩენილა. არ იცი თვითონ,
სხვათა შორისაც, ვის მიმართო, ვის მიუთითო.
— იცოდეთ, საბანს თუ გადამხდით, კანიც გაყვება!..
გაპარვა მინდა საკუთარი არსებობიდან,
უკან მენევა — ხმები. ასე რამ ააყვავა

ეს ქოფაკები, ვერ ჩაახშო თოვლმაც მათი ხმა,
ბნელში სულ უფრო მძიმდებიან ხელის თითები.
შენ, ლექსო, ალბათ, ერთადერთი ათინათი ხარ,
მე რომ ჩაეჭრები, იმ ადგილას შენ აინთები.

ნარტილის დასვა

„*Ā āē ðāñāāē, ēē ðī-āññ*
Īāi — ēēī ðīðçāiēi,
Ā āē ñēñē — iāēñ-āññāā
— „*Ōi-ō ēāēāññ iāēi*“ — *Āçāiō...*“
მარინა ცვეტაევა

ქუჩები მეტად ულიმლამო. ეს ის ხედაა,
წვიმით დაორთქლილ სარკმლიდან რომ ჩანს!
აქ საკუთარი თავიც ბევრჯერ შემზიზღებია,
რატომ? არ ვიცი! მძულდა და მორჩა.

თუნდაც დასასრულ... ამ გზის ბოლოში,
ვის ვეტყვი — „ანი რა ფეხებს მომჭამ“.
მეც ისე მინდა, როგორც ვოლოშინს,
ვინვე სულ მარტო, ვინვე და მორჩა.

რომ უპატრონო სასაფლაოდან
თან გაჰყვას სევდა დარსა თუ ავდარს,
თქვან: — იქ ველური კამა ყვაოდა
და დასასრულიც დასაწყისს გავდა.

პირადი „პაღრა“

„რელიგია — სხვადასხვა კარია
ერთი და იმავე სახლის. ხან მჯერა
ამ სახლის არსებობის — ხან არა“.
სტივ ჯოხსი

ანვალეებს ბეჭედს, ნერვიულად, თმიან და მსუქან
თითზე. რა მოხდა!
საგანგაშო რაა მაგაში.
აეროპორტში ჩააბარა უკვე ბაგაჟი,
ხვალ კი სასტუმრო ელოდება „კამპ ნოუს“ უკან.
ხოლო ის ჩერებში გახვეული ინვა ბაგაში,
არ ვიცი, მხოლოდ ის ვიცი, რომ არ ტყუის ლუკა.

მიერთმევეს მშვიდად,
პირჯვარს ინერს, როდესაც ღელავს,
(ღრუბლებს ზემოთ ხომ სხვანაირი გემო აქვს სენდვიჩს),
ციმციმებს ციფრულ მონიტორზე მსოფლიო რუკა.
ის ფეხშიშველი დადიოდა, ჩემო აქესენტიჩ,
არ ვიცი, მხოლოდ ის ვიცი, რომ არ ტყუის ლუკა.

ბავშვობაში ჩაფიქრებული ლექსი

ჭრაქი უღელს მიამაგრა,
ვერ ყოფნით ხარებს მილეული მთვარის სინათლე,
სამარხილე გზა მთისკენ ტყე-ტყე მიიკლაკნება,
ძილგატეხილი აღმართებზე თავს ძლივს მივათრევ,
ხვალ რა იქნება, მზე თუ წვიმა, ახლა ნაკლებად

ვფიქრობ ამაზე, ასე უხმოდ უკან მივყვები,
უხასიათოდ, ტაფობს იქით დაბალ არყებთან,
მოულოდნელად აფუსფუსდნენ ხეზე ციყვები,
დაფრთხნენ ხარები, მეც დავეფრთხი და ძაღლიც აყეფდა.

ზოგმა გაგვასწრო, ზოგიც კიდევ უკან მოგვყვება,
არ ჩანან, მხოლოდ მოციმციმე წერტილებს ვითვლი
(საცაა გავქრეთ, ლანდებივით, ღამის, სრულებით),
დიდ პანტა მსხლებზე, ბნელ და უხემ ფოთლებში ფითრის,
დღემდე მჯერა, რომ ბინადრობენ ღამის სულები.

ლივანლის გოლო დღე

მთელი ზამთარი მარტო იჯდა,
ქსოვდა ამ წინდებს,
სტუმრად მყოფ სულებს აცილებდა სამფეხა სათლით:
— ბამბა გათოვდეთ (წურჩულებდა), ზეთი განვიმდეთ,
ჩვენ ვერც წასვლას გთხოვთ, ვერც დარჩენას,
ნება თქვენია,
თქვენი სიმშვიდით გვანუგეშეთ,
არ გთხოვთ არც იმდენს...
ბამბა გათოვდეთ (წურჩულებდა), ზეთი განვიმდეთ.

„მოელო ბოლო სიკვდილთან თამაშს“.
ხოვრხე გილენი

უკუთვლათ! ოთხი, სამი, ორი და
ერთი. მორჩა! გაისუსა კორიდა.
სხვაა, როცა მხიარული ბავშვები
გამორბიან ხმაურიან სკოლიდან.

და ბოლოს ჩემთან, ჩემი ყველა ვენბაც დამინდა,
მომიჭერს მინა, გავიგონებ ტკაცუნს ლავინთა.
„და ფსკერისაკენ დავეხრები დანისლულ ბირვილს“.
ეს ყველაფერი გულში მქონდა, თქმა დამავინწყდა.

აქ, ამ პალმებთან, ყველას ახსოვს ხოსეს პაპიდა,
ღრმა სიბერემდე რომ ელოდა თავის კაპიტანს.
შებინდებამდე გაჰყურებდა კადიზის სრუტეს,
მაცნედ ნუბერუს თუ უხმოზდა ზღვის სქელ ქაფიდან.

სიზმარი ვნახე, ღამანჩელო, არც ისე ტკბილი,
მშვიდად! არ გაგცემ, საიმედოდ დავმუნე პირი,
ყველას ღიმილს ჰგვრი, მე კი ვკვნესი, შენ რომ პოლედოს
ციხის წაშალთან ჩამომჯდარი ბავშვივით ტირი.

რობანი მამას

შეირხნენ, იგრძვნეს, მთის ნიავი ეზოს კაკლებმა,
ინვიმებს, მალე ცაზე ელვაც დაიკლაკნება,
კაკლის ხეები დასტურია — ვინც დარგა, იმას
სიცოცხლის სწამდა, ბარეორზე არანაკლებად.

სონეტი

ღონ კიხობის მესამედ ნაკითხვის შემდეგ

გიორგი ლობჟანიძეს

რა სიზმარია! მინდორს იქით ერთი სახლი ჩანს,
იქვე პატარა ბოსტანი და ძველი ბოსელი, —
ელვამ წყვდიადი შუა გააპო, ორად გახლიჩა
და წამიერად კვლავ დავლანდე ბრმა ტობოსელი.

დავლანდე, გაქრა, როგორც ხილვა ან მოჩვენება
და ყურიც თითქოს მიეწვია ქირქილს დამცინავს,
რა ჩვევად მექცა ერთი სიზმრის ამოჩემება,
ველარ ვიღვიძებ — ან იქნება სულაც არ მძინავს.

მეც სრულქმნილების გარსი მეკრა — დღეს კი მინა ვარ,
ან უფლის ნების წინააღმდეგ, ნეტავ, ვინ წავა.
შენ გეკითხები, ტოლედელო თუ ღამანჩელო,

ამ ჩემი ბნელი მინურიდან ვერსად გაგიშვებ,
ამაზე მეტი რა სიგიჟე უნდა გვაჩვენო,
იდეალური გიჟი ხარ და ჩვენც გავგაგიჟე.

დაბრუნება

სიკვდილის სცენა

ამ ბოლო დროს,
ძილის წინ,
ჩემი სიკვდილის სცენას ვხედავ.
ვიქნები ალბათ ასე ორმოცის,
და დამიდგენენ
საშინელ ავადმყოფობას.
იმაზე მძიმეს, ვიდრე არის კიბო.
იმაზე მსუბუქს, ვიდრე გაცივებაა.

ავადმყოფობას
ერქმევა მარტოობა,
და
ჩემთვის მოსატანი წამლის ფული,
ალბათ არავის არ ექნება.
მე ვიჯდები
საკუთარ სახელოსნოში,
მექნება ბევრი დაუმთავრებელი ტილო,
და მივეჩვევი სმას.

ეს იქნება ყველაზე გრძელი
სიკვდილის სცენა.
და ჯერ კიდევ
დასაფლავებამდე
შემეძლება ამაზე საუბარი.

სიმატოვნი

როდესაც საშინელ სიმატოვეს ვგრძნობ
და გარეთ შემცვივებული შემოდგომა დაძრწის,
ვხვდები, რომ ვერაფერთან ვამყარებ კავშირს.
თითქოს მთელ სამყაროზე ამიცრუვდა გული.
ალარც სიზმრები მანუხებენ, ალარც იმედები,
მოტივაციაც მოკვდა და მიჭირს გავიგო,
რისთვის ღირს ცხოვრება.
ვის უნდა შევეკედლო, რომ გავძლო.
არასდროს მყოფნიდა მარტო ჩემი თავი,
მაგრამ არც სხვა მყოფნიდა,
რადგან მათგან ყოველთვის
სრულყოფილ სიყვარულს ვითხოვდი.
ჩემი იმედგაცრუება კი ყოველთვის ეს იყო,
ვერასდროს ვიღებდი იმას, რასაც გავცემდი.

საკუთარო თავო

ხანდახან იმდენად მძულხარ,
რამდენადაც მიყვარხარ.

როცა რამდენიმე წამში კარგავ
თვითრწმენას,
როცა ჩაბნელებულ ოთახში წევხარ
და საკუთარი უმწეობის მსხვერპლი ხარ.

საკუთარო თავო:
სადამდე შეგიძლია ბრძოლა?
ბრძოლა თვით გადარჩენისთვის,
ან უფსკრულში მამაცურად ჩასაჩეხად.

როცა ყვირი: „როგორ შეიძლება კარგად ვიყო!“
მაშინ იბრძვი?
თუ სწორედ მაშინ ხარ უმწეობის მსხვერპლი?

თუ გაქცევენ ზურგს
ისინი, ვისი სიყვარულიც გჭირდება,
მაშინ ადექი და გაბედულად
დაიფარე სახეზე ბალიში.

საკუთარო თავო:
დიდი ხანია მინდოდა შენთან დიალოგი გამემართა.
მაგრამ ეს მონოლოგი უფროა.
მაინც კარგია,
რადგან მე ვთავისუფლდები შენგან.

ისე ყველაფერი შენი ბრალი მაინც არ არის.
შენც გარემოებების მსხვერპლი ხარ,
როგორც ხეები ქარში.

საკუთარო თავო:
შენში მოკვდა ჯერ არ ჩასახული,
უბრალოდ, გაფიქრებული ოცნებები.
და ეს უფრო მტკივნეულია,
ვიდრე კაცის მთელი წლის ნაოცნებარი.

საკუთარო თავო:
საით გინდა წახვიდე,
როცა დაკარგული გაქვს მომდევნო ერთი წუთისთვის
გასაძლები რწმენა.

როგორ აპირებ დღეს ღამით დაძინებამდე
თავის მიყვანას?

საკუთარო თავო,
რატომ ილუპავ საკუთრივ შენს თავს,
და არასაკუთრივ მეც.
სად დაიკარგა შენი ერთადერთი მეგობარი?

თორნიკე რობაქიძე

რატომ ვერ გიგებს შენი ერთადერთი სიყვარული?
რატომ გინდა გაქცევა შენივე თავიდან?

საკუთარო თავო:
იცი, როდის უნდა გაქრე ჩემგან?
მე ვიცი.
შენ ახლავე უნდა დამტოვო.
შენ ახლავე უნდა გაიქცე.

და შენც უნდა დამტოვო,
ჩემო ერთგულო
საკუთარო თავო.

მე ვანადგურებ ყველაფერს.
პირველ რიგში,
შენი თვალებიდან გავანადგურებ
ჩემი სიყვარული.
მარტივი სულაც არ არის
ყველაფერს გადაუსვა ხაზი,
შემდეგ იჯდე და სველი თვლებით
უყურო საკუთარი სიყვარულის
გენოციდს,
რომელიც თავად მოაწყვე.

მე ვანადგურებ
ყოველგვარ სიახლოვეს.
თითქოს ის, ვინც მიყვარს,
მიზიდულობის ძალით,
მე — ერთადერთ გაყინულ სხეულს —
მშორდება,
დედამინიდან კოსმოსში მიდის
და უსასრულოდ შორს
პლანეტებს ერწყმის.

მარტივი სულაც არ არის
ამ ყველაფერს თვალი გაუსწორო.

ჩვენ ყველა
უიმედო,
ნიჰილიზმით შეპყრობილ,
რამდენიმე ლიტრ ლუდში
და სიგარეტის კვამლიან ოთახში,
ამომხრჩვალემა,
უნდა გაეუძლოთ,
უნდა გაეუძლოთ,
სანამ ვინმე ისევ მოვა...

შენ არ იცი როგორი ვარ

ყოველ დღით, სანამ სიგარეტს არ მოვწევ,
გაგიჟებული დავიარები სახლში.

შემდეგ სანამ ყავას არ დავლევ,
ვერ ვფხიზლდები სიზმრებისგან.
როცა სახლიდან გავდივარ,
დედაჩემი მომაცხებს, „რომელზე მოხვალ?“
მე არ ვიცი, რა ვუპასუხო,
ამიტომ ჩქარა ჩავრბივარ კიბეებზე.
ტროტუართან ნაცნობი ტაქსისტი დგას,
და ხელს ვუწევ.
(იმ ღამეს ეგ ტაქსისტი დამესიზმრა,
ხელებგაკოჭილი იჯდა თავის მანქანაში,
მინდოდა, მეთქვა ფრთხილად იყავითქო,
მაგრამ მომერიდა).

ავტობუსით აღარ ვმგზავრობ,
არ შემიძლია ვუსმინო მოძალადე კონტროლიორს,
და უნამუსო მგზავრებს.
ჩემს „მარშუტკაში“
ყოველთვის უკანა მარცხენა ადგილას ვჯდები
და წიგნის კითხვას ვინყებ დროის გასაყვანად.
მიყვარს ეს ამოჩემებები.
ადგილების, ადამიანების, ტანსაცმელების, მუსიკების.
გვერდით ყოველთვის ბოლოს მიჯდებიან,
მაშინ, როდესაც აღარსად აღარ არის ადგილი,
და იძულებულნი ხდებიან დაჯდნენ.
ეს შემთხვევითობაა,
რომელსაც ჩემი ალტერ ეგო ძლიერ განიცდის.


შენ არ იცი როგორი ვარ.
შეიძლება ორი გაჩერებით უკან ჩამოვიდე,
რათა მძლოლი აღარ შევანუხო,
და ფეხით გაუყუყუე გზას.

შენ არ იცი როგორი ვარ.
როცა ფული არ მაქვს,
მათხოვრებს ყოველთვის ზურგიდან ვუვლი.
იმედი მაქვს ვერ მხედავენ და არ წუხან.

შენ არ იცი როგორი ვარ.
უნივერსიტეტის კარების უკან,
ჩემი ერთი ნილაბია,
მას ვიფარებ ხოლმე შესვლის წინ.
ეს უკვე აღარ მომწონს,
მაგრამ ახლა რომ ნილაბი მოვიხსნა, ალბათ გადამივლიან.

შენ არ იცი როგორი ვარ.
როცა მთელი დღე გაღიმებული
ვემსახურები ადამიანებს,
შემდეგ შუა ღამე ტაქსით მივდივარ სახლში,
და ვუსმენ ტაქსისტის უინტერესო ამბებს.

შენ არ იცი როგორი ვარ.
როცა მაგიდას მარტო მე და დედა ვუზივართ.
ღამის ორი საათია და ჩაის ვსვამთ.
ჩვენ ვლაპარაკობთ გულწრფელად,
მაგრამ მე მაინც ვმაღავ იმას,
რაც არ მინდა დედამ იცოდეს.
მე თავდავიწყებით შემიძლია სიყვარული.
აი ამის დამალვას ვცდილობ ყველასთან.



ფოლკლორისტი ამირან არაბული

ფილოლოგიის მეცნიერებათა დოქტორი, პროფესორი ამირან არაბული ხალხური სიტყვიერების ცოცხალი საგანძური და მისი პირუთენელი მემკვიდრეა, უძველესი მითების, მითოლოგიური სახეების, თქმულებების, ლექსებისა და ანდრეზების შემგროვებელი და მკვლევარი, სიტყვაში ჩადებულ საიდუმლოებათა გამცხადებელი და ამომხსნელი. ჯერ კიდევ ბავშვი მშობლიურ ჯუთაში ისმენდა ბრძენი ხალხის მონათხრობს, ამიტომაც, მოგვიანებით, უკვე თბილისის სახელმწიფო უნივერსიტეტის ფილოლოგიის ფაკულტეტის სტუდენტმა, ბუნებრივად აირჩია სპეციალობაცა და ცხოვრების გზაც — ქართული ფოლკლორის სამსახური. წლები გავიდა და დღეს მისი ავტორობით გამოცემული ნიგნები თუ შედგენილი კრებულები ნაწილია იმ უდიდესი შრომისა, ავტორმა ამ მიმართულებით რომ გასწია. არაერთი ლიტერატურული ჯილდო აქვს მიღებული, მათ შორის პრემია „საბა“, ფოლკლორის ეროვნული პრემია, ჟურნალისტთა საერთაშორისო ფონდის პრემია „ოქროს ფრთა“, ილიას ფონდის პრემია „საგურამო“, პრემია „ქართული სული“. ექსპედიციები და სამეცნიერო საქმიანობა აქტიურად გრძელდება, როგორც თავად ამბობს, ქართულ ფოლკლორში ჯერ კიდევ ბევრია საკვლევინი და გამოსაქვეყნებელიც. ბატონი ამირანი უკვე ოცდამეათეულობე წელია, შოთა რუსთაველის სახელობის ლიტერატურის ინსტიტუტში საქმიანობს, ამასთან, ანდრია პირველწოდებულის სახელობის ქართული უნივერსიტეტის პროფესორი და საქართველოს კათოლიკოს-პატრიარქის მიერ დაარსებული ფოლკლორის სამეცნიერო კვლევითი ცენტრის ხელმძღვანელია. ჩვენ სწორედ იქ შევხვდით. ახალი დაბრუნებული იყო თელავიდან, სადაც ფოლკლორის რესპუბლიკურ ფესტივალს ესწრებოდა, როგორც ზეპირსიტყვიერებაში ჟიურის თავმჯდომარე. საუბარი ამ თემით დავიწყეთ.

— მოკლედ გვიამბეთ ღონისძიების შესახებ.

— საქართველოს ფოლკლორის სახელმწიფო ცენტრი, კულტურისა და ძეგლთა დაცვის სამინისტროს მხარდაჭერით, ფოლკლორის რესპუბლიკურ ფესტივალს ატარებს. ეს არის ორწლიანი ღონისძიებების ციკლი. წარმოდგენილია ხალხური ცეკვა და სიმღერა, ტრადიციული საეკლესიო გალობა, სახვითი და გამოყენებითი ხელოვნება, ზეპირსიტყვიერება — საქართველოში მცხოვრები ყველა ეთნოსისა და ეთნიკური ჯგუფის ფოლკლორი. ფესტივალს პირველად 2005-2006 წლებში ჩატარდა. მერე აღარ გამართულა. ასე რომ, საკმარისი დრო გავიდა შესადარებლად — რა შეიცვალა, რა სიახლეებია და, ზოგადად, როგორია ხალხური შემოქმედების დღევანდელი მდგომარეობა. მოგეხსენებათ, ფოლკლორი ფართო ცნებაა, არაერთ დარგსა და სფეროს მოიცავს, მეტნაკლებად ყველა დარგი გადარჩენილია, თუმცა მაინც დიდ ყურადღებას, ზრუნვას საჭიროებს. ჯერ რეგიონებს მოვივლით, დასკვნითი ტურები კი თბილისში ჩატარდება, გამოვლინდებიან გამარჯვებულები. პირველი ფესტივალის შემდეგ დუშეთისა და კახეთის რეგიონის ხალხურ მეღვინეთა პოეტური კრებულები გამოვეცი. ალბათ, ამ ფესტივალზეც გამოიკვეთება მასალა მომავალი კრებულისთვის. შემთხვევითი არ არის, ღონისძიება თელავიდან რომ დავიწყეთ, ის ხომ ხალხური შემოქმედების ნამდვილი საბადაოა. ქალაქმა იმედი არც ახლა გაგვიმტყუნა და ზეპირსიტყვიერებაში რეგიონის ათამდე კარგ მელექსეს მოვუსმინეთ. ფესტივალის გამარჯვებულები, რასაკვირველია, მონაწილეობას მიიღებენ ვახუშტი კოტეტიშვილის სახელობის ხალხური პოეზიის საღამოში, რომელსაც ფოლკლორის სახელმწიფო ცენტრი, ტრადიციულად, შემოდგომაზე ჩატარებს.

— ახლანდელ ფესტივალებსა თუ საღამოებზე მოსმენილი, ალბათ, განსხ-

„**გავპოვა მოხუცების გვირდით გავატარე**“

ვავდება ზეპირსიტყვიერების ძველი ნიმუშებისგან, თქვენ მიერ მთავრი მიკვლევითი ან არქივებში მოძიებული მასალებისგან. ან კი დარჩა კიდევ რაიმე მოსაძიებელი და აღმოსაჩენი?

— აღმოსაჩენი კიდევ ბევრია. ბოლომდე დასამუშავებელია პეტრე უმიკაშვილის, ვახტანგ კოტეტიშვილის, დავით ხიზანაშვილის, აკაკი შანიძის და სხვათა არქივები. ცოტა ხნის წინათ ვახტანგ კოტეტიშვილის კოლექციაში ერთი უცნობი ლექსი ვიპოვეთ, არასდროს გამოქვეყნებულა, სიამოვნებით შევთავაზებდი თქვენი გაზეთის მკითხველს: „ჩემკე ნუ მახდით, ლურბელნო, / ნახალიზარნო სხვაზედა, / ჩვენ წინა სიმაგენი ვართ, / ვერ გაიმარჯვებთ დარზედა. / ფრინველ ადვილად ვერ ფრინვენ / ქაჯეთის ციხის კარზედა, / ხალხთ ვირჩევ სიკეთიანთა, / მასკვლავთ ნავყვები ცაზედა, / მარჯვენას გვერდზე მზე მიდგას, / მთვარე მყავ მარცხენაზედა“. იმავე კოლექციიდან არის ესეც: „დაესხენ არმის ჭამასა, / დადექ ალაღსა რჯულზედა, / თორემ შენც მოგაგონდება, / ხელთ რომ დაგიკვრენ გულზედა, / ეშმაკნი ანგელო-

ზებსა / ეცილებოდან სულზედა“. წლები გავიდა და ბევრმა ფაქტორმა, მათ შორის, ნიგინებამაც, უარყოფითად იმოქმედა ხალხური პოეზიის განვითარებაზე. 70-100 წლის წინ ხალხური ლექსი უფრო მონოლითური იყო, უფრო შეკრული, დახვეწილი. არადა, მაშინ არც კალამი ჰქონდა მთიელ კაცს, არც ფურცელი, ბევრმა წერა-კითხვაც არ იცოდა, მაგრამ საოცარ ლექსებს, შედევრებს ქმნიდნენ. ალბათ, გასმენიათ ბესარიონ გაბურზე, არაჩვეულებრივ მელექსეზე. მისი ქალიშვილები და ახლობლები იგონებენ, სათიბში ანდა სახნავში მყოფი ბალახის ხმელ ღეროს აიღებდა თურმე და ხელზე იკანრავდა იმწუთას ნვეულ ლექსსა თუ სტრიქონს, ადვილად იცნობდით ბესარიონის ჩამონაჯდომს ქვებზე ამოკანრული სტრიქონებით. მის ბანიან სახლში კედლები და დედაბოძი აჭრელებული ყოფილა ლექსებით. ბესარიონ გაბურის ფასი კარგად იცოდა აკაკი შანიძემ, სტუმრობდა მას ხევსურეთში და პირველ მსოფლიო ომში დაჭრილს იურევოშიც



კი ჩააკითხა მოსანახლებლად. ომიდან ბესარიონი ისევ დაბრუნდა არხოტში — არხოტში, სადაც დღემდე არ არის სამანქანო გზა და ვერტმფრენით ან ცხენებით გადადიან. ანას ლექსი გახსოვთ, ალბათ: „ჭიმლის კლდეს ეშმა ბინადრობს, / დადის, დაეძებს გაბურებს, / ხან დიე-ყალტამში გორაობს, / ხანაც წყალს შეაჩქაფუნებს“... ეს ჭიმლა გაბურების საგვარეულო სოფელია, ბესარიონი იქ ცხოვრობდა. მის დროს გაცილებით ჯანსაღი იყო ხალხური პოეტური ტრადიცია მთაში. იმ-იტომ, რომ ხალხურ მელექსეთა მგრძობელობა, დამოკიდებულება ბუნებასთან, იმ ცხოვრების შუაგულში ყოფნა-ტრიალი ძალიან ბევრს ნიშნავდა, დიდ სიბრძნესა და გამოცდილებას სძენდა მათ. ამიტომ კარგი ხალხური მელექსე, თუ არ ჯობდა, არც არაფრით ჩამოუვარდებოდა ნიგინერ, ტიტულოვან ავტორებს. ვახტანგ კოტეტიშვილმა ეს კარგად იცოდა, უბრალო გლეხებთან ხშირად უსაუბროს და ჭიქაც აუწევია. ამიტომ დაწერა — თუკი რამ შექმნილა დიადი და გენიალური, სათავე ხალხური შემოქმედების ნიაღში ეძებნებაო.

ანდა, ფშაველი მელექსე ჭრელა უძილაური გავიხსენოთ, აი, ამგვარი ლექსის ავტორი: „მე არვინ მომწონებია დალალის ქალივითა, კობტა ნითელ კაბა აცვავ, ელავს ცეცხლის ალივითა, ქვემოთაზე გამიარა, გამიქროლა ქარივითა, თვალწინათ დამეკარგა, სიპზე ჩიტის კვალივითა“. სხვათა შორის, შესანიშნავი წერილი გამოაქვეყნა მასზე გოგი თურმანაშულმა — „ჭრელა უძილაურის გაკვეთილები“, „ცისკარში“ დაიბეჭდა. ჭრელას მწარე ცხოვრებაზე ყვებოდა. ხანდახან მგონია, რაც უფრო ტყვილიანია კაცის თავგადასავალი, მით უფრო ძლიერია მისი პოეზია.

— შინაგანი გამოცდილება და ბუნების საიდუმლოთა ცნობა ერთია, მაგრამ მე მათი პოეტური ენა მათი ცნობის, სათქმელს ასე ზუსტად, უბრალოდ და გენიალურად როგორ გადმოსცემდნენ?

— მართლაც წარმოუდგენელია, ისინი ხომ საგანგებოდ არ ფიქრობდნენ, არც ხელნაწერზე მუშაობდნენ. ამ ლექსების უმეტესობა იპროვიზირებულად იქმნებოდა და ზეპირი გზით ვრცელდებოდა. და მაშინ რომ იყო ენა დანმენილი, სუფთა, მოვლილი, ახლა სადღაა ისეთი. არადა, ენა ხომ საკრალური სამყაროა, მასთან უპასუხისმგებლო მოპყრობა არ შეიძლება. ილიაზე კარგად ვინ იცოდა ენის მნიშვნელობა, ჩვენ კი მისი სიტყვებიც დავივიწყეთ — ენა საღმრთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოსო.

— ბატონო ამირან, ფოლკლორისტიკაში არაერთი ნიგნის ავტორი ხართ. „ვინა თქვა თუშთა დაღევა“ — ასე ერქვა მხატვრული ნარკვევების პირველ კრებულს...

— მას მოჰყვა „ვაჟა-ფშაველას პოეტურ სამყაროში“, „არხოტ რო წყაროთგორია“ — გაბრიელ ჯაბუშანურისა და ლადო ბალიაურის ლიტერატურული პორტრეტები, „სამგლოვიარო პოეზია“ — მონოგრაფია, „ვაჟაკობისას ამბობენ“ — ვაჟა-ფშაველას დაბადების 150 წლისთავისადმი მიძღვნილი გამოცემა, რომელიც ღირსეული მტრების ურთიერთ-მონონების, დანდობისა და დაფასების ხალხურ და ლიტერატურულ მოტივებზე არის აგებული. გამოვიყენე „ჭუმბარტების მეტყველი“ საისტორიო მწერლობის არაერთი ღირსსახსოვარი ეპიზოდიც. იგი ერთგვარი გაგრძელებაა აკაკი ბაქრაძის, გურამ ასათიანის, ზვიად გამსახურდიას ნაშრომებისა ქართული ხასიათის ფენომენზე. ამიტომ ვისურვებდი, ეს ნიგნი გასცდეს ქართულ ენობრივ საზღვრებს და უცხოენოვანმა მკითხველმაც გაიცნოს ქართველთა ისტორიის ზნეობრივი მაგალითები; ეთერ თათარაიძესთან თანაავტორობით შექმნილ ნიგნებსაც შეგახსენებთ: ძველი ქართული საფლავის ქვების ფერადი ფოტოსურათებისა და ეპიტაფიების კრებული „შენდობით მომიხსენიეთ“, რომლის მასალასაც ათი წელი ვაგროვებდით; „აღათო“, ორენოვანი გამოცემა — თუში ქალის სიყვარულის ტრაგიკული ამბავი; „ავაგე ეკლესიები“ — თუშეთსა და ხევსურეთში საქართველოს



ზამთრის ფოლკლორული ექსპედიცია ხევსურეთში. 1978 წ. წინა რიგში: პაატა ვეშაპიძე, ნოდარ გრიგალაშვილი. უკანა რიგში: ლევან ბაბუხაძე, ბაჟან ხარაიშვილი, იურა ჯაფარიძე, შერმადინ ქალდანი, ამირან არაბული



გულქან რაზიკაშვილი. ამირან არაბულის ფოტო

კათოლიკოს-პატრიარქის სამდღიანი მოგზაურობის ამსახველი წიგნი, გაფორმებული მრავალი ფოტოსურათით, რომელთა ნაწილი ბატონ მამუკა ხაზარაძის გადაღებულია; „მაესტრო და (არა მხოლოდ) ხეესურეთი“, რომელიც მოგვითხრობს ქართველი საოპერო მომღერლის, ნოდარ ანდლუღაძის მოგზაურობაზე ხეესურეთში, გურიასა და სვანეთში. მკითხველი გაეცნობა 50-იანი წლების მთას — არხოტის თემის სოფლებს, მოსახლეობას, ღვთისმსახურებისა და ყოფით ამბებს.

ბოლო ერთობლივ ფოტოკოორულ კრებულში „პირმა დაგლოცვას ღვთისამა“ მოხეური ხალხური სიტყვიერების ნიმუშებს მოვუყარეთ თავი, ისინი ჩანერილია 1937 წელს სამი მოხევის მიერ, ხევეში. ფოტოკოორის სახელმწიფო ცენტრის არქივში ჩაკარგულ ამ უნიკალურ, სრულიად უცნობ მასალას ეთერმა მიაგნო, გამოცემას ძველი ფოტოები დაფურთხეთ. ასევე გამოვეცი „ქართველ ებრაელთა ხალხური სიტყვიერება“, რომელშიც შევიდა ფოტოკოორის სახელმწიფო ცენტრის არქივში დაცული უცნობი ნიმუშები, ჩანერილი როზა თავდებიშვილის მიერ ქუთაისში, 1937-ში.

— „ინტელექტმა“ 100 ლექსის სერიით გამოსცა გაბრიელ ჯაბუშანურის პოეტური კრებული თქვენი წინასიტყვაობით.

— უფრო ადრეც გამოვეცი გაბრიელ ჯაბუშანურის ერთობლივი ვრცელი წინასიტყვაობით, რომელშიც პოეტის ლექსებს, პოემებს, ბალადებს, ჩანანერებს, პირად წერილებს მოვუყარე თავი და ლექსიკონიც დაფურთხე. შარშან კი, საიუბილეოდ, ორი კრებული გამოვიდა, „ჰოი, ღიღღღ დადრუბულულო ცაო“ — ღიღღღღ ციკლის ლექსებისა და ბალადების შეგებული და შესწორებული ახალი გამოცემა და უცნობი საარქივო მასალები, რომელზეც პოეტის ძმისშვილმა კაკო ჯაბუშანურმა იმუშავა. ლიტერატურის მუზეუმში ბევრი მასალა აღმოჩნდა და შედგა კრებული. ის ჩემმა ვაჟმა, მინდია არაბულმა მოხატა, წინასიტყვაობის ავტორი მე გახლავართ. გაბრიელის შემოქმედებაზე სტუდენტობიდან ვმუშაობ და მგონია, რომ ეს პოეტი ჩვენში ჯერ კიდევ არ არის დაფასებული. არადა, მისი შემოქმედება ძალიან ღირებულია, თუნდაც — ის ღიღღღღ ციკლი. ძნელია, ადამიანმა ისე განიცადოს და გაითავისოს მეზობელი ტომის გასაჭირი, როგორც გაბრიელი განიცდიდა ჩრდილოკავკასიელების, მაჰმადიანების მწარე ბედს. ის ღიღღღღში, 1944 წელს რეპრესირებული ქისტებისგან დაცლილ ერთ-ერთ აულში, უკეთესი საცხოვრებელი პირობების მაძიებელ თანასოფლელებთან ერთად არხოტიდან ჩასახლდა. 17 წელიწადი დაჰყო იქ და გავერანებული, გაუკაცურებული ქისტური აულების ცქერით გულდამწვარმა საოცარი ლექსები შექმნა. წლების შემდეგ გადასახლებიდან დაბრუნებულ ქისტებს, ბუნებრივია, ხეესურებმა დაუცალეს სახლ-კარი და დაეხმარნენ კიდევ, ცხოვრება ახლიდან მოეწყოთ. გაბრიელმაც სხვა ხეესურებთან ერთად დატოვა იქაურობა. მისი კრებულის პირველი გამოცემა პანკისის ხეობაში ჩავეიტანე. სამასი ცალი იქ დარიგდა, ორასი

ეგზემპლარი კი — ჩეჩენ-ინგუშების დეპორტაციის დღის აღსანიშნავ ღონისძიებაზე, საპარლამენტო ბიბლიოთეკაში. წიგნი ინგუში ქველმოქმედის გილან ხალუხაევის მხარდაჭერით გამოიცა.


— გაბრიელ ჯაბუშანურთან „შეხვედრამდე“ თქვენს მშობლიურ სოფელ ჯუთაში საოცარი ხალხის გვერდით ცხოვრობდით, ისინი თქვენი პაპები და ბებიები იყვნენ, ღვთაებებსა და დევებზე პირველად, ალბათ, სწორედ მათგან მოისმინეთ. მამებზე თქვენს ბავშვობაზე.

— ბავშვობა სულ მოხუცების გვერდით გავატარე, პაპაჩემის ძმების ოჯახებში ვტრიალებდი. პაპაჩემის ძმის, გიგიტას ცოლი იყო თარუა ბალიაური, ლადო ბალიაურის და, გოგი და ირაკლი ოჩიაურების დეიდა. ვიჯექი მათ ბანზე და ვისმენდი ამბებს ქისტების ლაშქრობისა ჯუთასა თუ არხოტზე, ვისმენდი ცხენმხედრობის, სწორფობის, ღამისთევის, სტუმრობის, შუღლის, დაჭრისა და შერიგების ამბებსაც. სხვა მთხრობელებიც იყვნენ — მძიმია ნიკლაური, მზექალ ნიკლაური, ჩემი მეზობელი არხოტელი ქალი, „ვეფხისტყაოსნის“ ზეპირად მცოდნე, მარიამ ქეთელაური, ძილა ლიქოკელი და ბევრი სხვა. დეტალურად მახსოვს ყველაფერი. მოსმენილის ჩანერა კი სკოლის მოსწავლემ დაინწყე. მაშინდელი ჩანანერები შენახული მაქვს. უნივერსიტეტში ქალბატონმა ქსენია სიხარულიძემ შეამჩნია ფოტოკოორის მიმართ ჩემი ინტერესი და მიჩნია, ამ მიმართულებით გამეგრძელებინა სწავლა.

მერე უკვე ექსპედიციებში სიარული დაიწყო. არაჩვეულებრივი მასწავლებელი გვყავდა, იურა ჯაფარიძე. ის ჩვენი უფროსი მეგობარიც იყო და ზამთარ-ზაფხულ მასთან ერთად დავდიოდით მთაში. მაშინდელი ექსპედიციების მონაწილეებიდან აღარც იურა და აღარც ბეჟან ხარაიშვილი, ნოდარ გრიგალაშვილი, შერმადინ ქალდანი. სამახსოვროდ ფოტოები დამჩნია, ერთ-ერთზე ნელამდე თოვლი ვდგავართ, გუდანში. იმ ექსპედიციებიდან უნიკალური ჩანანერები ჩამოგვყონდა. ხანდახან კილომეტრებს გავდიოდით ფეხით, თოვლს მივარღვევდით და იმავე დღეს უკან ვბრუნდებოდით — ხელცარიელები არა, რა თქმა უნდა. შენახული მაქვს თოვლისგან დასველებული, ყდაგახუნებული ის რეველები გადუჭაჭინაულის, გიგო ქეთელაურის, ბუბიკა ალუდაურის მონათხრობებით სავსე. მაშინ სიტყვიერების მაცოდარი ძალიან ბევრი იყვნენ. მათ შორის ბურთა აფციაური, ხევისბერები — პეტრე კუნაშვილი, ბენიან ბალიაური, ასევე ნათელა ბალიაური — გოგი და ირაკლი ოჩიაურების დედა, ნიგნის „სწორფობა ხეესურეთში“ ავტორი. 1980 წელს თუშეთში ვიყავით მე, ეთერ თათარაიძე და გოდერძი ჩოხელი, მთელი თვე დავჩრით იქ. ხოლო მანამდე არხოლოკალო, ზემო და ქვემო ქედები მოვიარეთ, ძირითადად იქ ჩასახლებული მთიელებისგან ვინერდით.

— რას იწერდით?

— ვინერდით იმ მასალებს, რაც დღეს ნაკლებად იციან. მაგალითად, დევეკრებების, სიკეთისა და ბოროტების ბრძოლის, ქაჯავეთში ლაშქრობების ამბებს — ქაჯავეთს ღვთისმშობლები, ანგელოზები რომ ლაშქრავდნენ და ერთადერთი ხორციელი არსება, გუდანის ჯვრის მკადრე გახუა მეგრელაური რომ მიჰყვებოდა, ის სხეულს უღელტეხილზე ტოვებს, სულის სახით მიდის საომრად. ქაჯავეთიდან ნადავლი ჩამოაქვთ — სიმბოლური მნიშვნელობის იარაღები — ქერის საწყავი, ცხრაძალიანი ოქროს ფანდური, თასი, გრდემლი, საცერი, მოჰყავთ ასევე ქაჯის ქალები — ამენქალი, სიმენქალი, ამექალი (ზოგიერთი მთხრობელი ხუთს ასახელებს). და რა ამბები ხდება იქ... ეს უზარმაზარი კულტურის ფრაგმენტებია. ვინერდით ლაშარის ჯვრისა და ბარისახოს ხმალას ამბებსაც. იქაური გადმოცემით, ლაშარის ჯვარში, ხმელგორზე ბერმუხა იდგა, მის წვერზე მიბმული შიბი ციურ სამყაროს სწვდებოდა, იგივე იყო ბარისახოში — ხმალას ციხის ეზოში მდგარ ალვის ხის კენწეროზე მიბმული შიბი ზეცას უკავშირდებოდა. და როცა დაუნდობელმა და უმოწყალო ზურაბ არაგვის ერისთავმა მთიელები ვერაფრით დაიმორჩილა, დალატით მოაჭრევინა ის ხეები — „შიბ განყდა, ცისკენ წავიდა, წიოდა, როგორც გველი“, — მაშინ დაირღვა და დაიშალა




საკრალური სამყაროს მთლიანობა და ერთიანობა. ლაშარის ჯვრის ბერმუხა და ხმალას ალვის ხეც სიმბოლო იყო იმ კუთხეების — ისტორიული ფხოვის სიმტიცისა და შეუვალობისა. იმათი მოჭრით დაიწყო მთის ტრაგედია და უკან-უკან წავიდა ყველაფერი.

საინტერესოა არიან კობალა და იახსარი — დევების მეზობელი. მათ ამბებს ვაჟა-ფშაველაც წერდა. დევებს არაგვისა და ივრის ხეობები ეკავათ და ხალხს ანიოკებდნენ, თანაც, როგორი სახელები ჰქონდათ — მელანია, ჯაბაგანი, ბუქრა. ბოლოს ანგელოზებმა, იახსარმა და კობალამ, აუტყებეს ბრძოლა და გააფლიტეს ისინი. იახსარმა აბუდელაურის ტბაში მოკლა ერთ-ერთი და მთელი ტბა დევის სისხლით შეიღება, იახსარიც შიგ დარჩა, ველარ ამოვიდა, რადგან თავისი მხრებით სისხლს თუ შეეხებოდა, ანგელოზებრივ სინმინდეს დაკარგავდა. წლების შემდეგ მოუყვანეს მლოცველებმა ოთხრქა-ოთხყურა ცხვარი, დაკლეს და გაიხსნა ტბის ზედაპირი. სხვათა შორის, ოთხრქა ცხვარი, მითოლოგიური ცხვრის „შთამომავალი“, ახლახან ჯუთაში ვნახე და გადავიღე კიდევ. ექვსრქაც გადაღებული მყავს ადრე. ძალიან იშვიათია ეგეთი ცხვარი. აი, როგორი ამბებია.

— იმედს ვიტოვებ, რომ მსგავსი ამბების ჩანერა და აღმოჩენები წინ გვაქვს.

— ჯერ კიდევ ბევრია გამოსაცემი, არქივები გადასახედა. ანდრია პირველნოდებულის სახელობის ქართული უნივერსიტეტის ფოტოკოორის სამეცნიერო კვლევითი და ფოტოკოორის სახელმწიფო ცენტრი ამისთვის არიან მონოდებული — მასალების შეკრება, კვლევა, მათი პოპულარიზაცია. ქართული ხალხური პოეზიის 12-ტომული არსებობს, მაგრამ ის დიდი ხნის წინ დაიბეჭდა, პირველი გამოცემა და, ბუნებრივია, შეცდომაც ბევრია. თუმცა მაშინ ძალიან დიდი საქმე გაკეთდა. ის მრავალტომეულიც, თემატური კრებულებიც ჩვენი კულტურის ნამდვილი საგანძურია, სიბრძნით სავსე წმინდა ნიგნებია და მათ კიდევ არაერთი გამოცემა უნდა დაემატოს.



— ბოლოს მინდა გითხრათ, რომ მართლაც სულმოუთქმელად წავიკითხე თქვენი „სულუქცევრად საკითხავნი“, ძალიან საინტერესო და ცოცხალი ამბები, რომელიც „ინტელექტმა“ ცნობილი სერიით გამოაქვეყნა. გაგრძელებას არ აპირებთ?

— 300-გვერდიანი ჩანანერების წიგნი უცებ გაჩნდა: უნივერსიტეტში, ინსტიტუტში, შინ, მანქანაში, გზაში, ჯუთაში ვწერდი, ამიტომ დიდი მოცულობისა არცერთი არ არის. მედო, ვინახავდი. მერე თქვენს გაზეთში რამდენიმე დაიბეჭდა. როცა ბატონმა კახბეგ კუდავამ და ზვიად კვარაცხელიამ წიგნად გამოცემა შემოთავაზეს, რა თქმა უნდა, გამიხარდა და მალევე მივანოდე. ორ კვირაში წიგნი მზად იყო. ერთი იმდენი კიდევ გამოსაცემია. დროდადრო ვაქვეყნებ კიდევ „ჩვენს მწერლობას“ და „ლიტერატურულ გაზეთში“, წლის ბოლოს „სულუქცევრად საკითხავნის“ გაგრძელება იქნებ გამოიცეს კიდევ.

— თქვენი მხატვრული ფოტოსურათები ხშირად ქვეყნდება ყურნალ-გაზეთებში, თქვენს წიგნებში. დიდი ხანია, იღებთ?

— შაბურა, ჩემი უფროსი ძმა, სწოს საშუალო სკოლის წარმატებული მოსწავლე, რაიონულ ოლიპიადაზე ფოტოაპარატ „ჩაიკა“ დაასაჩუქრეს. ის იმთავითვე პოეზიით იყო შეპყრობილი და ფოტოგრაფია მანაცდამაინც არ იტაცებდა. „ჩაიკა“, უსიტყვო შეთანხმებით, ჩემს განკარგულებაში აღმოჩნდა. ვიღებდი და ფირს ფირი ემატებოდა. სტუდენტობის წლებში „ზორკით“ და „ზენიტით“ განვაგრძე გადაღება. სულ სხვა ესთეტიკა, ხიბლი და იდუმალება ჰქონდა შავ-თეთრ ნამუშევრებს. ბოლო ათწლეულებში ფერადმა ფოტოგრაფიამ ჩანაცვლა ტრადიციული ფოტოხელოვნება, მეც ახალ რეჟიმზე „გადავეწყვე“, თუმცა ნეგატივებით სავსე ტილოს ტომარა დღემდე საყვედურით „მიყურებს“. იმედია, მოვიდროვებ და, როგორც იტყვიან, გავაციფრებ მრავალი წლის ნამუშევრებს. ეს ხომ ვიზუალური სიკვანძით გადმოცემული უტყუარი ისტორიაა, წარუვალა სილამაზის დამტვე უთვალავ წამს რომ ინახავს.

ესაუბრა თამარ ჟურული



პიტნის წენა თუშეთში. კასინე გულუხაიძე და თეო თათარაიძე. ამირან არაბულის ფოტო



ლორა ბორაშვილი

...ის პალესტინაში ნამყოფი რაინდივით შავტუხა და მწარე წარმომადგენელია. მისი ჟამი ლამაა. მისი სივრცე — ფიქრი. თავს მუდამ უხილავად დასტრიალებს სანდალის, აღმოსავლური საკმაზების, კვამლის, გავარვარებული თუნუქისა და ქვიშის სურნელი. მისი ალერსი საეცესა ზღვის მარილით — ეს შორეულ მოგზაურობათა, მივიწყებულ მზაკვრობათა და უგრძელ მესხიერების ნიშანია. ის შავ-თეთრია. სითეთრე პირობითია — ძალზე უახლოვდება ძველისძველ, გაყვითლებულ და ფოროვან სპილოს ძვალს, მაგრამ ეს მანც სითეთრეა. დალილი ადამიანები სითეთრეს აფასებენ. რაც მეტი — მით უკეთესი. მათ სიტკბოც უყვართ. მე კი მასში სიშავე და სიმწარე მიზიდავს. იმიტომ, რომ ქარაფშუტა გოგონებს უყვართ სიტკბო, მე კი სერიოზული ადამიანი ვარ — მისგან სიკვდილი მინდა.

ჩემს ცხოვრებაში პირველ სიგარეტთან და პირველ სესიასთან ერთად შემოვიდა. პრინციპში, მანამდეც გამოჩენილა, მაგრამ — მხოლოდ უკანონოდ. ჯერაც უნიათ იყო, იმ დიასახლისებისაგან, ვისაც მისი ბუნების არაფერი გაეგებოდათ, უმონყოლოდ განანამები. მე ის ერთ-მა ავანგარდისტმა პოეტმა გამაცნო. ეს მოხდა ღამით, საერთო საცხოვრებლის ფანჯრის რაფაზე. მოგვიანებით პოეტიც, საერთო საცხოვრებელიც, სესიაცა და ავანგარდისტიც უკვალოდ გაქრნენ, ის კი დარჩა.

ის ერთადერთია, რისი რეკლამაც ასატანია ჩვენი ტელევიზიით, რადგან მისი ნიშნითაა აღბეჭდილი. აზროვნების ნიშნით.

ის ერთადერთი მატონიზირებული სასმელია, რომელიც დომინიკელ ბერებს არ ეკრძალებათ. ისინი მას შუადღისას, ბიბლიოთეკაში შეექცევიან, თან, ვატიკანის პოლიტიკაზე ბაასობენ.

ის ერთადერთი საყოველთაოდ ლეგალიზებული ნარკოტიკია. მასზე აუგი არავის დასცდება.

ჩვენში ეკატერინე მეორეს დროს შემოვიდა ვოლტერინანელობასთან, ვრცელ წერილობით განსჯასთან და მოკლე სასიყვარულო რომანებთან ერთად.

მისი მოდულება მხოლოდ თურქებს ეხერხებათ. ყოველ შემთხვევაში, საამისოდ განკუთვნილ ჭურჭელს ჩვენში სწორედ „ტურკას“ უწოდებენ. ირლანდიელები მას რომთან ერთად, სქელი მწვანე შუშის ჭიქებით სვამენ. ირლანდიელები გაუმადრები არიან, მათი გამძლე თავები, დიდი ხანია, ჯინ-ტონიკიდან მოლოტოვის კოქტილამდე, ნებისმიერ ნაზავს შეეგუენ.

ავსტრიელები შაქრისა და ნაღების აუარებელი რაოდენობით აზავებენ და ისე

ლორა ბორაშვილი მრავალმხრივ შემოქმედებითი და უაღრესად ქარიზმატული პიროვნებაა. დაიბადა 1970 წელს ქალაქ ეკატერინბურგში. განათლებით ჟურნალისტიკა, არსით — პოეტი, სულით — გადოქარი. მისი შემოქმედება მჭიდროდ უკავშირდება როლური თამაშების მოძრაობას, რომელიც ერთგვარ სუბკულტურას წარმოადგენს. რუსეთში ამ მოძრაობას გასული საუკუნის 90-იან წლებში ჩაეყარა საფუძველი და ლორა მის სათავეებთან იდგა. როლურ თამაშებს თავდაპირველი ბიძგი ჯონ რონალდ რუელ ტოლკინის შემოქმედებამ და მის მიერ შექმნილმა სამყარომ მისცა, თუმცა დღესდღეობით როლური მოძრაობა ზოგადად რომანიკულ-ჰეროიკული სულისკვეთების გამოხატვად გვევლინება და მსოფლიო კულტურისა და ისტორიის ყველა პლასტს მოიცავს. ყველაფერი კი იმით დაიწყო, რომ ლორას სტუდენტობის წლებში ხელიდან ხელში გადადიოდა „ბეჭდების მბრძანებლის“ პირველი, ჯერ კიდევ მანქანაზე ნაბეჭდი თარგმანები. სულ მალე რუსეთის ტყეებსა და მინდვრებში პირველი ელფებიც გამოჩნდნენ...

თვით ლორა ასე განსაზღვრავს როლური თამაშების არსს: „ეს მსოფლიო მოვლენაა: ის მშრალი ნაშთი, რადაც დღეს იქცა პიპების მოძრაობა, ფანტასტიკითა და ფსიქოდრამებით გატაცება, პოეტური ამბოხი, ავტოსტოპი, ტურიზმი, თეატრალური სტუდიები, ევროპული კარნავალური ტრადიცია და ტოლკინისტიკა. ტოლკინიზმი, როგორც ჩრდილო-დასავლური საგმირო ბალადების, კელტური ეპოსის, ძველებური სახელების, უმონყოლო ეპიგონიზმისა და კოსტიუმირებული გამოსვლებისაკენ ლტოლვა, რუსეთში ალექსანდრე პუშკინის ეპოქაში ჩაისახა. თვით ტოლკინი რუსი ადამიანისათვის ღრმად მეორად მოვლენას წარმოადგენდა, რაკილა იმის მხოლოდ ერთ-ერთი ინტერპრეტაცია მოგვცა, რასაც მუდამ ვესწრავდით. ამასწინათ გავაცნობიერე ბავშვობის არსი: ბავშვობა მარადიული ცნობისმოყვარეობაა, ახალსა და მშვენიერს რომ მიელტვის. ბავშვობა ყოველ ვერნის რომანებია, ზღვისქვეშა სამყაროთი და ტროპიკული კუნძულებით, უძველეს ცივილიზაციათა ნაშთებით; ბავშვობა — ესაა კეთილი ადამიანის მოჭუტული თვალებიდან გამომზირალი მეცნიერული ინტერესი. ბავშვები იმიტომ არიან უშიშარნი, რომ ყველაფერი აინტერესებთ. ბოლო დროს კი დამკვიდრდა აზრი, თითქოს ჩვენი ცნობისმოყვარეობა ერთადერთი მიზნისკენ, გვარის გაგრძელებისკენაა მიმართული, ჰოდა, სკოლიდანვე ყველა იმდენადაა ამ სექსზე გაგიჟებული, რომ ჩემ გარშემო ველარც ერთ გენდალფს ვხედავ. დაკარგული ჰარმონიის ისეთმა მონატრებამ ამიტაცა, რომ საბჭოთა ფილმ „კაპიტან ნემოს“ ყურებისას თვალზე ცრემლი მომადგა... ალბათ ბავშვობის შემდეგ ერთადერთ სუფთა, შეურყენელ სფეროდ მხოლოდ თამაში გვრჩება. ადამიანები მთელ მსოფლიოში იმიტომ თამაშობენ, რათა ყოველდღიური არსებობის უაზრობასა და უსასობას შეაფარონ თავი. თამაში ბუნებრივია. ჩვენს როლურ მოძრაობას ისევე, როგორც კაცობრიობის ყველა სხვა თამაშს, ერთი და იგივე დედ-მამა ჰყავს: დრო და წიგნი. და ერთადერთი მიზანი — დროის გაუქმება და წიგნის განხორციელება, ცხოვრებისაგან ახლა, ამწუთას, რაც კი შესაძლებელია, ყველაფრის მიღება.“

ლორა ბორაშვილი როლური თამაშების ოსტატი ანუ დამდგმელი რეჟისორია და თვითონაც არაერთი როლი აქვს შესრულებული. აი, ზოგიერთი მასშტაბური თამაში, რომლის კონცეფცია მან შეიმუშავა და განახორციელა: „სამოთხის დაპყრობა“ (1997), „მოსასხამისა და დაშნის რომანი“ (1999), „ანგელოზთა ომები“ (2000), „ვარდის სახელი“ (2000), „გოთიკა“ (2001), „სილმარილიონ-ექსტრიმი“ (2002), „ჰოვოტრუზული სეზონები“ (2003-2010), „ნუმენორი — თამაში-კატასტროფა“ (2012), „კალიგულა“ (2014). გარდა ამისა, ის სამი როკ-ოპერის („ტამპლი“, „ფინროდ-ზონგი“ და „ჟანა დარკი“) თანაავტორია. გამოუშვა სიმღერების ათობდე დისკი და ორი წიგნი: ვრცელი მოთხრობა „ზეთისხილის წვენი“ და რომანი „შრომანი და ჯვარი“. მასვე ეკუთვნის არაერთი მხატვრული ფოტოსესიისა და ვიდეოკლიპის პროექტი, მრავალი ესსე, მოთხრობა, პიესა, ნახატი, ფოტოკოლაჟი... ლორა უაღრესად თანამედროვე შემოქმედია და, როგორც ჭეშმარიტი პოსტმოდერნისტი, საკუთარ ნაწარმოებებში განვლილი ეპოქების კულტურისა და ხელოვნების ელემენტების თავისებურ გარდასახვას ახდენს.

სვამენ. შაქარლამას სახლების, ფაიფურის თოჯინებისა და სამსახლოანი ლოგინების პატრონი გულისსარევი ერი.

იტალიელები ნაყინსა და ლიქიორს აყოლებენ. სხვა რას უნდა მოელოდე მათიოზებისაგან, რომლებსაც ვერა და ვერ გაურკვევითა — სისხლი უფრო უყვართ თუ ოპერა?

ინგლისელები სვამენ შავს, მომცრო ფინჯნებით, სადაც ყველაფერი, მათ შორის მარილიც, ზომიერადაა ჩაყრილი. ამიტომაც კარგად აზროვნებენ, მსოფლიოში საუკეთესო გამომძიებლები ჰყავთ და ნორმალური პარლამენტი აქვთ.

ფრანგები მას ყველგან სვამენ — ბისტროებში, რესტორნებში, რელიგიურ სასწავლებლებში, საკუთარ მანსარდებში, სხვებზე და ხიდების ქვეშ. უკანასკნელი კლმშარისთვისაც კი ხელმისაწვდომია. მაგრამ მათთან უგემურია.

ამერიკელები იმიტომ სვამენ, რომ ჩვევა აქვთ: ყველაფერი პირში უნდა გაიქანონ. თანაც — გარყვნილი ფორმით. ამერიკაში ის არა მხოლოდ ხსნადი და ხელოვნურია, მას უმთავრესი არსი — კოფეინი — გამოაცალეს. სილიკონის ამერიკამ ხომ ყველაფერი უნდა დაამდაბლოს. უკოფეინო ყავა იგივეა, რაც უყვერებო ხარი. სამაგიეროდ, მისი ლამაზად შეფუთვა ისწავლეს. ამის გამო, უფრო გიმძაფრდება არაკეთილსინდისიერებისადმი სიძულვილი.

რუსეთშიც აჰყარეს პატივი. რუსეთი მისი უსასრულო ტანჯვის ადგილია. მას ამზადებენ განვითარებული ქვეყნების ნაგვისა და ნაფცქვენებისაგან, რადგან ჩვენში ის არ მნიფდება. ამიტომაც აქ ქერისაგან მიიღება. ბრეჟნევის ეპოქაში ყველა კუთხეში იყიდებოდა მისი ამაყი სახელით დამშვენებული ქერის სასმელი, ყოველი მოდულებისას ლაფში რომ სვრიდა მის სახელს. ეს სირცხვილი მხოლოდ სოციალიზმთან ერთად მოგვმორდა და მომავალში ეს ორი მოვლენა მუდამ გვერდიგვერდ იდგება.

მაგრამ ამით საქმე როდი დამთავრდა. მას ემალის ქვაბებში ხარშავდნენ. ადულებდნენ უზარმაზარ ტამბეტში და მთელ ოჯახთან ერთად მიირთმევდნენ, მსგავსად იმისა, როგორც ამას სტივენსონი აღწერს. ამის შედეგად, მომაკვდავი ყარიბივით გამჭვირვალე ფერი ედო. თუმცა, კარგად სალდებოდა სასადილოებში, სადაც კედელზე გაკრული პლაკატი მოგიწოდებდათ: „სადილად პური ზომიერად მოიხმარე!“ და სადაც მას რეზინის ქათმის ბარკლებს, ბრინჯს, სალათებსა და მყავე კომპოსტოს აყოლებდნენ. ხალხისათვის მიუწვდომელი ოპიუმი.

მაგრამ არც ეს აკმარეს. ჩვენში მას აუღულარ წყალზე აყენებენ. უცხოურ ფზენილს ფინჯანში ყრიან და ცივი წყლის ჭავლს უშვებენ. იმიტომ, რომ ცხელი წყალი ჩვენს ონკანებში კანალიზაციიდან მოედინება. მისი დაღვევა ციმბირის წყალულით გვემუქრება. ასევეა ცივიც, უბრალოდ,

ცივი ნაკლებად ყარს. მისი ბუნება კი ყველაფერს აკეთილშობილებს. ხოლო ასე იმიტომ სვამენ, რომ დროის დაზოგვა სურთ. იმიტომ, რომ სწრაფი სრბოლა უყვართ. იმიტომ, რომ, თუ საქმე საქმეზე მიდგა, ყველაფერი ერთდროულად უნდა მოხდეს. ხელიებში სიგარეტს ვირჭობთ, სიფათს კბილბეჭებში ვმაღავთ, ყავას ონკანიდან ვისხამებ.

მართლაც, რა განსხვავებაა? კოფეინი ხომ მაინც რჩება! ჩვენ გემო კი არა, ეფექტი გვანტერესებს. არაყთან მიმართებაშიც იგივეა: მერე რა, რომ გადამწვარი და საზიზღარია — მთავარია, სული გავვითბოს.

მაგრამ არაყი, მდედრობითი სქესის ყველა არსების მსგავსად, მზაკვარი და სულიწარმწყმედა. ის კი — არასოდეს.

ცხადია, მასზეც დამოკიდებული ხდება. კოფეინის „ლომკა“ ხავერდოვანი სანამებელია გულისრევით, სისუსტითა და შაკიკით. ის შენს ნებისყოფას იმონებს. მუდამ შეიძლება, გაჩნდეს ის მომენტი, როდესაც, სამი ერთჯერადი „ნესკაფეს“ გამო, ყველაფერზე ნახვალ. სამის — იმიტომ, რომ იმ იდიოტებს, რომლებიც მას აფასობენ, ყავაზე დამოკიდებულებისა და მარტივი რუსული სიტყვისა — „დოზა“ — არაფერი გაეგებათ.

ამ სამი ერთჯერადი პაკეტის შემდეგ კი მუდამ დგება ნამი, როცა შუბლიდან ფართოქრანიაანი ობიექტივი გამოგდის — დამახასიათებელი ტკაცანითა და ოდნავშესამჩნევი ჭრიალით იმართება ტვინის ნაოჭები. ობიექტივი ირთვება და თავს სამყაროს მბრძანებლად შეიგრძნობ.

მან შეიძლება, მოგწამლოს კიდევ. ეს ძალზე უსიამოვნო და სახიფათო მდგომარეობაა, რასაც ძლიერი გულისრევა, აჩქარებული გულისცემა, სუნთქვის შეკვრა, ცივი ოფლი, ხელებისა და მუხლების ცახცახი, საკუთარი თავისადმი სიძულვილი და ძალზე მკაფიო ცოდნა მოსდევს თან, რომ შენს მკერდში მოთავსებული მექანიზმი სულაც არაა მარადიული. ეს შიშს უკავშირდება. ეს ინიციატივა.

მას შეიძლება, დიმედროლი შეურიო, რათა დროზე ადრე არ მოკვდე და უკან დასახევი გზა მოიტოვო. ეს დანაშაულია. ნებისმიერი ექიმი და ნებისმიერი მომხმარებელი ამას ერთნაირად შეაფასებს და მართალიც იქნება.

ის სასწაულმოქმედა. შაკიკს არჩენს. შაკიკს იწვევს. ადგვავს ხვნებს. გვაძინებს. შეგრძნებს გვიმძაფრებს. შეუძლია, სიფხილვე მოგვიდუნოს. ზოგჯერ ჩვენში ლიტერატურულ ნიჭსაც ადრავს. ეს ერთადერთია, რასაც უკუსვლა არ აქვს. ყავას ჯერ არასოდეს არავინ დაუდებია.

ის გახრწნილი ინტელიგენტურ მკერებებსა და გახრწნილი ინტელიგენტურ მარტოსულობას უკავშირდება. რასაც კი შეეხება, ყველაფერს საზრისს ანიჭებს. ნებისმიერ ხელებს აკეთილშობილებს, რომლებიც მას ეხება.

მისი სახეობებით თავის მოწონება უყვართ ნუგროიდებს, ვისი მდივნებიც სასმელთან ერთად ლანგრით ქილასაც დაატარებენ. შეხედეთ, უვარგისებო, აი, რის უფლებას ვაძლევთ თავს.

კომერციული წარმატებისა და ცხოვრებისეული კრახისაკენ მიმავალი გზა მისი ეტიკეტებითაა მოფენილი. წესით, ისიც აბსენტივით უნდა აიკრძალოს.

წესისამებრ, გაცრილ ქვიშაში მისი მოდულებისას ისეთი სურნელი ვრცელდება, უცხადესად რომ განგვაცდევინებს: სამყაროში ყოველივე კეთილადგა განწყებული და იქ, ზეცაში, ვილაცამ ძალიან იზრუნა ჩვენზე. შესაძლოა, ეს ისევე ის გამოუთქმელი სიყვარულია მთელი სამყაროსა და თითოეული ცოცხალი არსებისადმი. მთავრობის წევრებს ის, წესით, ნამალივით უნდა გამოუწერონ.

ის ადამიანებს კოსმოპოლიტიკად აქცევს. სახლია, რომელსაც, სადაც კი ნახვალ, თან წაიღებ.

ჩემთვის ის ძველისძველ სავარძელთან ასოცირდება, სადაც სიბერეს ჩემს გემოზე გავატარებ ინტელექტუალური დეტექტივების კითხვაში. ჩემი მეგობრისათვის ის ციხის საკანთან ასოცირდება, სადაც უკანასკნელი ჩვენების მიცემა მოუწევს. ამის წყალობით, ვხედეთ, თუ რაოდენ განსხვავებული ვართ.

მე მას ვსვამ ნაჩქარევად, ცივად, ფინჯნებით, რომლებშიც მისივე კვლია დარჩენილი, სიგარეტის ნაფაზებსა და კლავიატურის კაკუნის შუალედებში. ჩემი მეგობარიც ასე იქცევა. ამის წყალობით, ვხედები, რაოდენ ბევრი გვაქვს საერთო.

ის მუდამ თავისუფლების მაუწყებელია. მისი აჩრდილი დასტრიალებს 1968 წლის პარიზის ყავახანებს, კუბელ მეამბოხეთა თუნუქის ჭიქებსა და გარდაქმნილი დედელ სამზარეულოებს. წმინდა წერილი არაფერს გვეუბნება ვაშლის შესახებ. ვაშლი მხოლოდ მოსახერხებელი ინსინუაციაა. კეთილისა და ბოროტის სიბრძნის მპყრობელი ცნობადის ხე ყავის ხე იყო.

ჰერმესი და აპოლონი არქეტიპები

„მისამა თაოზის“ ორი ახალგაზრდა ღვთაება (ტიტანთა შვილიშვილები, ოლიმპოელთა შვილები), მამით ძმები, ზევსის ძენი. თავიანთი გვიანდელი წარმოშობის გამო ნაყოფიერების კულტის დამკვიდრებას უკავშირდებიან და, ცხადია (ურანოსისა და გეასაგან განსხვავებით), არანაირ კოსმოგონიას არ გამოხატავენ. ესენი „ადამიანური საქმიანობის“ სფეროს ეკუთვნიან, კულტურული ღმერთები არიან. თუმცა, ამ შემთხვევაში, მითოლოგიის

განვითარებაში მათი გავლენის სფეროს შეზღუდვა-გაფართოვება ნაკლებად გვინტერესებს.

პოპულარული გადმოცემების თანახმად, აპოლონი ოდითგანვე ხელოვნების ღმერთად მიიჩნევა, ჰერმესი — ხელობის სხვადასხვა დარგისა და ვაჭრობისა. ყურადღება მიაქციეთ იმას, რომ ძველებს მშვენივრად ესმოდათ: ხელობისაგან განსხვავებით, ხელოვნება არ იყიდება. ამაში ჩვენზე ბევრად უფრო მონიშნავნი გახლდნენ.

ორივე ღმერთი მესაქონლეობის არქაული ტრადიციიდან მოდის. თავდაპირველად ძროხებს აპოლონი მწყემსავდა, მაგრამ მას შემდეგ, რაც ჰერმესმა ძროხები მოსტაცა, აპოლონი მუზეუმზე გადაერთო. თუმცა ჰერმესმა სწრაფად მოიცილა თავიდან ძროხები, მათი წყალობით დიპლომატიისაკენ გაიკვლია გზა და გახდა შიკრიკი (სხვაგვარად რომ ვთქვათ, ანგელოზი).

ორივეს მუსიკა იტაცებდა, ჰერმესმა პირველმა გამოიგონა ქნარი, მაგრამ შემდეგ ის აპოლონმა გამოართვა (სხვა ნივთში გააცვლევინა). ამის მერე ჰერმესმა სალამური გააკეთა, მაგრამ ისიც აპოლონმა ჩაიგდო ხელში და ორივე ინსტრუმენტს მშვენივრი გამოყენება უპოვა. ხელობა პირველია, ხელოვნება კი მეორადი, რადგან პირველი ინსტრუმენტის ხარისხისა და რაგვარობის გარანტიას იძლევა, მეორეს კი მისი გამოყენება სრულყოფილებამდე აჰყავს.

ორივეს საქმე გახლდათ მკითხაობა და ნათელხილვა, მაგრამ აქ უკვე აპოლონის მონაპოვრით ჰერმესი სარგებლობდა. შედეგად, აპოლონმა დელფოს სამისნოთი გაითქვა თავი, ჰერმესმა კი — მთელი ჰერმენევტიკით.

ორივე მფარველობდა შემოქმედებას, მედიცინას, ფილოსოფიასა და ასტრონომიას. როგორც ამბობენ, ამ დისციპლინათაგან ზოგიერთი მათივე გამოგონილია.

აპოლონს შეესაბამება ჰორუსი (შევარდენი), მზისა და სინათლის ღმერთი. ჰერმესს შეესაბამება დროისა და სიბრძნის ღმერთი ტოტუსი (იბისი ან წერო).

წერო, პოეტების მფარველი, ჰერმესის წმინდა ფრინველად მიიჩნეოდა მანამ, ვიდრე აპოლონმა ისიც არ მიითვისა. პირველი ანბანი ლურსმული ანუ სოლებრივი გახლდათ, რადგან წეროთა გუნდს ცაში სწორედ სოლის მოყვანილობა აქვს.

აპოლონს ეკუთვნის დამწერლობა, განათლება და კულტურა, ჰერმესს — ანბანი, მაგია და კულტი. აპოლონი უკავშირდება ხმოვან ბგერებს, გალობას, სიმებასა და თანხვედრას. ჰერმესი — ასოების მოხაზულობას, ფორმულებს, თანხმოვანთა წყობასა და გამოხატვისას.

აპოლონი მუსიკაა, ჰერმესი — ტექსტი. ჰერმესმა გამოიგონა ტანვარჯიში. აპოლონი ათლეტებს მფარველობდა.

აპოლონს ჰქონდა მწყემსის კვერთხი, რომელიც ჰერმესს თავდაპირველად სულაც არ მოსწონებია. მან იგი მხოლოდ დიპლომატიურ სამსახურში გადასვლის შემდეგ მისაუკუთრა. შიკრიკის ამ კვერთხის ორი თეთრი ჰერალდური თასმა ამშვენებდა, რომელსაც მცდარად აიგივებენ გველებთან.

არადა, გველები შემთხვევით როდი აგონდებოდათ. აპოლონმა თავის დროზე მოკლა ვეება გველი, პითონი, მის დედას რომ ემუქრებოდა. ჰერმესმა გველებშემოხვეული კვერთხი გარდაცვლილთა აიდში გაცილებებისას შეიძინა.

აპოლონის კვადრიგაში შემავალი ოთხი ცხენი წელიწადის ოთხი დროა. ჰერმესის კვერთხზე შემოხვეული გველები სიკვდილისა და სიცოცხლის საუფლოებია, რომელთაც ის ფოსტალიონობას უწევს. ის აგრეთვე ბუნების ქალური და მამაკაცური მხარეებია, რომელთაც ის შეითავსებს. აპოლონს ამ წყვილადობისათვის ტყუპისცალი და ჰყავს.

აპოლონი შვიდთვიანი დაიბადა ცხრადღიანი მშობიარობის შემდეგ, მანამდე მრისხანე ურჩხულმა მის ფეხშიძემ დედას დიდხანს სხია კუნძულებზე, ხეობებსა და დაღარულ ტრამალებში. ჰერმესი მშვიდად და წამიერად იშვა არკადიის გამოქვაბულში.

აპოლონი მშვილდ-ისრითაა აღჭურვილი, მას მრავალი უმოწყალო მკვლევობა მიუძღვის. ჰერმესს კვერთხის გარდა სხვა იარაღი არ აქვს და არც ვინმე მოუკლავს. აპოლონი შურისმაძიებელი ღმერთია, ჰერმესი — ღმერთი-ინფორმატორი.

არც ერთი არასოდეს შეუღლებულა, მაგრამ ორივეს შვილები ჰყავს. აპოლონს — კომედის მფარველი მუზა თალისაგან, ჰერმესს — მრავალი ქალისგან. აპოლონი მუზათა გუნდის გარემოცვაში წარმოგვიდგება, მათ ქურუმ ქალებს ქალწულებრივი უმნიკვლოება მოეთხოვებათ. ჰერმესს განმარტოვებით, ფრთოსანი სანდლებით შემოსილს ვხედავთ, მის ქურუმებზე არაფერი ვიცით.

აპოლონი, გარკვეული ინტერპრეტაციის თანახმად, გასაგები და ცალსახაა. ჰერმესი ყველანაირი პარამეტრით ამბივალენტურია. მამაკაცობის სიმბოლოდ აღიარებული აპოლონის ცხოვრებაში ვანყდებით ბიჭებთან ურთიერთობას და ვენბათაღელვისას ჩადენილ მკვლევობებს, რომელსაც შემდგომ მწარედ გლოვობს. ამით ხდება იმ სისრულის ანაზღაურება, რაც ამ ღვთაებას აკლია. ჰერმესს მსგავსი არაფერი მოსვლია. როგორც ჩანს, ისედაც სრულყოფილია.

აპოლონი თავის ჭკუაზე ცხოვრობს. ჰერმესმა დიონისე აღზარდა.

აპოლონს ოქროსფერი თმა და ბრგე აღნაგობა აქვს. ჰერმესი შავგრემანი და ბავშვურად უმნიფარია. აპოლონის ქანდაკებები მშვენიერების ეტალონად წარმოგვიდგება, ამ ღმერთს ყველაზე უფრო ლამაზი სხეული აქვს. ჰერმესის გამოსახულებანი სხვა რამით გვზიზღავს, ამ ღმერთში ენერჯის მაქსიმუმი მოქცეული.

ჰერმესი ინტერნეტის მფარველი ღმერთია.

აპოლონი იმას მფარველობს, რაც ინტერნეტშია მოთავსებული.

ჰომეროსი, როგორც უნივერსალური სკოლა

ფრაგმენტი როლური თამაშის კონცეფციიდან

არსებობს ადამიანის მიწიერი ცხოვრების ამსახველი ორი არქეტიპი. პირველი გარკვეული მიზნისაკენ მოგზაურობა და უკან დაბრუნება — მოგზაურობა იქით და აქეთ. ამ მითოსს ავითარებს ოქროს სანძისით დაბრუნებული ხომალდი „არგო“, ძალმოსილების ბეჭდის გარეშე (მანამდე კი — ბეჭდით) დაბრუნებული ჰობიტები, „თოვლის დედოფალი“, ხეტილის ყველა ზღაპარი, „მარადი დაბრუნების“ ფილოსოფია და ფენტეზის მასიური ნაკადი. მას საუკეთესოდ ტოლკინის მეტაფიზიკა გამოკვეთავს: ადამიანი იდუმალი სამშობლოდან ყარბად მოდის ამქვეყნად, დახეტიალობს, ბევრ გასაჭირს ნახულობს, სამყაროს ცვლის და, საბოლოოდ, კვლავ შინ ბრუნდება. მოგზაურობის საზრისს გარკვეული ქუეცის (მისიის) აღსრულება და, ამავედროულად, საკუთარი არსის უცვლელად შენარჩუნება. რაგინდ ენამოს, გმირი მაინც არ უნდა დაეცეს. ეს, გარკვეულწილად, სახლის ზღურღლთან წრიულად შეკრული გზაა — ცხოვრება, როგორც გამოცდა.

მეორე არქეტიპი ვექტორია, ცხოვრებას სკოლად რომ წარმოგვიდგენს. ეს სკოლა გარკვეულ გამოცდილებას გვანდის: თითოეული მოვლენა გაკვეთილია, თითოეული განსაცდელი — გამოცდა, ადამიანი კი მუდამ სწავლა და ველებაც სწავლა ევალება. ადამიანი უნდა გამოიცვალოს, ჩამოყალიბდეს, მაშასადამე, გაიზარდოს, დაძლიოს შიშები, ჩანდეს სიყვარულის საზრისს, განათვისუფლდეს ილუზიებისაგან და ასე შემდეგ. თუკი პირველ არქეტიპს საქმე აქვს სასწაულებით თუ ურჩხულებით სავსე სივრცესთან, მეორეს დროსთან აქვს საქმე (დროს კი საკუთარი სასწაულები და საკუთარი ურჩხულისებრი ნიღბები აქვს). უკანასკნელ გამოცდად სიკვდილი გვევლინება. ამ სფეროს განეკუთვნება ნიგნები ბავშვობასა და აღზრდაზე, მრავალტომეული რეალისტური საგები („ომი და მშვიდობა“), მისტიკური რომანები ჭეშმარიტების შეცნობაზე („დასავლეთის სარკმლის ანგელოზი“), საიდუმლო დოქტრინები, ზოგიერთი საავტორო ზღაპარი („ბურატინო“) და ყველაფერი, რაც ასე თუ ისე ადებტატს (ხელდასხმას) უკავშირდება (მოცარტის „ჯადოსნური ფლეიტის“ თამაღობით). ცხოვრება დაბრკოლებებით სავსე

როლისა თუ დოლის სახით წარმოგვიდგება, რომლის დასასრულს ადამიანს ფერისცვალება მოეღის („ქანქარაზე გაკრული ბელბოს სხეული სიცარიელეში ჩამოკიდულ სეფიროტის ხის ნახაზად გარდასახა და თავისი უკანასკნელი მოგზაურობით უსისხლო სულის შთაბერვის ათი საფეხური დასახა, მასში იყო ღვთისური სანყისის ქვეყნად შთამოსვლის ყველა ფაზა“ — ფრაგმენტი უმბერტო ეკოს ნაწარმოებიდან „ფუჟოს ქანქარა“).

ცხადია, ამავე რკალს ეკუთვნის სკოლად დაწერილი ყოველი ნიგნც: წერია „სკოლა“, იგულისხმება ცხოვრება. მარტივი აღგორიაა.

ჰარი პოტერზე შექმნილი საბავშვო შვიდტომეული მოგვითხრობს ჰოგუორტის უნივერსიტეტზე, სადაც არანორმალური ადამიანები (ჯადოქრები, ხელდასხმულნი, რჩეულნი) სწავლობენ. ისინი არანორმალურ დისციპლინებს შეისწავლიან (უსულო საგნების სულიერად გადაქცევა, უძველესი რუნები, მისნობა და ბანგები, ბნელი ძალებისაგან თავდაცვა და ღვთისგან ნაბოძებ სინამდვილეზე ზეგავლენის სხვა მეთოდები). აქ მასწავლებლებიც არანორმალურები არან: გარიყულნი, უნებისყოფი დავრდომილნი, მიზანტროპები, მოლატენი, მაქციები. ამ სკოლაში ბავშვები არანორმალურად სწრაფად იზრდებიან, რადგან გამოცდაზე არგამოცხადებისათვის საპატიო მიზეზად თვით სიკვდილიც კი არ გამოდგება, სიკვდილი კი ძალზე ახლოსაა ჩასაფრებულნი, რადგან არანორმალური საგნების არანორმალური მეთოდებით შესწავლა საფრთხეს უქმნის სიცოცხლეს. და მაინც: ეს რჩეულთა მოწოდებაა. გარე სამყარო მუყაოსავით მტკნარი და უფერულია. მასში ტლუ მომხმარებლები ბინადრობენ. ჯადოსნური სამყარო საკმარისად ბაძავს ჩვეულებრივს, რათა მის დაუხმარებლად იარსებოს: ამ არანორმალურ გარემოს საკუთარი სამინისტრო, ბანკები, გაზეთები, როკ-ჯგუფები, კაფე-ბარები, მაღაზიები და საყოველთაო დასაქმება აქვს. და, მიუხედავად ამ ყველაფრისა, ჯადოსნური სამყარო მაინც ჩვეულებრივის პარაზიტია. ალბათ, იმიტომ, რომ ორივეს საერთო მტერი ჰყავს: ბნელი ლორღი.

...რომელი მხრიდანაც უნდა შეხედო ამ ყველაფერს, ყველაზე მეტად ეს ჩვენს როლურ მოძრაობას ნააგავს. როლური მოძრაობის მიკროსოციუმი დიდი სამყაროს ყველა სტრუქტურას იმეორებს და, ამავედროს, თავისი განსაკუთრებულობის გამო, მედიდურად აქცევს ზურგს. როლური თამაშები ჩვენი ჯადოსნური ცხოვრებაა. როლურ გარემოში როულინგი-სეული ჯადოქრების ყველანაირ ტიპს გადაეყრებით: „სუფთა სისხლის“ ქედმაღალ სნობებს (მხოლოდ ქუენიაზე რომ მეტყველებენ და მხოლოდ XI საუკუნის რეკონსტრუქციით არიან დაკავებულნი), დემოკრატიკ ჯიგრებს (კარგი კომპანიის ხათორი ყველაფერზე რომ თანხმდებიან), ყურნალისტებს, სცენის ვარსკვლავებს, არქივარიუსებს, თვითკმაყოფილ წარცისებს, უნიჭოებს, დიდოსტატებს, ვის დამზადებულ ჯადოსნურ ჯოხებსაც მთელი ქვეყანა ყიდულობს, ნახავთ ჩინოსნებს და პრეზიდენტებს, ადმინისტრატორებს, ჩემპიონებს რკინის ძმიზე და პლასტიკის მსუბუქ ნონაში, ბნელი ძალების მომხრეებს; გყავს ჩვენი სპეცდანიშნულების რაზმიც (11 საათის შემდეგ საშვს თუ არ წარუდგენ, ხელებს თავსუკან დაგანჯობინებენ), გყავს ქურდები და სკვინები, დიდ სამყაროსთან მოკეკლულე პოლიტიკოსები და საშუალო დონის სპეციალისტები, დიდ მყუთად რომ გაიყიდნენ, გყავს მოლატეები და განდეგილი; უმომოების ფედერალური სამსახური ჩვენც გვითვალთვალავს (რათა გარე სამყაროშიც არ ნაგვიცდეს ხელი ჯადოქრობაზე). გყავს უფროსი ქვეგანყოფი — ეს ის დინოზავრები არიან, ცხოვრებაში ყველაფრის გემო რომ მოსინჯეს, მაგრამ ჯერაც არ დაუკარგავთ ყოვლად მისასალმებელი სურვილი, საკუთარი გამოცდილება მოზარდებს გაუზიარონ. გყავს ცხოვრებისაგან დაღლილი ჯადოქრები, თავი მეცნიერებას ან ავტობიოგრაფიას რომ შეაფარეს. გყავს ტირანი მასწავლებლები (სამი ლიტრი სპირტი), თეორეტიკოსი მასწავლებლები (სამი ტომი ფსიქო-სოციალური გამოკვლევები) და პრაქტიკის ურყევი მიმდევარნი (სამი თვე ტრენინგი); მონაფეთა შორის არიან მლიქნელები, გულღები, ბეჯითები, ინტელექტუალები. გყავს სახელობი-

თი გმირები. გვაქვს ჩვენი სიმპოზიუმები და დადგენილებანი, დაუნერული კანონმდებლობა, საშობაო მეჯლისები და კულუარული განეე-გამონევა. რალა თქმა უნდა, ქვიდიჩის ტურნირებიც გვაქვს (ზოგჯერ სანახაობრივი, ზოგჯერ კი უმსგავსო თავპირის მტკრევა). მერლინის ორდენიც კი გვაქვს დანეტებული ქვეყნის წინაშე თამაშის სფეროში განეული ღვანლისათვის. ფორმით ის გოდრიკ გრიფინდორის („ჰარი პოტერის“ პერსონაჟი, ჰოგუორდზის ერთი დამაარსებელი) ხმლის, დიურნადლის მინიატურას წარმოადგენს. თითოეული შემდგარი თამაში ოსტატებისათვის გამოცდაა, მოთამაშებისთვის კი — ჩათვლა. თამაშისთვის მზადების პერიოდი სასწავლო პროცესია.

საინტერესოა, რას შეგვასწავლის როლურ თამაშებში მონაწილეობა?

რა ენოდება ჩვენს მიერ შესწავლილ საგნებს?

პარადოქსია, მაგრამ ფაქტია: ჩვენ შევისწავლით ღვთისგან ნაბოძები სინამდვილის შეცვლას, რისთვისაც შემდეგ მეთოდებს ვიყენებთ: ტრანსფიგურაციას (200 მეტრის სიგრძის ჯვალ ვერსალის სასახლედ გარდაიქმნება, შარვალი — კობტა კიულოტად), გარდასახვის ბანგებს (გოგონები ბიჭებად გარდაისახებიან, ჰობიტები კი — ელფებად). გარდა ამისა, შევისწავლით ჩვენს საკუთარ ბოგარტებს (ჩვენი შიშების ნაირსახეობებს), ვივარჯიშებთ ნებისყოფასა და თვითგადარჩენის უნარებს, ვიკვლევთ ჰერმეტულ მოძღვრებებს, რადგანაც ისინი იმ ეპოქებში არსებობდა, რომლის მოდელირებასაც ვახდენთ, ეს მოძღვრებებია ალქიმია, ასტროლოგია, რუნებითა და ტაროს ბარათებით მკითხაობა; ვეცნობთ ძველი სამყაროს მითოსურ პანთეონებს, დემონოლოგიაში ვიქვევებით და ზოგჯერ მისი ხორცშესხმაც გვიწევს, ვეჩვევით ადამიანურ არსზე უარის თქმას, ვსწავლობთ დასავლურ და აღმოსავლურ თეოლოგიას, ვანარმოებთ საბრძოლო მაგიას, ვახდენთ საწამლაგებისა და ჯადოების მოდელირებას და გამუდმებით ვანყდებით სიკვდილის სამანს, რომლის მიღმა თამაშის ტექნიკოსები სხედან და, თუ ხელში ჩაუვარდი, მთელი დარჩენილი თამაშის მსვლელობისას მათი პირქუში მეთვალყურეობის ქვეშ ექცევი — არც ცოცხალი, არც მკვდარი. მაგრამ, რაც მთავარია, ჩვენ საკუთარ თავს შევისწავლით. თხუთმეტწლიანი როლური სტაჟის შემდეგ უკვე შეგიძლია, ადამიანებზე ესა თუ ის დასკვნები გამოიტანო. რა დონის ჯადოქარიც უნდა იყოს, ადამიანი, უპირველეს ყოვლისა, იმით კი არ ფასდება, თუ რა შეუძლია, არამედ იმით, თუ რად იქცა, როგორი რწმენა ადმოაჩნდა და რეალურად რა ვექტორით იმოძრაავა; თუ რას ემსახურება. ჩვენს მჭიდრო ფენაში ვერაფერი დაიმალება. ამ წლებში მანძილზე ვილაც, შესაძლოა, გილდეროი ლოკარტად გადაიქცა, სხვამ სირიუს ბლეკის ბედი გაიზიარა, ვილაც კი სულაც პიტერ პეტიგორი გამოდგა. ყველაფერთან ერთად, სწავლის პროცესში ვთავისუფლებით იმ ილუზიისგან, თითქოს ყველანი ძმები ვიყოთ და, გვსურს თუ არა, ერთმანეთში უნდა გავითქვიფოთ. როდესაც თითოეულ მონაწილესთან მიმართებით უკვე წარმოთქმულია ის წინასწარმეტყველება, მხოლოდ უშუალო ადრესატისათვის ხელმისაწვდომ საგანგებო ადგილას რომ ინახება, მაშინ რალაც საყოველთაო და ერთობლივზე ლაპარაკი ყოვლად ფუჭია. ჩვენი შემადგენლობის დაზარისებისა და კრისტიანობის მომსწრენი თვითონვე ვხდებით და, საბოლოო ჯამში, ყველანი ჩვენ-ჩვენი კუთვნილი ბედის პირისპირ წარვსდგებით. თითოეული ჩვენგანი საკუთარ შუბლზე მხოლოდ მისთვის განკუთვნილი ნაიარევის გარჩევას სწავლობს.

მოგზაურობა-ძიების არქეტიპს შეგყვართ ეპიკის სივრცეში, სადაც ყველანი ჩვეულებრივი ზომის ადამიანები კი არა, ბუმბერაზი ელფი გმირები ვართ, ან სულაც გაურკვეველი წარმოშობის პერსონაჟები. სკოლის არქეტიპი კი საკუთარი არასრულყოფილების ფაქტის წინაშე გვაყენებს. როულინგის ჰოგუორტის უნივერსალურობას ის კი არ განაპირობებს, რომ მასში დისციპლინათა ფართო სპექტრი ისწავლება, არამედ ის, რომ მას შეიძლება, ნებისმიერი მოვლენა შეადარო, თუკი ამ მოვლენას განვითარება და გამოცდილება დაგროვება ახასიათებს.



ლორა ბოჩაროვა

AVE MATER DEI!

კედლისკენ, რომლის ქალარა ლოდებს სხივების სითბო ფერავს, გეზს ვაძლევთ ცხენებს და აღმართული ბასრი მახვილი ელავს. ღვთით დაწყველილი თეთრი სავანე — ჩემი ლაზადის კალთა. Ave Mater Dei!

არის ორი გზა: სიბნელეს ებრძვი ან სინათლეში რჩები. სასიკვდილოა ჩემი აღთქმა და მოკვდება მტერი ჩემი. ჩემს მკერდზე ჯვარი ალისფერია ისე, ვით სისხლის წვეთი. Ave Mater Dei!

გული, ლოცვების მიმე მარწუხში სულმთლად გაჩერდეს ლამის. ჟამი ტრფობისა — არის ვასალი ბრძოლის, სიკვდილის ჟამის. წმინდა ქალწულის ნათელი მზერა დღევანდელ დღეში მოჩანს, Ave Mater Dei!

თუ დავიჭრები შუბით და ცხენი ძირს ჩამოგდებულს მათრევს, ქარი ჩემს ფერფლსაც წაიღებს, სადაც სხეები დაეცნენ ადრე. ეს ანგელოზის ფრთების ჩრდილია, არა სიკვდილის როკვა! Ave Mater Dei!

დრო ერთმანეთში ურევს სხეულებს, პირს მტვრით და ქვიშით გვივსებს. წმინდა მინაზე ვინცები, ქრისტემ რომ განისვენა, ისე. დრო — დარჩენილა მოტყუებული, ვივატ, ბეთლემის ვარსკვლავს! ვე ატერ ეი! Ave Mater Dei!

ალთქმა

ამ სიტყვებით მიმართა მეფე ფინროდ ფელაგუნდს ედრაჰილმა, ერთ-ერთმა ელფმა მისივე რაზმიდან, როდესაც ბნელი მბრძანებლის, საურონის მიერ ტოლ-ინ-გორ-ჰოტის ციხეში დამწყვედელნი ელოდნენ სიკვდილს.

თეთრი მოსასხამის გვერდით, ძვირფასი გვირგვინის ახლოს, ზეიმად მიჩანდა ბრძოლა, სიო მიკოცნიდა სახეს. ნაპირზე მარილი დულდა, აღთქმა რომ მოგეცით, მაშინ...

წყვედიანი გეხვიათ, მაგრამ სინათლეს ვხედავდი თვალში.

თეთრი მოსასხამის გვერდით თავს ბედის რჩეულად ვთვლიდი,

თეთრი მოსასხამის გვერდით არასდროს ვყოფილვარ ფლიდი... თეთრი მოსასხამის გვერდით, ვიდრე ამ საათმა დაჰკრა... ვადიდებ სიბნელეს, წყვიდადს, ახლა რომ გარშემო გვაკრავს!

ჩემო შემოდგომის ლორდო, ეგ გული მტკიცეა, თითქოს იყოს მარმარილოს ლოდი, ან იყოს ბაზალტის ქვები. ჩემი ბედისწერის ბოლოს მე ბევრს აღარაფერს ვითხოვ: მზერა ამარიდეთ თქვენი... მზერა ამარიდეთ თქვენი...

ალისფრად წვეთავდა თოვლზე, სამარის ყვაილთა მსგავსად. ალისფრად წვეთავდა თოვლზე, სადაც „შენ“ ვერასდროს დამცდა. სიკვდილის თვალია წითლად, მისი ნაბიჯის ხმა ფრთხილი... გარშემო წყვიდადი გვაკრავს, მაგრამ მე სისხლს ვხედავ მხოლოდ.

თეთრი მოსასხამის გვერდით, ახლა რომ სიშავე ფარავს, თეთრი მოსასხამის გვერდით, რომ მიჯობს ყველა სხვა ალამს, — ტკივილში ვეშვები, მღუპავს, რომ ვდუმვარ და ვდუმდი დიდხანს. ტკივილში ჩაძირულს, თვალწინ მხოლოდ შენი სახე მიდგას.

ჩემო შემოდგომის ლორდო, ნულარ შემაშფოთებ, კმარა. ოქროთი ცურვილი ბადე მომხსენი, გულზე რომ მომდე... ტრფობის სიმძიმეზე მეტად თავისუფლებაა მწარე, თვალნი ამარიდე შენი... ნება მომეცი, რომ მოვკვდე.

ანდროზინი

დაგმანულია ფანჯრები ბალში, გუმინ სტუმრების ხმები ისმოდა. უკან არასდროს არ გაიხედო, ნურაფერს ელი სამერმისოდაც. სითეთრე თვალს გჭრის, ვერაფერს ხედავ, მხოლოდ ღვინის თასს შემორჩა სითბო. ...მე, ძველებურად, როგორც ყოველთვის, ვარჩევდი მერლოს, სხვას არას ვითხოვ.

თოვლი აანთებს ნეკერჩხლის ფოთოლს. ისრები სტარტზე — და ადგილს მოსწყენენ. ამოცლილია ტყვია ახლახანს. ნეტარ არიან, ვისაც ძღვენი დროზე ერგება: კეკლუცებს — ვარდის თაიგულები, კაცებს — ქება და პირში ფერება, ანდროზინებს კი — არაფერი. მათთვის არა ხამს.

ო, ლირიკულო, შენ, ჩემო გმირო — ფართო სამოსის კალთებს რომ არხვევ, მყუდროდ ვარ მაშინ, როცა ეგ მფარავს, მსუბუქად ვზიდავ ორივე სამხრეს. ჩემში მჟღავნდები, ამას მაგონებს ლაქით დაფარულ მორზე რგოლები. მანიშნე, რათა მიხვდეს გონება, რომ მე მოვტყუვდი, თქვი, გამაგონე.

დაპირებებს და სურვილებს ანდობ, ბედავ, გახედო ბურუსში ლაჟვარდს... გულის კარია გახსნილი ფართოდ, ფართოდ გახელილ თვალებით რაც ჩანს: პოლუსები და ნახევარსფერო. ...ჩემს არჩევანში მე ვარ აზატი და ძველებურად, როგორც ყოველთვის, მხიბლავს აზარტი.

თოვლი მინამქრა კარის ზღურბლთან, ქარი დაქროდა. თუ არ ცრუობენ ჩემი გრძნობები — მე ვარ ბანკროტი. ძირს ყრია კარტი, შეგიძლიათ მისი დანახვა. ნეტარ არს, ვისაც ბედისწერა წყალობას აყრის: ერთს — მყუდრო სახლი, მეორეს კი — გვირგვინი დაფნის, ჩვენნიარებს კი, არაფერი. ჩვენთვის არა ხამს.

შენ არ იცოდი, მე რომ მიყურებ, ტყვიას უყურებ, მიზანში დახლილს. მე რვა სხეულის მიღმა გავალწევ, რომ საკუთარი ვიპოვო სახლი. ცხრა ზეციური სფეროს გარღვევით, ორბიტებს არ ვთვლი, ძალას მოიკრებს და თავისუფლად ცხრა მოციქული გზას გამოიკვლევს.

თარგმან პასილ გულეურმა



ჩარლზ ბუკოვსკი



სტილი

სტილი — აი ყველაფერზე პასუხი. ახლებური მიდგომა მოსაწყენი თუ სახიფათო რამეებისადმი. უმჯობესია სტილურად ქმნა მოსაწყენის, ვიდრე ქმნა სახიფათოსი უსტილოდ. სახიფათოს სტილურად ქმნა არის ის, რასაც მე ხელოვნებას ვეძახი.

ხარების ბრძოლა შეიძლება იყოს ხელოვნება. კრივი შეიძლება იყოს ხელოვნება. სიყვარული შეიძლება იყოს ხელოვნება. სარდინის ქილის გახსნა შეიძლება იყოს ხელოვნება.


ცოტას აქვს სტილი. ცოტას შეუძლია სტილის დაცვა. მე ძალეები მინახავს ადამიანებზე უფრო სტილური. თუმცა ძალა ძალსა აქვს სტილი. კატები სტილის სიჭარბეს განიცდიან.

ჰემინგუეიმ საფანტიანი თოფის მეშვეობით კედელს ტვინი რომ მიასხა,

ეს სტილი გახლდათ. ზოგჯერ ადამიანები გვთავაზობენ სტილს. უანა დ'არკს ჰქონდა სტილი, იოანე ნათლისმცემელს, იესოს, სოკრატეს, კეისარს, გარსია ლორკას.

მე ციხეში შევყრივარ სტილის მქონე ადამიანებს. ციხეში მეტია სტილის მქონე ადამიანი, ვიდრე ციხის გარეთ. სტილია, თუ როგორ ქმნა, როგორ იქმნა. თუ როგორ დგას ტბორში მშვიდად ექვსი ყანჩა ან თუ როგორ გამოდიხარ სააბაზანოდან შიშველი, ისე, რომ ვერ მხედავ.

თარგმან ნიკა ჯორჯანელმა



იგივე პავლიონი, ახალი ნიგნები და ახალი მონაწილენი

28-31 მაისს „ექსპო-ჯორჯიას“ მე-11 პავლიონში თბილისის წიგნის XVII საერთაშორისო ფესტივალი გაიმართა. ღონისძიების ორგანიზატორი წელსაც წიგნის გამომცემელთა და გამავრცელებელთა ასოციაცია იყო, პროექტს პარტნიორობა გაუწიეს საქართველოს კულტურისა და ძეგლთა დაცვის სამინისტრომ, პრეზიდენტის ფონდმა და თბილისის მერიამ.



ფესტივალს სამოცამდე მონაწილე ჰყავდა, მათ შორის რამდენიმე წელს პირველად იყო ფესტივალზე წარმოდგენილი: გამომცემლობების გარდა წიგნები შესთავაზეს მკითხველს საელჩოებმა, კულტურულ-საგანმანათლებლო ინსტიტუტებმა, კომპანიებმა. თითოეულ მონაწილეს დატვირთული პროგრამა და, რაც მთავარია, ფასდაკლებების სხვადასხვანაირი აქცია ჰქონდა. წლებიდან ფესტივალი ღონისძიებების სიმრავლეთა გამოირჩეოდა, მრავალი პრეზენტაცია, ავტორთან შეხვედრა, დაჯილდოება გაიმართა, განსაკუთრებული გასართობი პროგრამა მომზადდა ბავშვებისთვისაც.

ტრადიციულად, ფესტივალს სპეციალური სტუმარიც ჰყავდა. გამომცემლობა „ინტელექტის“ ოფიციალური მონაწილეთა 25-29 მაისს თბილისს სტუმრობდა სერბი მწერალი იასმინა მიხაილოვიჩი, მილორად პავიჩის მეთულე. ქალბატონი იასმინას წიგნის „ხაზართა ზღვის სანაპიროზე“ ქართული თარგმანის პრეზენტაცია ფესტივალის პირველ დღეს გაიმართა. იქვე მოეწყო „ინტელექტის“ მასშტაბური პროექტის — „პავიჩი ქართულად“ — პრეზენტაცია. საზოგადოებას საშუალება ჰქონდა, შეეძინა პროექტის ფარგლებში თარგმნილი გამოჩენილი ავტორის ექვსი რომანი: „ხაზართა სიტყვისკონა“, „უკანასკნელი სიყვარული კონსტანტინოპოლში“, „სხვა სხეული“, „შვიდი მომაკვდინებელი ცოდვა“, „უნიკალური ეგზემპლარი“ და „ჩაით დახატული პეიზაჟი“. პრეზენტაციისას თავისი და გარდაცვლილი მეუღლის გამოცემებზე საუბარი იასმინა მიხაილოვიჩმა ასე დაიწყო: „ამაყი ვარ, რომ დღეს ერთდროულად ორ მწერალს წარმოვადგენ“.

უცხოელ ავტორთან ერთად საქართველოში იტალიიდან ჩამოვიდა ლიტერატურული აგენტი, რომელთანაც „ინტელექტი“ ახალი ტიპის თანამშრომლობას იწყებს — სერბ ავტორ მილორად პავიჩის ლიტერატურულ მემკვიდრეობასთან ერთად სტეფანო ბისაჩი ოთხი ქართველი მწერლის — ნუგზარ შატაიძის, თამაზ ჭილაძის, ბესიკ ხარანაულისა და ზვიად კვარაცხელიას შემოქმედების პოპულარიზაციაზე იზრუნებს.

თბილისის წიგნის ფესტივალს საპატიო სტუმრის სტატუსით ეწვივნენ შარჟას წიგნის ბაზრობის ორგანიზატორები გაერ-

თანებული ემირატებიდან და გამომცემლები სხვადასხვა არაბული ქვეყნიდან. ფესტივალის პირველ დღეს „ინტელექტის“ გარდა აქტიურობდნენ გამომცემლობები — „პალიტრა L“ და „სიესტა“. „პალიტრა L“-მა ელექტრონული წიგნების ახალი მაღაზიის ebook.ge-ს პრეზენტაცია გამართა. პროექტ „საქართველოს ილუსტრირებული ისტორიის“ ავტორი ჯაბა სამუშია მკითხველს შეხვდა, მოეწყო ახალი პროექტის, „TOP თრილერის“, პრეზენტაცია, სერიის პირველ წიგნად გამომცემლობამ ჯეიმს ჰეტერსონის „ობობას დაბრუნება“ შეარჩია. რაც შეეხება „სიესტას“, მან მკითხველს წარუდგინა ზინა გაბიჩვაძის საინტერესო წიგნი „გრამატიკა ზარმაცემისთვის“. შემდეგ კი მთავარი სცენა დაიკავა თათო შანიძემ თემით „ოლდოს ჰაქსლის „საოცარი ახალი სამყარო“ — თანამედროვეობა“.

ფესტივალის მეორე დღე ამერიკის შეერთებული შტატების საელჩოს მთარგ-



მწიგნობითი პროგრამის პრეზენტაციით დაიწყო. იმავე დღეს დებიუტანტმა გამომცემლობამ — „წიგნები ბათუმში“ — ბლოგერების კონკურსის გამარჯვებულთა დაჯილდოება გამართა. კონკურსში მონაწილეობა შეეძლო ყველას, ვისაც პერსონალური ბლოგი აქვს და თუნდაც ერთი პოსტი გამოუქვეყნებია. თემა ასეთი იყო — ბათუმური გამომცემლობის წიგნები.

უკვე გამოსული თორმეტი წიგნიდან კონკურსის ორგანიზატორებმა რვა შეარჩიეს: ართურ კლარკის „კოსმოსური ოდისეა 2001“, ართურ კლარკისა და რობერტ ჰაინლინის მოთხრობების კრებული, ფილიპ დიკის „იდინე ცრემლო — თქვა პოლიციელმა“ და „კაცი მაღალ კოშკში“, ბენარ ვერბერის „ჭიანჭველები“, რეი ბრედბერის „ტანმოხატული კაცი“, როალდ დალის „მატილდა“ და „სასწაულთმოქმედი მისტერ ფოქსი“, ასევე, ანა გავალდას „35 კილო იმედი“. სწორედ უკანასკნელი გახდა ბლოგერ მარიამ ცხოვრებაშვილის დაჯილდოების მიზეზი. მარიამი მესამე ადგილზე გავიდა. მეორე ადგილი ანი მარდალეიშვილს ერგო, რომლის პოსტიც „ტანმოხატულ კაცს“ მიეძღვნა, ხოლო პირველი ადგილი დიანა ანფიმიადიმ დაიმსახურა.

ახალგაზრდა გამომცემლობამ — „ოჩოპინტრე“ — ნამდვილი საჩუქარი გაუკეთა მკითხველს. არაერთ სხვა საინტერესო გამომცემასთან ერთად, არტურ კონან დოლის უცნობი წიგნის — „შიშის ველი“ — თარგმანი წარმოადგინა. რომანი პირველად ითარგმნა ქართულად. ის 1914-15 წლებში პერიოდიკაში ქვეყნდებოდა გაგრძელებებით.

მკითხველი ძალზე გაახარა დათო ტურაშვილთან შეხვედრამ. მისი წიგნის — „მე რომ ფეხბურთელი ვიყო“ — პრეზენტაცია გამომცემლობა „არტანუჯმა“ გამართა. იმავე დღეს „ინტელექტმა“ წარადგინა ორი ახალი გამოცემა: „მოთხრობები საბჭოთა საქართველოზე“ და „ქართული იგავური პროზის ანთოლოგია“ (შემდგენელი თამაზ ვასაძე).

რადგან ფესტივალის მესამე დღე მეოთხე დღე შაბათ-კვირა იყო, „ექსპო ჯორჯიაში“ უამრავი ადამიანი მივიდა. დილით პაა-



ძალიან საინტერესოდ იყო წარმოდგენილი გამომცემლობა „დიოგენე“, რომელმაც რამდენიმე ახალი წიგნი შემატა პოპულარულ სერიას „დიოგენეს ბიბლიოთეკა“: სალმან რუმდის „ეშმაკეული აიები“ და „ჯოზეფ ანტონი“, ელის მანროს „ფირფასი სიცოცხლე“, ჰერმან ბროხის „მთვარეულები“ და მაიკლ ონდაჩის „ინგლისელი საციენტი“. სერია „ამერიკელებს“ კი სამი ტომი დაემატა: თრუმენ კეპოუტის „ხელის აუკანკალებლად“, ჯეფრი იუჯინიდის „თვითმკვლელები ქალწულები“ და სტივენ კინგის პირველი რომანი „კერი“. ძალიან სასიხარულოა, რომ ფესტი-




ტანაცვლოების წიგნის — „ხელოვნური ყვავილები“ — პრეზენტაცია გაიმართა. წიგნი საფრანგეთში გამოიცა და „სოლემზარის“ პრემია მიიღო. შემდეგ სცენა დაიკავა ვერონიკა როთის ცნობილი ტრილოგიის, „განსხვავებულის“, მთარგმნელმა ნინო შეყილაძემ.

პირველ ივნისს, ბავშვთა დაცვის საერთაშორისო დღეს, ფესტივალის თითქმის მთელი პროგრამა ბავშვებზე იყო მორგებული. საბავშვო წიგნების პრეზენტაციები, ზღაპრების გმირებთან შეხვედრები და ასე შემდეგ. მე-11 პავლიონში მისულ ბავშვებს ცნობილმა თავგმა ჯერონიმო სტილტონმა და პეპიმ უმასპინძლეს. შემდეგ კი მწერალმა გურამ პეტრიაშვილმა მათ პატარა ქალაქის საოცარი ამბები წაუკითხა. მხატვარმა ნინო ჩაკვეტაძემ ილუსტრაციების ხატვის პატარ-პატარა ნესები ასწავლა მათ. მნიშვნელოვანი იყო, ასევე, აუტიზმის, დაუნის სინდრომისა და ცერებრალური დამბლის მქონე ქართველი ბავშვების მშობლების მონათხრობებით შედგენილი წიგნის — „ფაზლი, ეტლი და წინდა“ — პრეზენტაცია („არტანუჯი“).

ფესტივალის ბოლო დღე ჰერტა მიულერის „სუნთქვის საქანელამ“ გახსნა („სიესტა“). შემდეგ ლალი ყუშიტაშვილის მიერ ხალიდ ჰოსეინის რომანის — „ფრანთ მორბენალი“ — თარგმანის პრეზენტაცია გაიმართა. „სიესტამ“ ვაცლავ ჰაველის პიესა — „ნასვლა“ — წარმოადგინა.

ვალს ახალი გამომცემლობები შეემატა. ისინი შთამბეჭდავად წარადგინეს მკითხველის წინაშე. იმედია, მომავალ წელს ქართველ გამომცემელთა რიცხვი და, შესაბამისად, თბილისის წიგნის ფესტივალის მასშტაბები გაიზრდება და მკითხველსაც მეტი არჩევანი ექნება.

მომზადა თამარ შურულაძე



ბიომბრაზიული რომანი „მზე და მწუხრი“ თუმც მხოლოდ არაგვისპირელის ცხოვრების საგაა, რომანის ცენტრალური პერსონაჟი მაინც მხოლოდ ერთი სილუეტითაა განსაზღვრული „მითოსს მოკლებული დროის“ მწუხარე მატანისა.

საგასტიკია — ავტორის ლაკონური დეფინიციით, „გაბზარულ გულს არად დაგიდევდა მეფისტოფელური ჟამი.“

კონტრაპუნქტის პრინციპით ნაგები ბიოგრაფიული რომანის მხატვრულ ქსოვილში, ისტორიულ, პოლიტიკურ, კულტურულ შრეებში ერთ მოდერნისტულ პლასტსაც ამკვეთრებს როსტომ ჩხეიძე — ურბანისტული სივრცის, ქალაქური ტოპოსის არაგვისპირელისეულ აღქმას — „ავი სუნი და მტვერია“ თბილისური ანტურაჟის მძაფრი დეტალი: „მტვერი და ტფილისი ისეა დაკავშირებული ჩემს გონებაში, ერთის ხსენებაზედ უეჭველად მეორე უნდა მომაგონდესო.“

„მზესა და მწუხრში“, რომელშიც ოთარ ჩხეიძისეული ინტერტექსტის ფრაგმენტებიც ჩნდება, კონსტატირებულია (მოდერნისტ არაგვისპირელზე ჰყვება პოსტ-მოდერნისტი როსტომ ჩხეიძე): „(ავი მტვერი და სუნი) ყოფითი სურათია, თუმც მწერლის წარმოსახვა სცილდება რეალისტურ ფონს და ყოველივეს მიღმა სიმბოლოებს დაექმებს. ჰელიოცენტრიზმით აღვსილა ეს სამყარო, მზის ვარვარებით გათანგულა. ოთარ ჩხეიძე, ჰელიოცენტრიზმს რომ მიაგნებდა მხოლოდ არაგვისპირელის სამყაროს უმთავრეს მრწამსად, ფილოსოფიურ საყრდენად („თბილისის მზე არავის გამოუხატავს ასე თავისებურადა, ასე ძლიერადა, სრულყოფილადა“) ქალაქის გულში დაგუბებულ შმორსაც თავისებურ გააზრებას მიაჩქებდა და საზოგადოებრივი და ეროვნული დავრდომილობის სიმბოლოდ დაისახავდა“ (მზე და მწუხრი, 2011).

როსტომ ჩხეიძის აღნიშნულმა ციტატამ ერთი ლიტერატურული პარალელისათვის შეგვაგულანა.

უაღრესად საინტერესოა, რომ „მოდერნიზმის მამად“ ხმოზილი ჯეიმზ ჯოისიც ირლანდიის „საზოგადოებრივი და ეროვნული დავრდომილობის სიმბოლოდ“ სწორედ „შმორის“, „ნესტის“ პარადიგმას ირჩევს, დუბლინს ჭაობად აღიქვამს, ირლანდიის მარადი ჭირით გაბეზრებული.

დუბლინისა და თბილისის — პროვინციულ ქალაქებად დამცრობილი დედაქალაქების სილუეტები თითქმის ერთდროულად მოიხაზება კალმით.

თუმც ტრადიციული შეხედულებით, ქართული მოდერნიზმი „ცისფერყანელთა“ შემოქმედებიდან აითვლება, არსებობს განსხვავებული მრწამსიც. ოთარ ჩხეიძის ვარაუდით, მიმდინარეობის სათავეებთან ვაჟა და ბარნოვი დგანან, რომელთაც ისევე ააღორძინეს ქართული მითოსი, როგორც გელური (ირლანდიური) — იეიტსმა და ჯოისმა (ლიტერატურული „იზმები“ პარალელურად არსებობენ სივრცულად უაღრესად დაშორებულ, თუმც დროით ერთმანეთს თანხვედრილ ლოკალებში).

ვახტანგ კოტეტიშვილის აზრითაც, უკვე ყაზბეგსა და ვაჟასთან შეინიშნება რეალიზმისაგან აბსოლუტურად განსხვავებული მიმდინარეობის სულისკვეთება: „პროტესტანტობის საფუძვლად სოციალოგიური მხარე კი არ ჰქონდათ, არამედ — ზნეობრივი... ჩვენი ნეორომანტიკოსებიც (ასე იხსენიებს კოტეტიშვილი ვაჟასა და ყაზბეგს — ნ. კ.) წინააღმდეგნი იყვნენ იმ საშინელი სინამდვილის, რომელიც დამპყრობი ნაბიჯით მოდიოდა იმიტომ კი არა, რომ იგი ნივთიერად აღატაკებდა ხალხს, არამედ იმიტომ, რომ სულს ურყევნიდა. ამ დაპირისპირებაში მოხდა ისე, რომ მთა და ბარი თითქოს ორ პოლუსად იქცნენ და, ბარი რომ ნივთიერი აღორძინებისაკენ იკვლევდა გზას, მთა სულის განახლებას ავალბებდა, ბარი რომ რეალიზმისა და ნატურალიზმის დაბლობში ჩადიოდა, მთა რომანტიკული სიმალ-

ლებებისაკენ მოუწოდებდა“ (ვახტანგ კოტეტიშვილი, რჩეული ნაწერები, ნიგნი 1, 1965).

კოტეტიშვილისეული „ნეორომანტიკული“ „მოდერნისტულს“ სინონიმად შეიძლება გავიაზროთ ისევე, როგორც „მთა“ და „ბარი“ — „სოფლისა“ და „ქალაქისა.“ სხვა რა არის მოდერნიზმი, თუ არა ხელოვნებისმიერი სასტიკი ანარეკლი და წინასწარმეტყველება „სულის გამყვენელი“, ზნეობის დამაქინებელი, უღმერთო



ნანა კუცია

მოდერნისტული პასაჟი

როსტომ ჩხეიძის „მზე და მწუხრის“ ერთი ლიტერატურული პარალელისათვის

ჟამის დადგომისა, პოსტმოდერნიზმის მიერ საბოლოოდ კონსტატირებული?! (აკი წერს კიდეც პოსტმოდერნისტი ფრედერიკ ბეგბედერი მოდერნისტი ოლდოს ჰაქსლის ტექსტთა რეცენზირებისას, „XX საუკუნის დასაწყისში ჰაქსლი შეძრწუნებით წინასწარმეტყველებდა ჯოჯოხეთის გარდუვალობას, ჩვენ კი XX-XXI ს.ს-ის მიჯნაზე უკვე ჯოჯოხეთში ვცხოვრობთ და — არც არაფერი, შევეჩვიეთ კიდეც“ (ფრედერიკ ბეგბედერი, საბოლოო აღწერა ჩამოფასებაზე, 2013).

„გამჭვირვალეა ქვეტექსტი, მკაფიოა ალეგორია“, როგორც არაგვისპირელის, ასევე ჯოისის ტრაგიკული ტექსტებისა.

დამბლადაცემული, მტვრიანი, შმორის სუნით გაჟღენთილი, დავრდომილი ქვეყნების ეროვნული ენერჯის ხელოვნებისმიერი რეფლექსიის წარმოსაჩენად ყურადღებას გავამახვილებთ არაგვისპირელისა და ჯოისის თითქმის ერთნაირსათაურიან ნოველებზე „მინაა!“ და „მინა.“

„მინაა!“-ს ტრაგიკულ პოეზიას საბჭოთა კრიტიკა სოციალურ-პოლიტიკური ასპექტით აღქმით ნიღბავდა, არადა, გამჭვირვალეა ეროვნული ტრაგედიის რეფლექსია. ქრესტომათიული ტექსტი იმავე ტიპილითაა გაჯერებული, რასაც მოგვიანებით მოქმედების სულ სხვა დროით-სივრცით ველში გადატანით დააფიქსირებს ოთარ ჩხეიძე, გილაგამეს ათქმევინებს: „მე მირჩევნია, გულზე მეყაროს და არა ფეხქვეშ ურუქის ქვეშ.“

ეროვნულენერგიადამრეტილი ქვეყნის შვილს უცხო იმპერიის უნაპირო სივრცეებში ასახლებენ, მოუსავლეთის გზას გაუყენებენ და ჯალათ მეთვალყურეს, მინის მისტერიისადმი ყრუსა და ბრმას, ცხვირ-სახოცში გამოკრული მინაც ენანება მინა და სამშობლონართმეული ქართველისათვის. მდგომარეობას ვერ ცვლის დავიანებული სინანული, ვერც რძის შეგზავნა მომაკვდავი ბერასათვის. როგორც კუზმა კილა ვერასოდეს სწვდება უჯუშ ემხასა და

ჰაკი აძბას „განწირულის სულისკვეთებას“, ვერც უსახელო მეთვალყურე გაითავისებს ბერას მისტერიულ დამოკიდებულებას ლომისის მადლით განწმენდილი მინისადმი, ვერც მომაკვდავის უკანასკნელი სიტყვების სინათლეს: „ვიბნევი ბრწყინვალე ბაში!“ (შო არაგვისპირელი, მინაა! ქართული პროზა, XVII, 1989).

თუმც, იქნებ, რაკურსის შებრუნებაც შეიძლებოდეს და თავად უმინოს, რეკრუტს, უმისტერიოს სწორედ სხვისი ფესვი, მინისადმი საკრალური დამოკიდებულება აცოფებს და ამადაცაა ასე ავად გაღიზიანებული?! (საგულისხმოა, რომ ნეორომანტიკული ყაზბეგთანაც სიბრალულითაა დახატული საქართველოს ავად დაღირებული რუსის ჯარი. ეს ქართული მსოფლალქმაა, უკვე ცურტაველთან ფიქსირებული: „საწყალობელ იქმნა უბადრუკი ვარსკენ...“).

ერთი შეხედვით, აბსოლუტურად განსხვავებული შინაარსის ტექსტია ჯოისის „მინა“, „დუბლინელთა“ ბრწყინვალე რკალის მეთავე ნოველა, არაფრით გამორჩეული ქალის, დუბლინელი მარიას ერთი დღის ანარეკლი, სამრეცხაოში ნაშოვნი ჯამაგირით რომ ყველანაშინდის დღესასწაულზე (კელტთა უძველეს ახალწელს რომ ემთხვევა და პირველ ნოემბერს აღნიშნება კათოლიკურ სივრცეში — ნ.კ.) ძმისშვილებისათვის ტკბილეული უყიდია, გასართობი მკითხაობისას კი ცხვირ-სახოცში გამოკრული მინა ერგება, სიკვდილის მეტაფორა (ოლონდ თავად ვერც ხვდება ამას). აღვლევებული რძალი მინას ლოცვანით შეუცვლის.



მოსფეროს იმპრესიონისტულ ჩანახატებში, ...რომელიც XX საუკუნის დასაწყისის ირლანდიის დედაქალაქის შესანიშნავი მატანია, მწერლისათვის ირლანდიის ისტორიის გარკვეული ეტაპის გამოხატულებაა, დუბლინია მოთხრობების ნამდვილი გმირი“, წერს მკვლევარი მაია მალაშხია მოდერნისტული მოთხრობების ციკლის ანალიზისას (ჯეიმზ ჯოისის „დუბლინელი“, „ცისკარი“ 5-6, 2001).


თავად ჯოისის უნივერსიტეტელი მეგობრის, კონსტანტინ კარენისათვის მიუწერია, რომ ირლანდიური აღორძინების ერთ-ერთი მესვეურის, ჯ. რასელის თხოვნით წერდა ეპიკლეზისთა რკალს, რომელსაც „დუბლინელებს“ დაარქმევდა. „ეს იქნება მცდელობა იმ ჰემიპლეგიის (ცალმხრივი დამბლა — ნ.კ.) თუ დამბლის ანალიზისა, რასაც მავანნი ქალაქ დუბლინად აღიქვამენო“, ტრაგიკულ-სარკასტულია მინანური (ეპიკლეზის — ლიტურგიული ტერმინი, სულიწმინდის მოხმობა-მოწოდება ღვინისა და პურის უფლის სისხლად და ხორცად გარდასაქმნელად).

ჯოისის ადრეული მოთხრობების კრებულიისათვის დართულ კომენტარებში მკვლევარი სერგეი ხორუჟი აღნიშნავს: „მწერალს ჩაუფიქრებია ციკლი მოთხრობებისა დუბლინზე, ქალაქის სულის გადმოსაცემად. დუბლინის არსს ჯოისი დამბლის ფენომენით გამოხატავს“ (ჯეიმზ ჯოისი, ადრეული პროზის კრებული, 2011 (რუსულ ენაზე)).

ამ პარალიზებულ გარემოს ნესტისა და შმორის სუნი მსჭვალავს და მკვლევარს „მინაში“ მოხსენიებული სამრეცხაოს სახელიც („დამბლი დუბლინის სამრეცხაო“) პარადიგმული მნიშვნელობისად ეჩვენება. „მინასაც“ ბედსმეგუბებული ქალაქისა და ქვეყნის საერთო სენი — სულიერი დამბლა, შმორი, ნარეცხის ნესტიანი სუნი მსჭვალავს, როგორც „დუბლინელთა“ რკალის ლამის ყოველ ნოველას.

რა თქმა უნდა, ჯოისის შემოქმედებითი მასშტაბები გაცილებით შთამბეჭდავია, ვიდრე შო არაგვისპირელისა, მაგრამ უაღრესად საინტერესოდ გვეჩვენა, რომ ერთი და იმავე პარადიგმით, შმორისა და ნესტით სუნით აღბეჭდეს მოდერნისტული თუ ნეორომანტიკული ტექსტების მხატვრული ქსოვილი მწერლებმა ისევე, როგორც მინის პარადიგმაში გაანივთეს ბედისწერის, პროვიდენციის არსი.

P.S. აქვე არ შეიძლება არ გაგვახსენდეს ოთარ ჩხეიძის ასევე პროვიდენციული ნოველა „მინა“ (კვლავ „მინა“) — ერთდროულად ურბანისტული და ეროვნული სატიკურის ტრაგიკული პოსტმოდერნისტული ანარეკლი.



გამჭვირვალე, უფაქიზეს ნოველაში, რომლის მოყოლაც ისევე შეუძლებელია, როგორც მალალი პოეზიის („დანარჩენი ლიტერატურა“) ნიმუშებისა, არაფერი ხდება, აქ კონტექსტი და ქვეტექსტი დომინირებს ტექსტზე, მაგრამ, რაკი „გამჭვირვალეა ქვეტექსტი, მკაფიოა ალეგორია“ (გავიმეორებთ როსტომ ჩხეიძის რეფრენს შო არაგვისპირელისადმი მიძღვნილი რომანიდან), პატარა მარიას უღიმღამო (თუმც — სხვაზე ზრუნვით განათებული, „ბრწყინვალე ბაში გაბნეულ“) ყოფაში ირეკლება ნაგულისხმევი და მარადმყოფი, ბრიტანულ იმპერიას ძალად დამონებული დუბლინის უღიმღამო, დადამბლავებული არსებობა.

„დუბლინის მეტად თავისებური ატ-

„ლიტერატურული გაზეთის“ გამონერის მსურველები დაუკავშირდით სს „მაცნე“-ს: 214 74 22; 214 39 06

ლიტერატურული გაზეთი
საქართველოს კულტურისა და ძეგლთა დაცვის სამინისტრო
საქართველოს მწერალთა სახლი
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ჟურნალისტი თამარ ჟურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 772 346 794 004